


ლიტერატურული გაზეთი



ჯემალ ქარჩხაძე

ამბოხება

ერთი მშვენიერ დღეს ხაჭაპურიძეების მყუდრო ცხოვრებას საძირკველი გამოეცალა: ნაიქცა ოჯახის მამა და ჩვენი მოთხოვნის მთავარი გმირი ილიკო ხაჭაპურიძე და ერთობ მწვავედ დაისვა მისი ყოფნა-არყოფნის საკითხი.

ილიკო მაღალი კაცი იყო, გამხდარი და ბეჭებში ოდნავ მოხრილი; თეთრი თმა ჰქონდა, თეთრი უღვაშები და თეთრი, ფუნჩულა წარბები. ტანზე ჟამბა-დასული და გვარიანად შელანძლილი, მაგრამ სანიმუშოდ მოვლილი ყვითელი კოსტუმი ეცვა, ფეხზე – ფართოლანჩიანი ყვითელი ფეხსაცმელები, თავზე ყვითელი ქუდი ეხურა.

მრავალი წლის განმავლობაში ილიკო თავის ოთხ კოლეგასთან ერთად იჯდა ფართო, დაბალჭერიან, უსინათლო ოთახში, რომელიც ერთ უფერულ კანტორას ეკუთვნოდა. და ეს უფერული გარემო, – უსინათლო ოთახი, სამუშაო მაგიდა და ოთხი კოლეგა თვალწინდელი სამყაროს ერთადერთი რეალური გამოსახულება იყო.

ამ მარადიულ, უძრავ გარემოში ილიკო ხაჭაპურიძის ცხოვრების დღეები უხმაუროდ ცვიოდა, როგორც კალენდრის უმაქნისი ფურცლები, და ერთმანეთისაგან არაფრით არ განსხვავდებოდა. არ არსებობდა „გუშინ“, არ არსებობდა „ხვალ“, იყო მხოლოდ ერთი, ერთადერთი დღე, რომელიც ყოველდღე მეორდებოდა. ამ განუყოფელმა ერთფეროვნებამ ილიკოს სახე და თანდათან ერთფეროვანი, უტყვი და უმოძრაო გახადა.

დილის ცხრა საათზე ილიკო, როგორც წესი, უკვე უჯდა თავის მაგიდას და პირველ საათამდე სანიმუშო მონოტონურობით აჩხაკუნებდა საანგარიშოს; პირველ საათზე, როდესაც სამყაროში სასადილო შესვენება იწყება, ფაქიზად გადადებდა გვერდზე სამუშაოს, ამოიღებდა ხელსახოცში გახვეულ საუზმეს და ნელა, აუჩქარებლად ილუკმებოდა. ორი საათი რომ მოახლოვდებოდა, სუფრას აალაგებდა, მაგიდას გულმოდგინედ გადანმინდავდა და ისევ საანგარიშოს მიუბრუნდებოდა.

ერთადერთი დისონანსი, ან თუ გნებავთ, ილიკოს ერთადერთი სისუსტე მდგომარეობდა იმაში, რასაც, შესაძლებელია, არც უნდა ვამხელდეთ: ჭალარა ილიკო დროდადრო (რასაკვირველია, ისე, რომ სამუშაოს არ მოცდენოდა) თვალს გააპარებდა ხოლმე მარცხნივ, ოთახის კუთხეში, სადაც თავის მაგიდას უჯდა რიგითი კოლეგა გუგულა ბარნაბიშვილი. კაცმა რომ თქვას, გუგულა ბარნაბიშვილი ასეთი თვალის გაპარების საფუძველს ნაკლებად იძლეოდა, რადგან მისი ერთადერთი ღირსება ახალგაზრდობა იყო და დიდი-დიდი, მაღალი მკერდი, მაგრამ მოხუ-

2011 წელს „ლიტერატურულმა გაზეთმა“ ჯემალ ქარჩხაძის 1961 წელს დაწერილი პირველი და მანამდე გამოუქვეყნებელი მოთხრობა „დაბრუნება“ შემოგთავაზათ. დღეს კი თქვენს წინაშეა თხზულება, რომელიც გასული საუკუნის 60-იანი წლებით თარიღდება და რომლის პირველად ნაკითხვის საშუალებაც გეძლევათ. „ამბოხებაში“ უკვე იგრძნობა ჯემალ ქარჩხაძის მსოფლმხედველობა და ის დამახასიათებელი შტრიხები, რაც ამ პროზაიკოსის მთელ შემოქმედებას გასდევს და ყველა სხვა ავტორისგან გამოარჩევს.

ცი ილიკოსათვის ესეც საკმაო ცდუნებას წარმოადგენდა.

ასე ნელა და ასე ჩქარა მიდიოდა დრო და უკვალოდ იკარგებოდა წარსულში, სანამ არ დაკრა ჟამბა...

სამუშაო დღე იწურებოდა. გრძელცხვირა ვარლამა გიორგობიანი, განთქმული თავისი სიზარმაცითა და ცულღუტობით, უკვე მოუსვენრად ცმუკავდა და წამდაუნუმ საათზე იყურებოდა. დანარჩენი თანამშრომლებიც ასე თუ ისე მზად იყვნენ შინ წასასვლელად. ილიკო ხაჭაპურიძე კი ჯერ კიდევ მყარად იჯდა თავის მაგიდასთან, საანგარიშოს აჩხაკუნებდა და შედეგებს გულდასმით იწერდა სქელ, საკანცელარიო რვეულში. იგი იმდენად გატაცებული ჩანდა თავისი საქმით, რომ, თუ სადმე სამართალია, მისი შინაგანი მყუდროება ასე უხეიროდ არ უნდა დარღვეულიყო.

მაგრამ, როგორც ვიცით, ბედი მუხთალია.

და უეცრად ილიკო ხაჭაპურიძეს ორივე საფეთქელში, აქედანაც და იქედანაც, რალაც დაანვა. სამყარო გაიშალა და სქელ ნისლს შეერია, საიდანაც ოთახი და კოლეგები ჩანდნენ და არც ჩანდნენ, უფრო სწორად, ყველაფერი ბუნდოვნად და ორ-ორ ცალად ჩანდა (მაგალითად ვარლამა გიორგობიანი, რომელსაც ყოველი ჯანსაღი თვალი ცარიელ ცხვირად აღიქვამდა, ახლა ორ ცხვირად ქცეულიყო; ისხდნენ ეს ცხვირები ერთმანეთის მხარდამხარ, წანვეტებული ბოლოები ჭერისათვის მიეპყროთ და ზანტად ამოქნარებდნენ). კოლეგებისა და საანგარიშოების ხმაური რალაც ერთიან, გაურკვეველ ზუზუნად ისმოდა. ბოლოს, ყველაფერ სიკეთესთან ერთად, კედელიც შეტორტმანდა და დაიძრა საათის ისრის მიმართულებით. იარა კედელმა, იარა და, როდესაც კარი ფანჯარას დაენია, ილიკომ დაიკვნესა. ეს იყო გაუგონარი, დაუჯერებელი ამბავი; ეს იყო სასწაული.

და ოთხ საანგარიშოს ერთდროულად ჩაუწყდა ხმა, ოთხი ხელი ერთდროულად გაშეშდა ამ საანგარიშოების ზემოთ, ჰაერში, ოთხი გაკვირვებული სახე ერთდროულად შემობრუნდა ილიკოსკენ და ოთხმა შემოფოტებულმა ხმამ თითქმის ერთდროულად წამოიძახა:

– რა მოგივიდა, ილიკო?

ილიკომ მიახლოებითაც კი არ იცოდა, რა მოუვიდა, მაგრამ კოლეგების ხმაშენყობილ წამოძახილს ამაოდ მაინც არ ჩაუვლია: კედელი შეჩერდა, ვარლამა გიორგობიანის ცხვირები ერთმანეთში შეცურდნენ, ფოკუსი გასწორდა და სამყარო თავისი არსებობის ბუნებრივ ფორმას დაუბრუნდა.

პირველად ვარლამა გიორგობიანი გაჩნდა ილიკოსთან, ხაზგასმული მზრუნველობით ჩახედდა თვალელებში და ჰკითხა:

– რა მოგივიდა, ილიკო?

ილიკომ არც ახლა იცოდა, რა მოუვიდა, საერთოდ, მედიცინაზე ერთობ ბუნდოვანი წარმოდგენა ჰქონდა, მაგრამ, რაკი ლაპარაკის უნარი ასე თუ ისე დაუბრუნდა, თავის მოვალეობად ჩათვალა რალაც ეთქვა, რომ კოლეგების კანონიერი ცნობისმოყვარეობა დაეკმაყოფილებინა:

– არაფერი, რაცხა ბრუ დამესხა.

– რალა რაცხა, კაცის ფერი არ გადევთ, – წამოემკვლა ვარლამა გიორგობიანს გუგულა ბარნაბიშვილი.

მესამე კოლეგამ, მოხუცმა ელისაბედმა, წყალი მოარბენინა და ყურისძირები დაუზილა; მეოთხე კოლეგა, რომელსაც არც ცოლ-შვილი ჰყავდა, არც დედ-მამა, არც ნათესავები და, საერთოდ, უთვისტომო კაცი იყო, შორიახლო იდგა მხრებში ანურული და ხელეებს უხეიროდ ფარჩხავდა. ეჭვი არაა, მას გულით ეწადა ამ გაჭირვების ჟამს მხარში ამოდგომოდა კოლეგებს, მაგრამ არ იცოდა, რა იყო ამისათვის საჭირო.

ამასობაში ილიკო ხაჭაპურიძე საბოლოოდ მოსულიერდა.

– ახლა უკეთ ხარ? – შეეკითხა მოხუცი ელისაბედი.

– კი, გენაცვალე, კი, ახლა არაფერი მიჭირს, – მიუგო ილიკომ და დარცხვენით, დამნაშავე კაცივით წაილულულა, – რაცხა ბრუ დამესხა და...

– სიყვარულმა იცის, ილიკო ბატონო, – ეშმაკური ღიმილით ჩაუარაკა გუგულა ბარნაბიშვილმა.

ილიკოს შერცხვა და განითლდა. კოლეგები კი სამუშაო დღის დამთავრების მოლოდინში თავთავიანთ საქმეს მიუბრუნდნენ.

ის იყო, ილიკოსაც უნდა განეგრძო შეწყვეტილი მუშაობა, რომ კედელი კვლავ შეტორტმანდა და დინჯად გაუდგა გზას საათის ისრის მიმართულებით.

ამჯერად გუგულა ბარნაბიშვილმა მოარბენინა წყალი; ვარლამა გიორგობიანმა ისევ შეაშველა ხელი, მოხუცმა კოლეგამ ისევ დაუზილა ყურისძირები, მეოთხე, უთვისტომო კოლეგა ისევ ისე უხეიროდ იდგა.

როდესაც ილიკო ხაჭაპურიძე მეორედ მომჯობინდა, ვარლამა გიორგობიანმა გადაჭრით მოითხოვა ავადმყოფის სახლში წაყვანა და, რალა თქმა უნდა, გეგმის განხორციელებაც თვითონვე იკისრა.

ილიკო ცოტა შეუყყმანდა, სამუშაო აქვს დასამთავრებელი, მაგრამ ოთხმა კოლეგამ რომ ერთხმად შეიცხადა, რა დროს შენი მუშაობაა ახლავ, გაილურსა და უხმოდ გაჰყვა გრძელცხვირა ვარლამას.

იმ დღეს ილიკო ხაჭაპურიძის სახლში სამჯერ კიდევ შეტორტმანდა კედელი. ივდითის, ილიკოს მოსიყვარულე ცოლს, სამჯერ გადაუქანდა გული, სამჯერ იკივლა სანყალმა ქალმა – არიქა, მეზობლებო, დავილუპეო, და სამჯერ გამოიგლოვა გრძნობადაკარგული ქმარი; ხოლო გვიან ღამით ხაჭაპურიძეების მყუდრო ცხოვრებაში სამი უცხო ელემენტი შეიჭრა: ექიმი, რომელიც დროგამოშვებით მოდიოდა, 39⁰ სიცხე, რომელიც მტკიცედ დამკვიდრდა ილიკოს სხეულში, და რამდენიმე თავი წამალი, რომელთაც წაირნაირი ფერი და ერთნაირად საძაგელი გემო ჰქონდათ. სამივე ამ ელემენტს თავისებური ყურისგდება ესაჭიროებოდა; ექიმი ყოველ წუთში ხელს იბანდა, სიცხეს წამდაუნუმ გაზომვა და ფურცელზე აღნიშვნა უნდოდა, წამლებს თავისი რიგი ჰქონდათ და ყოველთვის დანიშნულ დროს უნდა მიგეცა.

ივდითი გამოცდილი დიასახლისი იყო და ყველაფერს ასწრებდა. ათი ამდენსაც გააკეთებდა, ოღონდ თავისი ბებერი კაცი კარგად ჰყოლოდა.

ბებერი კაცი კი მთელი ღამე ბორბავდა და დაუჩინებლად ითხოვდა საანგარიშოს, სასწრაფო საქმე ჰქონდა მოსათავებელი. ერთი პირობა ივდითიმ გადაწყვიტა საქმეში ჩარეულიყო და რაც შეეძლო ალერსიანი ხმით მიმართა ქმარს:

– ა, ბეჩა, გამომართვი, აგერ არაა შენი საანგარიშო?

მაგრამ ილიკომ მოთენილი ხმით უპასუხა:

– მეიცა, შე ქალო, მაგი არაფერი საანგარიშოა, ვერ უყურებ, ჩემი ქუდია!

ამის შემდეგ ივდითიმ ექსპერიმენტებზე ხელი აიღო, მხნეობა მოიკრიბა და გათენებას დაელოდა.

მაგრამ გათენებას სანუგეშო არაფერი მოუტანია. ილიკო ენის გაუჩერებლად ბოდავდა. დილის თორმეტ საათზე, როგორც იქნა, დაადგა სამველი და გაიღვიძა.

– რავა თეთრად გამათენებე მთელი ღამე, – ალერსიანი საყვედურით უთხრა ივდითიმ, – რა საანგარიშო გაქვს, ბეჩა, ასეთი. მთელი ღამე ყვიროდი, არიქა მომეცით და მომეცითო.

ილიკო განითლდა.

– ჰატარა სამუშაო დამრჩა დასამთავრებელი და ალბათ იმის დარდი თუ ჩამყვა, – მორცხვად წაილულულა მან.

ამის შემდეგ საანგარიშო აღარ უხსენებია. ძილშია ცხოვრობდა ერთხელ წამოაყრანტალა, სამუშაო მაქვს დასამთავრებელი, და მიატოვა ეს თემა.

ღამით სიცხე ისევ 39⁰ ჰქონდა.

ექიმი დროდადრო მოდიოდა, ხელს იბანდა და მიდიოდა.

მარტოობის ხმაები

— სულ მარტოა ეგ საწყალიო, — იტყვიან ხოლმე და ავიწყდებათ, რომ „მარტოობა“ საბრალბელი და საშინი სიტყვა არაა. მთავარი კი, ალბათ, ისაა, რომ როცა მარტო ხარ, სულაც არა ხარ მარტო — შენ და შენი მარტოობა უკვე ორნი ხართ.

მარტოობას ფიქრის ქვეყანაც კი შეიძლება ვუწოდოთ — ჩვენ ხომ მარტოობის ფიქრით ვმოგზაურობთ ცაზე და ხმელეთზე, წარსულსა და მომავალში... მარტო რომ არ იყო და გვერდით შენი ძვირფასი მეგობრები და მეზობლები გესხდნენ, მაშინ აბა, ვინ მოგაცლიდა ამ ჯადოსნური მოგზაურობებისთვის...

...ლობზე ჩიტი შემოვდა — ცისფერი, ლამაზი ჩიტი. ლამაზად უსტვენს, ლამაზად საქმიანობს... ხან მიწას დახედავს, ხან ცას შეხედავს. გალობს — ქვეყნიერების ამბებსა ჰყვება. კარგი ამბავი, ჩიტი, კარგი ამბავი...

აი, ქუხილის ხმა გაისმა სიმარტოვეში — „იქაურები“ ხმაურობენ და გამხნეებენ — მხნედ იყავიო...

გაზაფხულია, იღვიძებს გარემო. წეროები გადადიან მთებზე. ნაკადული მოიმღერის გზაზე.

ვიღაც უკრავს და ახალ მოტივებს ეძებს, ვერ პოულობს და ეძებს... ეძებს...

იები ამოსულან ღობის ძირში. იებიც ლაპარაკობენ, — რომ გაიგო რას ამბობენ, ენა უნდა იცოდე მათი...

აი, შენი სიმარტოვე, სიმარტოვეს თუ დავარქმევთ ამას...

ნამდვილი სიმარტოვე კი ისაა, როცა ხალხში ხარ და მაინც მარტო ხარ. როცა შენსა და ხალხს შორის გაუცხოების კედელი აღმართული და მაინც ერთად ხართ...

ქალაქი ბასში

„აჯილდოვებდნენ“

„მტერი მხოლოდ მაშინაა საშიში, როცა იგი მეგობრის ნიღაბს იფარებს“ — უთქვამს შამილს და სწორედ შამილმა გამოსცადა თავის თავზე „მეგობრების“ ლაღატი.

თუმცა... რაღა შამილი — ჩვენ ვინ გვასწავლის ლაღატის სიმწარეს?!

ბევრი ნიღბიანი მოღალატე ეხვია თავს ქართველ პატრიოტებსაც და ვაი, რომ ეს ნიღბოსანნი არ ჩაიძირნენ და არ ჩაიხრჩნენ წარსულში — ისინი დღესაც თვალზე გვაფარებენ „ერთგულების“ ნიღბებს. დღესაც ოქროსა და ვერცხლზე იცვლება ღირსება და სამშობლო, დღესაც მამულის მყიდველ მუშტარს ეძებენ კრემლზე ჯვარდანილი „მამულიშვილები“.

...და დღესაც მოთმინებით და მიტევებით ვუყურებთ ნიღაბჩამოხსნილ მოღალატეთა ბინძურ საქმეებს და ჩვენს საქციელს დემოკრატიითა და მიმტევებლობით ვამართლებთ...

დავით აღმაშენებელი სხვაგვარად იქცეოდა — ვისი მიტევებაც არ შეიძლებოდა, „ძელზე გასმით“ სჯიდა. ხომ გვეუბნება მაშინდელი ისტორიკოსი — ქვეგამხედვარებს ძელზე გასმით „აჯილდოვებდნენ“.

გლობალიზაცია

— საფრთხე და სიკეთე

შემთხვევით არ ნამოვნივ საფრთხე სიკეთეზე ნინ — მიმანია, რომ „გლობალიზაციის პროცესად“ წოდებულ მოვლენებში საფრთხე უფრო მეტია, ვიდრე სიკეთე. არადა, გლობალიზაციის იდეოლოგიები მხოლოდ სიკეთეზე გველაპარაკებიან და საფრთხეს საერთოდ არ ახსენებენ.

იმაზე შეთანხმება კი, ჩემი აზრით, არ უნდა გავიჭიროდეს, რომ გლობალიზაციის სენსორი არაფრით განსხვავდება „გავლენის სფეროებისკენ“ სწრაფვისგან და ეს ჭეშმარიტება მაინც და მაინც საგულდაგულად არაა შენიღბული. პირიქით, აგერ, ზბიგნევი ბუეზინსკი პირდაპირ აცხადებს, რომ გლობალიზაციის უმთავრესი მტრები ისლამური სახელმწიფოები და მართლმადიდებელი ქრისტიანები არიან... თუ დავაკვირდებით, პოლიტიკაც იდეების შესაბამისია — აი, პირდაპირ ჩვენს თვალწინ მოხდა ისლამურ სახელმწიფოებზე სახმელეთო და საჰაერო თავდასხმები. ილუპებიან ჯარისკაცები, ილუპება მოსალეობა, ინგრევა ქალაქები და სოფლები... იერიშზეა გლობალიზმი და მისი საქციელის გამართლება ყოველად შეუძლებელია... ესაა საფრთხე, რომელიც ყველა „მეორეხარისხოვან“ ქვეყანას ემუქრება.

რაც შეეხება სიკეთეს, სიკეთედ შეიძლება ჩაითვალოს დემოკრატიული პრინციპების უმალეს კატეგორიულად აღიარება და დაცვა, მაგრამ სამშობლოს ინტერესების შელახვის ხარჯზე ყოველგ-

ვარი სიკეთე კარგავს თავის ფასს. აქ აშკარაა საშიშროება, რომ გლობალიზაციის ახალი იდეები დააყენონ ყველაფერზე და ყოველივეზე მაღლა და „მსოფლიო მოქალაქის“ ინტერესებმა ჩაძირონ მამულიშვილის ინტერესები.

...და ბოლოს, როგორც ჩანს, „ინტეგრაცია და გლობალიზაცია“ სხვა არაფერია, თუ არა იმპერიალიზმის მოდერნიზებული სახელწოდება. ლაპარაკობენ ისლამურ გლობალიზაციაზე, ევროპულ გლობალიზაციაზე... სულ ახლახან კი, რუსეთმა გამოაცხადა თავისი გლობალისტური სივრცე...

იქნებ ესაა ნამდვილი თავისუფლება?

სადღაც წამიკითხავს — სიზმარში შენი სხეული ერთ ადგილზე რჩება, შენ კი სხეულიდან ამოდიხარ და მოგზაურობ, აქ ხარ და მაინც აქ არა ხარ... იქნებ ესაა ნამდვილი თავისუფლება?! როცა გადიხარ შენი სხეულიდან და უსასრულო სამყაროში დაეხეტები — გადაუფრენ ზღვებსა და ქედებს, დღეებსა და ღამეებს... ზებუნებრივი ძალები განიჭებენ ზებუნებრივ თავისუფლებას. გეღვიძება და ისევ უბრუნდები შენს სხეულს — ისევ ეწევი ნუთისოფლის უღელს...

მამუკა ნიკლაური

გაუფილტრავი ფიქრები



კაბათის შესახებ

„არასოდეს ეკამათო სულელს! — გარშემო მყოფმა მსმენელებმა შეიძლება თქვენს შორის განსხვავება ვერ აღმოაჩინონ“.

ეს სიბრძნე ბევრჯერ გავგიგონია სხვადასხვა ვარიაციით, მაგრამ სულელთან კამათს, თითქოს მისჯილი გვაქვსო, მაინც ვერ ვარიდებთ თავს.

მე არაერთხელ გადავშვებულვარ სულელებთან კამათში და შემდგომ ყოველთვის მინანია.

...მაგრამ ამ სულელებთან კამათს მაინც არ ჩაუვლია მთლად უსარგებლოდ! რაღაც დასკვნები გამოვიტანე და ამ ბოლო ხანებში, დუმილი ვისწავლე... აი, ჩემი „მონინაალმდეგე“ მთელი ეშხით და გატაცებით მიმტკიცებს რაღაც სისულელეს. მე კი ვდუმვარ, ხმას არ ვიღებ და იმის იმედს ვუტოვებ, რომ ოდესმე მასავით „ვიზზოვებ“.

ეგვეც არ იყო, თანდათან ვრწმუნდები, რომ ამგვარ შერკინება-შეპასუხებაში მართლა ჭეშმარიტება კი არა, სიძულვილი იბადება. მე კი, ცხადია, არ მინდა, რომ ვინმეს ვძულდე ან ვინმე მძულდეს...

ჯავახიშვილი და მაყაშვილი

„ვანო ჯავახიშვილი იშვიათი ადამიანია — მუდამ ცოცხალი, უკვდავი“ — უთქვამს კოტე მაყაშვილს ივანე ჯავახიშვილზე. ამ ფრაზაში ორი ადამიანია მთელი სისრულით წარმოჩენილი: ერთი, ივანე ჯავახიშვილი, რომელიც, მართლაც, იშვიათი ადამიანი იყო და ზებუნებრივ უკვდავს უფრო ჰგავდა, ვიდრე მინიერ ადამიანს და მეორე — კოტე მაყაშვილი, რომელიც ასე ზუსტად, დიდუბნებოვნად და უშურველად გვიხატავს ივანე ჯავახიშვილს...

ვაჟა ფშაველას დრო ვერ იქნება

კრიტიკოსებისგან და ლიტერატურის ისტორიკოსებისგან არცთუ იშვიათად გაიგონებთ — ამა და ამ მწერალმა თავის დროს გაასწორო... და ამის აღნიშვნით მწერლის შემოქმედების გენიალურობაზე

მიანიშნებენ. დროის გამსწრებ ნაწარმოებებს შორის, ალბათ, ვაჟა ფშაველას „ალუდა ქეთელაურიცაა“. ვაჟა ფშაველამ ამ პოემაში კიდევ ერთხელ გახაზა, რომ „ღმერთი ერთია“ — სიკეთის, სიყვარულის, გონიერებისა და მიმტევებლობის ღმერთი და ამით კიდევ ერთხელ გაისმა გადაძახილი დიდ წინაპართან შოთა რუსთაველთან, რომელიც ამბობს:

„რომელმან შექმნა სამყარო ძალითა მით ძლიერითა, ზეგარდმო არსნი სულითა ყვნა ზეცით მონაბერითა, ჩვენ, კაცთა, მოგვცა ქვეყანა, გვაქვს უთვალავი ფერითა, მისგან არს ყოვლი ხელმწიფე სახითა მისმირითა“.

დიახ, ვაჟა ფშაველამ „ალუდა ქეთელაური“ სწორედ შეურიგებლობის პრობლემა დასვა და ბრწყინვალედაც უპასუხა მას:

„ჩვენ ვიტყვი, კაცნი ჩვენა ვართ, მარტო ჩვენ გვზდიან დედანი, ჩვენა ვსცხოვნდებით, ურჯულოთ კუპრში მიელის ქმენანი“.

— რისთვის წერ?! რისთვის წერ?! — იმეორებს და იმეორებს, არ ჩერდება.

მე ყურს არ ვუგდებ, ვითომ არ მესმის მისი სისინი. ლურჯი მელნით გამყავს ლურჯი სტრიქონები თეთრ ქალაღზე...

— რისთვის წერ, რისთვის?! ცხარობს სტუმარი, — ვის სჭირდება შენი ნაწერი, ვინ წაიკითხავს მაგ შენს „ნაზრევს“, ვინ დახარჯავს დროს — დეფიციტურს?!

მე ყურს არ ვუგდებ, ლურჯი სტრიქონი გამყავს ქალაღზე...

უცებ გამწარდა და ქვებივით წამომიშინა:

— რატომ არ გესმის, რატომ ვერ გრძნობ? — ამოდ შრომობ!

— ყრუ ხომ არა ხარ, რად არ გესმის ჩემი ნათქვამი?!

— ბრმა ხომ არა ხარ! მკითხველის თვალი არ გაჰყვება შენს ლურჯ სტრიქონებს!..

ერთხელაც ველარ მოვითმინე და შევუღრინე:

— ჯიბრზე ვწერ, ჯიბრზე, შენს ჯიბრზე ვწერ და ამშორებულ დროს ჯიბრზე ვწერ, ამ უკულმართი ქარისა და წვიმის ჯიბრზე ვწერ; მე შენს ჯიბრზე ვწერ, საკუთარი თავის ჯიბრზე ვწერ! ლიტერატურის მტრების ჯიბრზე ვწერ!

რას გულისხმობდა იოსებ ბროდსკი?

„ამ საუკუნეში ადვილია, იყო ნათელმხილველი — ივარაუდო, ხვალ რა იქნება...“

რას გულისხმობდა ამ სიტყვებში იოსებ ბროდსკი? — იქნებ იმას, რომ ბოროტების იმპერია ჯერ მაგრად იდგა, თუმცა უკვე ჩანდა ბზარები, უკვე „მონვენლი“ იყო ჟამი აი, ამ ფსევდოსახელმწიფოს ძირს დამხობისა?..

ის პრობლემა მკითხველის პრობლემა უფროა

აშკარაა, რომ საზოგადოებრივ არენაზე, თუ ასპარეზზე აღარ ჩანს მწერალი (პოეტი, პროზაიკოსი, პუბლიცისტი, კრიტიკოსი...). ადრე, ვთქვათ, მეცხრამეტე საუკუნეში, თუ მწერალს ამ ასპარეზზე დაუყვედრებელი პირველი ადგილი ეკავა, ახლა ეგრე აღარაა. ახლა ეს ავანგარდული როლი მომღერალმა, კინორეჟისორმა, შოუმენმა... იკისრა, ანუ „საზოგადოებრივი დატვირთვით“ ხელოვნების უფრო „მსუბუქი“ ჟანრები და კავდნენ. ხელოვანთა ჩამონათვალში კი მწერალს ხან მოიხსენიებენ და ხან — არა.

ასეთია რეალობა. ასე განსაჯა ინტეგრაციის, კომპიუტერის, ტელევიზიის, ინტერნეტის საუკუნეში. ხალხს „აღარ სჭირდება“ ისეთი „მძიმე და არამოზილური“ ჟანრი, როგორც ლიტერატურაა. ახლა ოთხჯერ კი არა (გავიხსენოთ ფოლკნერის ცნობილი გამოხატულება...), ერთხელაც აღარ კითხულობენ ბრწყინვალე ლექსებსა და რომანებს. ზოგჯერ ადამიანს ისეთი შთაბეჭდილება გრჩება, რომ ლიტერატურას საერთოდ არ კითხულობენ, ან მხოლოდ ის კითხულობს, ვინც წერს.

...და ეს პრობლემა, ჩემი აზრით, მკითხველისა და, საერთოდ, საზოგადოების პრობლემა უფროა, ვიდრე მწერლისა და ლიტერატურისა. მე ფიქრით კი მზარავს ულიტერატუროდ დარჩენილი საზოგადოების პერსპექტივაზე...

ქოსების დუქანში

იაკობ მანსვეტაშვილი იგონებს — ერთხელ „ივერიის“ რედაქციიდან ქოსების დუქანში წავიდნენ ჩარგლიდან ახალ-ჩამოსული ვაჟა ფშაველა, იაკობ გოგებაშვილი და შოი მღვიმელი — თითო კვარტი ღვინო დავლიოთო. მეც დამპატიყეს, მაგრამ მე სარედაქციო საქმე მქონდა და ვერ წავიდო, გული კი დამწყდაო... ამას წერს „ივერიის“ თანამშრომელი, „ოლთა კაცი“.

იმ დღეს ახლა ვინ აღადგენს?! — წარმოდგენით კი შეიძლება წარმოვიდგინოთ, თუ როგორ მიმჯდარა ღვინოს სარდაფის ერთ მაგიდასთან სამი სანთელივით წმინდა კაცი, სამი დიდი ეროვნული მოღვაწე და დინჯად საუბრობს მწერლობაზე, თეატრზე, მტერზე და მოყვარეზე... არც კარგი იუმორი აკლია სუფრას... და თანაც კი კახურ ღვინოს მიერთმევეწ წვრილი ჭიქებით... თუმცა სვამს ორი — ვაჟა და შოი, იაკობს კი, როგორც ამბობენ, ღვინო არასოდეს დაუღვია. მას, ალბათ, მანვინის ქილა ან ჩაის ჭიქა ედგა წინ და საუბრით „ქეიფობდა“.

ეჰ, მართლა რომ შეიძლებოდა იმ საუბრის აღდგენა და მოსმენა!..

„დადლილი დეირთი“

ერთხელ, თბილისში, თავისუფლების მოედნის კუთხეში, სადაც ყოფილი კირო-

რატომ ვწერ?! — რისთვის წერ?! — მეკითხება და ხაზგასმული ათვალწუნებით შემომყურებს თვალეში ჩემივე ცბიერი ეჭვი.

ვის ქუჩა იწყება და სადაც უზარმაზარი ჭადრებია ჩარიგებული, უცნაურ სანახაობას ნავაწყდით — ერთ ჭადრთან კონსტანტინე გამსახურდია მიმდგარიყო და ზევით, ხის ტოტებისკენ იყურებოდა, სადაც უამრავი ყვავი ირეოდა — ცნობის-მოყვარე ხალხი შეკრებილიყო ჭადრის ირგვლივ და დიდ მწერალს ინტერესით აკვირდებოდა. მწერალი თამაშობდა — ვითომ ყვავებს ამჩნევდა, ხალხს კი — ვერა... ხალხს კი, ალბათ, ეგონა, იმ წამს შეესწრო, როცა დალოლილი ღმერთი ისვენებდა სამყაროს შექმნის შემდეგ...

ცხენი და ნიგნი

მუხანყაროში ვართ. მშვიდი, წყნარი ამინდია. მწვანედ ღვინავს აქაურობა. ჩვენს უბანში ბევრი ბავშვია, მაგრამ მათი ხმა-ყრიამული არ ისმის; არც ბურთი სადმე ჩანს და არც დამალობანა-დაჭერობანას მოთამაშენი.

ჩემი შვილიშვილები კომპიუტერებთან მიმსხდარან და „თამაშობენ“ — აგერ, მზე უკვე გადაიხარა, მაგრამ ადგილიდან არ იძვრიან — „თამაშობენ“ ვილაცისგან თავს მოხვეულ თამაშს. ასეა ჩვენი სახლში, ასეა სხვა სამეზობლო სახლებში.

ადეკით, დაიძარით, გადი-გამოდით, ნუ მიეყინებით ამ კომპიუტერებს, — ეუბნება ნანი ყმაწვილებს, — ანდა თუ მოძრაობა გეზარებათ, ნიგნი მაინც დამანახეთ თქვენს ხელში...

ეჰ, — ვფიქრობ ჩემთვის, ვილას უნდა ნიგნი და ლიტერატურა! ნიგნი მარცხდება კომპიუტერთან შეჯობაში. როგორც ცხენი დაამარცხა და შეცვალა ავტომობილი, აი, ისეთი რამ ხდება ახლაც. ნახტომებში მიჰქრის ნინ კომპიუტერული ტექნიკა, თანდათან უკან რჩება ნიგნი და ამაოდ ამშვიდებენ მას: — არ შეშინდეთ, არ მოკვდებით, აგერ, ცხენი — ხომ მაინც ცოცხლობს და ხომ მაინც იმართება დოღები და მარულები, ხომ მაინც იწვინება ქარებში ლურჯა ცხენების ფაფარიო...

ეჰ, ამშვიდებენ...

სინანული სიმდიდრისთვის

უცნობ პოეტს გიორგი აბაშიძეს დავით გარეჯის უდაბნოს მონასტრისთვის შეუნირავეს საღვთისმეტყველო კრებული „გულანის“ სახელწოდებით და შენაწირზე ლექსი წაუწერია:

*„წმიდავ დავით გარეჯელო,
ეს ნიგნი შენ შემოგწირე,
ამისთვის რომ სიმდიდრეში
სული ცოდვით შევიმცირე.
მეოხ-მეყავ ღმრთის წინაშე,
ვითა წვლილი შეინიერე,
აღმიხოცენ ბრალნი ჩემნი,
განმიბანე ცოდვის მწვირე.“*

მართლაც კარგი ლექსია თავისი აზრითა და მაღალმხატვრულობით და, ჩემი აზრით, ამ ლექსს კუთვნილი ადგილი უნდა დაეთმოს საღვთისმეტყველო ლიტერატურის კრებულებსა და ქართული პოეზიის ანთოლოგიებში.

ადმოსავლეთის დავის დახმობა

მყინვარწვერზე, ერთ კლდოვან ადგილს თოვლ-ყინული ვერ ფარავს და თეთრ ფონზე სულ მოჩანს შავი კლდე, რომელსაც აქაურები გველეშაპს ამსგავსებენ. ლეგენდაცაა: გველეშაპი დაბმული ამირანის შესაჭმელად მიდიოდა, მაგრამ მას ცეცხლოვანი ლახტის მტყორცნელი ღვთისშვილები დაუხვდნენ და მოკლესო. ამ ლეგენდის ანალოგიით, მე დიდგორზე ერთი ადგილი „აღმოვაჩინე“, რომელიც მკვდარ დევს ჰგავს... აქ დავით აღმაშენებლის ლაშქარი დაუხვდა საქართველოს შესაჭმელად მომავალ აღმოსავლეთის დიდ დევს და მძლავრი დარტყმით გაანადგურა...

არ ვიცი მართლა დევს გავს ჩემგან „აღმოჩენილი“ დევი, თუ მეჩვენება (დევი ხომ საერთოდ არავის არ უნახავს), თუმცა, ეს ხომ დიდგორია! გარდასული ჟამის აჩრდილებით სავსე...

ტაო იუან-მინი

ჩემს „ლიტერატურულ წარმომავლობაზე“ მრავალმა ავტორმა იქონია გავლენა. ჩემმა ლიტერატურულმა ბედისწერამ იწვინა, რომ ეს ავტორები და ნიგნები დამხვედროდა გზის დასაწყისში. დღეს ტაო იან-მინს ვიხსენებ. ჩემს წინაშე დევს დიდი სინოლოგის ლევ ეიდლინის უბრწყინვალესი ნიგნი „ტაო იუან-მინი და მისი ლექსები“. ამ ნიგნმა ჩემს გვერდიგვერდ იარა თითქმის ნახევარი საუკუნის მანძილზე და თუკი ვინ-

მემ დამარწმუნა, სწორედ ამ ნიგნმა დამარწმუნა, რომ ლექსი რითმის რელსების გარეშე მიიტყორცნება სივრცეებში და რითმის ფრთების გარეშე ლაღად დაფრინავს თეთრი მწვერვალების ზემოთ...

თუ ვინმემ დამარწმუნა, სწორედ ტაომ დამარწმუნა, რომ ცნებები „ახალი“ და „ძველი“ პოეზიაში პირობითი ცნებებია და თხუთმეტი საუკუნის წინანდელი ზოგი ლექსი უფრო ახალი და თანამედროვეა, ვიდრე გაყინულ სქემებზე დამყარებული თანამედროვე მოლექსე.

კიდევ ერთხელ ვფურცლავ ტაოს ნიგნს: „მგზავრობა დედაქალაქიდან ჩემს სახლამდე“, „შთავაგონებ ჩემს ვაჟიშვილს“, „ოჯახისგან დაშორებით“, „ვბაძავ ძველ პოეტებს“, „ვადიდებ სანყალ სწავლულებს“... ყველა ლექსი მომავადობელია და როგორ ჩამოვთვლი მე ასეთ ლექსებს?!

ერთს კი მაინც გამოვყოფ ამ სიმრავლიდან — ესაა ლექსების ციკლი „მე ვუბრუნებ ბალებს და მინდვრებს“. ამ ციკლში გადმოცემულია პოეტის განცდები, როცა მან მიატოვა სულისშემუთხველი მაღალი სამსახურებრივი და კანცელარიული პოსტები და დაუბრუნდა მშობლიურ აყვავებულ ბალებსა და მწვანე მინდვრებს.

არა, ამ ლექსებს საუბრით ვერ გადმოსცემ. ისინი უნდა იგრძნო: როგორ ესალმება პოეტს გუგული და როგორ იღვრება მთვარე მგზავრის გზაზე... „აი, ფრინველი, მგზავრობის შემდეგ, უკან ბრუნდება“... აქ, ამ ლექსებში, იკითხება პოეზიის მარადიული წყურვილი — დაუბრუნდეს ბალებს, დაუბრუნდეს დიდი მთვარით განათებულ ღამეებს...

დალი და სამიძვარი

მითოლოგიური დალი და სამიძვარი ერთი და იგივე ფუნქციის მატარებლები არიან — ორივე ნადირთმწყემსია, ორივე მთაში მარტოდ ჩაძინებულ მონადირეებს უმიჯნურდება, ოღონდ სიყვარულის დასასრულია განსხვავებული — დალი კლავს თავის მიჯნურებს, სამიძვარი კი ისრულებს სურვილებს და მიდის, იკარგება. დალი დაუნდობელია — მის სიყვარულში სისხლი ურევია.

სამიძვარი უფრო ლმობიერია — ის სიყვარულიდან გარბის, თუმცა... ორივე შემთხვევაში სიყვარული კვდება. დალი სვანური მითოლოგიის მოვლენაა, სამიძვარი — ხევსურულისა. ორივე ქართული მითოლოგიის მშვენიერებაა.

უფალი დიდია

ქრისტიანული მრწამსის მიხედვით, ლოცვა ცოდვად იქცევა, თუკი უფალს შენი პირადი მტრის სიკვდილს და შენი წყევლის აღსრულებას შეევედრები, საერთოდ, იმას სთხოვ, რასაც ქრისტიანული წმინდა ნიგნი კრძალავს...

უფალი დიდია, მისი სიგრძე-სიგანე ვერ თავსდება ადამიანურ ვნებათა განზომილებებში.

უფალი დიდია, დიდი თვალებით დაჰყურებს ნუთისოფლის გზებს, დიდი ნაბიჯებით ზომავს ცისქვეშეთის ცოდვასა და მადლს...

თითრი მალას იბაჰი

ხეობაში ერთმანეთის მიყოლებით განყდნენ ლომები და ვეფხვები. დარჩა ქვეყანა უმეფოდ. აირია უპატრონო სამეფო. აღარც ნესი ვინმეს ახსოვდა და აღარც სამართალი.

შეიკრიბნენ მხეცები ერთ ხეობაში და რა ვქნათო — დაინყეს ბჭობა.

მე ამირჩიეთ პატრონადო — თქვა დათვმა.

არა, შენ მიძინარა ხარ, თვეობით გძინავს, რა ქვეყანას მოუვლიო, — იუარეს მხეცებმა.

ახლა მგელი წამოდგა: ჩემი ჭკუა და გონება ხომ ყველას კარგად მოგეხსენებათ, მე გაგინვეთ ღირსეულ მეფობას, თუკი მეფის გვირგვინს დამადგამთო.

არაო, — ისევ ერთხმად თქვეს მხეცებმა, ძალიან კარგად გიცნობთ, ჭკუა და გონება ჰაი, ჰაი, რომ გაქვს, მაგრამ ეგ ჭკუა შენს ვერავობასა და მუცელმწერობას ემსახურებაო.

მელამ იფიქრა, ახლა კი დადგა ჩემი დროო, ისკუპა და მხეცების დიდი საკრებულოს წინაშე წამოიჭიმა თავისი თეთრად მოუღვარე ფრაკითა და თეთრი ქოჩრით...

მხეცებმა გაოცებით გადახედეს ერთმანეთს და აჩურჩულდნენ: — ეს ხომ ჩვენი ნუნკი ნითელი მელაა, რა ფრაკი ჩაუცვამსო... მაგრამ ვიდრე ხმამაღლა რამეს იტყ-



ოდნენ, მელამ დაასწრო:

მე ნითელი მელა არ გეგონოთ, ის მელა თავის ნუნკობასა და ქურდობას გადაყვა, მონადირეებმა მახე დაუგეს და დაჭირეს, მე კი თეთრი ლომის შვილი ვარ; ის ლომი დედაჩემს ჰყვარობდა და მათი შთამომავალი გახლავართო. ამიტომ მეფობა თუ ვინმეს ეკუთვნის, მე მეკუთვნის, ჩემი ძალგულოვნებისა და ჭკუა-გონების იმედი გქონდეთ, თუ რამ ჩემს ნათქვამში არ გჯერათ, ჩემს მეგობარ ტურას ბე-ბეიქეს ჰკითხეთო.

ჰკითხეს ტურას და იმანაც დაუდასტურა: ჩემი მეგობარი უბრალო თეთრი მელა კი არ არის, ნახევრად მელაა და ნახევრად — ლომი. ჭკუა მელასი აქვს, ძალ-ლონე კი ლომისაო, თუ ბრძენი და ძალგულოვანი მმართველი გინდათ, ეს უნდა აირჩიოთო...

შეცდნენ მხეცები და თეთრ მელას ზარ-ზეიმით დაადგეს მეფის გვირგვინი. მხოლოდ უკრძლელი გაჰკიოდა:

არ ენდოთ, ბრძენი კი არა, გაიძვერა ნითელი მელააო!

მაგრამ ვინ დაუჯერა უკრძლელს!..

დაჯდა თეთრი მელა მორჭმით და დაიწყო მეფობა, მაგრამ ვაი ამ მეფობას — ხაზინის უფროსად მგელი დასვა, ეკონომიკის მინისტრად — აფთარი, ხოლო განათლების საქმე ტურას ჩააბარა...

ასე და ამრიგად, ქვეყანას მტაცებლობის ცეცხლი წაეკიდა. ითმინეს, ითმინეს ხეობის მხეცებმა და ველარ მოითმინეს — აჯანყდნენ, მიუცვივდნენ მელას, გაკოჭეს და თეთრი ტყავი გააძვრეს. აქ კი გაოცდნენ აჯანყებულები — თეთრი ფრაკის შიგნით მელას ნითელზე ნითელი რუსული ფრაკი ეცვა. ასე რომ, გარდაცვლილ მელას ორი ფრაკი ჰქონია — ნითელი და თეთრი და გარემოება როგორც მოითხოვდა, ფრაკსაც იმის მიხედვით იცვლიდა.

**ჩანაწერი
შემოდგომის რეჟისორი**

*გამოცალკედა შემოდგომა —
გამოვიდა მწვანე ძილიდან,
გამოცალკედა, გაუხუნდა მწვანე
საბანი.*

*გამოიღვენა მწვანე ტბიდან,
გამოირიყა.
რაც წინათ იყო,
აჩრდილიდა დარჩა იმისა...
ხოლო აჩრდილი აჩრდილია —
ღამისფერია,
მინისფერია — დღის ფერები
არ ურევია,*

*შიგ მზის ფერები,
ცის ფერები არ ციალებენ.*

*ჟამი ჟამს მისდევს,
ნელი წელს და საათი — საათს,
ღრუბელი — ღრუბელს,
მთვარე — მთვარეს,
ფრინველი — ფრინველს,
გაქცეული ირემს
გაქცეული ირემი მისდევს...
ერთად გარბიან
დასასრულის საზღვრებისაკენ —
ცრემლი ცრემლს მისდევს...
კვნესა — კვნესას,
დღლა — საღამოს...
გადარბენაა — ყველა მირბის
დასასრულისკენ,
მხოლოდ დასავლის კარებია
გამოღებული.*

*როგორ ჰგავს ჩაველი შემოდგომებს
ეს შემოდგომა!
როგორ ძლიერ ჰგავს
ჩვენს მომავალს ჩვენი წარსული!
ერთი დღე სხვა დღეს
სულაც ერთი ნაბიჯით უსწრებს...
მერე კი ერთურთს საშუადაოდ
უერთდებიან —
ნაცრად, ძვლებად და ნანგრევებად
უერთდებიან...*

მაკლდური

ახალგაზრდა პოეტების ნაწერებს ვკითხულობ, მაგრამ ვერ ვიტყვი, რომ თანმიმდევრული მკითხველი ვარ-მეთქი. ამიტომ კონკრეტული დასკვნებისაგან ყოველთვის თავს ვიკავებ და ახლაც ზოგადი სურვილით შემოვიფარვლები...

მინდა ჩემმა უმცროსმა თანამოქალაქეებმა ერთი წამითაც არ დაივიწყონ, რომ პოეტის პროფესია უმძიმესი პროფესიაა. იგი მთამსვლელის, მეკლდურის დიდ ნებისყოფას, თავგანწირვასა და ოსტატობას მოითხოვს... ამიტომ მე არ მჯერა, რომ მწვერვალს ვინმე პირდაპირ ზემოდან დააფრინდება — კლდოვანი ბილიკების გაუვლელად. პოეტი იწყება მაშინ, როდესაც იგი თავისი ტვირთის სიმძიმესა და სისასტიკეს იგრძნობს.

**მინიდან ამოწვდილ
მასხილივით...**

1924 წელს შეიპყრეს და დახვრიტეს ქაქუცა ჩოლოყაშვილის ღირსეული თანამებრძოლი მიხა მთიბელაშვილი. 1925 წელს კი ასევე ქაქუცა ჩამოლოყაშვილის თანამებრძოლმა და განთქმულმა მოლექსემ მიხა ხელაშვილმა წერილი მისწერა მთიბელაშვილის დას — პარასკევას.

აი, ეს წერილიც: „ნუ იფიქრებ, რომ შენი ძმა მოკვდა და აღარ არის, მოკლეს და დაიკარგა. არა, ის არც მკვდარია და არც დაკარგული. ერთი კი არა, მრავალი ვაჟკაცი შეუწირია საქართველოს მსხვერპლად. ზოგი თვეობით წყალში ჰყავთ ჩეკას სარდაფებში, ზოგი გზებზე დახვრიტეს, ზოგიც — საკუთარ სახლში, ზოგი — ბრძოლაში. ჩვენი სისხლითა და ხორციით მორწყეს მთელი საქართველო. მრავალ ვაჟკაცთ გადადგევს ნებით საკუთარი თავი თავის სამშობლოსათვის და თავის სიცოცხლე მწარე სიკვდილს მისცეს პირში. განა ეს ამოღუნა სამშობლოსათვის დახოცილი და დასჯილი ხალხი დაკარგულია? არა! იმათი სახელი მქუხარებს და მზეობს სამშობლოსათვის. იმათი სახელი მთელ საქართველოს ეძახის: — მოდი თუშირად, მტრებმა და დასჯამ არ შეგაშინოთ! დღევანდელ სიცოცხლეს სიკვდილი სჯობიაო... კაცი ადრე თუ გვიან სიკვდილს ვერ დაემალება. მაშასადამე, სახელით მოკვდეს, ძროხასავით უსულო სიკვდილს. ნეტავი იმათ სიკვდილს, ვინც სამშობლოს შეეწირება და უკვდავყოფს თავის სულს“.

როგორც იტყვიან, ამ სიტყვებს მართლაც არ სჭირდება კომენტარი. მიხა ხელაშვილის დიდმა ტალანტმა ამ წერილით იჩინა თავი, აქაც გადმოიღვარა რუსი ოკუპანტებისადმი ზიზღი.

მართლა არ კვდებიან სამშობლოს თავისუფლებისათვის დახოცილი ვაჟკაცები! მათი დანატოვარი სიტყვა მიწიდან ამოწვდილ მახვილივით ელავს!

გაგიკვირდება

გაგიკვირდება,
ეს ციცქნა ვარდი,
რამხელა ზამთრის ტკივილებს იტევს,
მაგრამ ხომ გახსოვს,
მაგრამ ხომ გახსოვს,
ეს განა შენთვის, ისე მოვწყვიტე...

გაგიკვირდება,
ისე ქრებიან
ქალაქის თავზე თეთრი ღრუბლები,
როგორც ცისკრისას ლამპიონები
და უშენობის გაზაფხულები.

გაგიკვირდება,
ისე ქრის ქარი,
ქარის ისეთი დაქრის არულა,
თითქოს დაღლილი ქარი ზამთარში
აქ მოსალხენად გამოპარულა.

სადაურია ეს გაკვირვებაც,
აქ იმდენ ზამთარს გადაუღვია...
მაგრამ გაოცებს თბილისში ქარიც,
როცა ასეთი გაზაფხულია.

გაგიკვირდება,
ეს ციცქნა ვარდი,
რამხელა ზამთრის ტკივილებს იტევს...

— რა ლამაზია ეს სტრიქონი,
ეს თქვენ დასწერეთ? —
ტიტინებს ნაზად მაგიდაზე დახრილი ქალი,
— ესეც თქვენია?
რა კარგია, რა მომხიბლავია...

კაბა — დეკოლტე, ოქროს ხაზი, თეთრი და შავი...
მე ვზივარ მთვრალი,
მიუკიბავ-მოუკიბავი,
გულში ჰაზრი მაქვს ბოჰემური, საამო, ავი...

მიყვარს ეს ქალი

მიყვარს ეს ქალი,
ახლა ვხვდები, ძალიან მიყვარს,
მკრთალი ხელებით,
წვრილმანებზე დამღვლილი ფიქრით,
გაცვდებით ალბათ უცხოობის ზღვარსა და ტიხარს,
თუნდა ძალიან შორს,
თუნდაც მერე, სიცოცხლის იქით.

მიყვარს ეს ქალი...
ახლა მოვა, მოიტანს ვარდებს,
ვარდები უყვარს,
უვარდებო სასახლის მხეველს,
მოვა და შიშით შეეხება დამტვერილ ფარდებს,
რადგან მეც მუდამ დავინწყებით დამტვერილს მხედავს.

მიყვარს ეს ქალი,
იქნებ ვცდები... რა ვუყოთ ხდება,
მაგრამ როდესაც თავის სულის სალაროს ქურდავს,
ვატყობ, ბავშვით უხარია
ან იქნებ ხვდება
რომ სიყვარულის არ აბრუნებს არავინ ხურდას.

დრო არის მშვიდი,
სევდის დარი და მაგიერი,
გადავწევ ფარდას, უკვე დროა, უკვე თენდება,
ის ნავა ახლა,
ვარდებით და ამაყ იერით,
წავალ და ქალურ სიმარტოვით მოითენება.

და ეშინიათ ქალბას...

დროა! — ჩურჩულებს ქალი,
ვერცხლისფრად ელავს ღილი,
ღილი — დარაჯი ავი,
დედაბერივით ფრთხილი.

ცახცახით იკრავს საკინძს,
საკინძს მკერდით მოვლილს,
იდუმალებით ნაკინძს
უპირველესად ყოვლის.

ბუხართან მშვიდად ვთბებით,
რა დრო გასულა უკვე,
ქალს ნაფერები თმების
გაჯიუტება უკვირს...

თეთრი ფარდების ჩქამი,
შორს ქიმერაა ბინდის,
ქალი მოპარულ ღამის
დასატირებლად მიდის.

მალე ჩამოდის ქმარი,
მობეზრებული მეფე,
რის სინანული — კმარა,
ძველი დარდები ყეფენ.

ჰაატა ბერიკაშვილი

ხვალ დაალაგებს ოთახს,
დღეს აღარავინ მოდის,
არავინ არღვევს დუმილს
და პენელოპეს ლოდინს...

რადგან სიმშვიდის დროა
ჯერ მოლოდინის ნაცვლად
და ეშინიათ ქალებს
ღამეში მარტო გასვლა....

მე ვიცი, მალე მოვა აპრილი

დღეს ისე ათოვს შენს ლამაზ ბალებს
და ისე ცელქობს თოვლის მარულა,
თითქოს ამ სახლში ბერი-ზამთარი
შენს საფერებლად შემოპარულა!

დაიფარება ყინვის მტვენებით
მოოქროვილი ფარდის ქარგები.
შენ მთვრალ ბილიკებს აედევნები
და ამ ზამთარში დამეკარგები...

ისე მოგქანცავს ეგ საოცრება,
ფიქრები ისე გაგატიალებს,
ტუჩებს მიანდობ დასაკოცნელად
თოვას, უგზოდ მოხეტიალეს.

მე ვიცი, მალე მოვა აპრილი,
თან მოიყოლებს ქარვისფერ ნისლებს,
შერჩები თოვლით დაფარულ ბილიკს
და გაზაფხული სხვაგან მოგისწრებს...



გაგიმეორებ — დარჩი ამ სახლში,
ჩვენი წარსული იყო თავდებად,
ნუ ნახვალ თოვლში, ან ნადი მაშინ,
ამხელა თოვა რომ გათავდება...

ველარ გაგიშვებ,
ერთხელ უკვე ვენდე ამ ზამთარს,
გაყინულ ბაღში ღამეს ტეხდნენ როცა ბიჭები,
და მერე დილით, თეთრი სევდით დაფარულ ველზე
ძლივს მოვიძიე შენი მკრთალი დანაბიჯები.

მე ვიცი, მალე მოვა აპრილი,
ღრუბლები ღამეში დაიყრებიან...

მე აღარ მახსოვს, გეცვა...

მე აღარ მახსოვს, გეცვა, აბრეშუმის თუ მოვის,
კაბა ღამეულ ფიქრის, კაბა ვარსკვლავთა თოვის,

ქარებს ნისლებით სოველს, ამგლეღს და ჩამვლეღს
ყოველს,
ნატვრისთვალევით ვეძებ შენი ბილიკის მპოვნელს.

შენ გეშინია... ითმენ სასტიკ სიჩუმეს ბინდის,
ითმენ საათის ნიკნიკს, დრო ფეხაკრებით მიდის,

მოგიტყვებენ, ვიცი...
ქარის გზიბლავდა ფრთები,
დედოფლის თეთრი ჩაღმა და თეთრი აღმართები.

ნუ მიენდობი ქარში ბილიკს წალეკილს თოვლის,
ქარს ქარის მიაქვს მხოლოდ, უპირველესად ყოვლის.

შეგრჩება მხოლოდ დარდი,
დარდის წაგიღებს ზვირთი,
ქარი — დერვიშის კაბა, ქარი — ყარობის ტვირთი.

მე აღარ მახსოვს, გეცვა, აბრეშუმის თუ მოვის,
კაბა ღამეულ ფიქრის, კაბა ვარსკვლავთა თოვის...

მძივზე შეწყვეტილს
ნელა ვითვლი ნატვრისთვალს ამდენს,
გაკრთდნენ და გაქრნენ,
მახსოვს, ძველი თილისმა გქონდა.
ლელავდნენ თმები...
თმები წვიმის ჩუქურთმებს ჰგავდნენ,
როცა ეს ფარდა წვიმით სავსე ჰაერში ქროდა...

იქნებ სხვა იყო...
შენს მაგივრად სხვა ქალი შერჩა
ამ სანთობოს სულ სხვა ფერის, შორი და უცხო...
ამიტომ მინდა ჩავიმუხლო და შენთან ერთად
ბნელში გაბნეულ მოგონებებს ძებნა დავუწყო...

ჩაიარა

ჩაიარა, გაზაფხულზე ვამბობ...
თითქოს ყველა გაზაფხულებს ვთვლიდი,
გული უკვე აღარ არის სანდო,
გული — ყველა გაზაფხულზე ფლიდი.

ჩაიარა, ლამაზ ქალზე ვამბობ...
მახსოვს, გრძნეულ პასიანებს შლიდი,
გული უკვე აღარ არის სანდო,
გული — ბებერ დერვიშვით მშვიდი.

ჩაიარა, სიყვარულზე ვამბობ...
დარჩა ფერი გაცრეცილი ფარჩის,
გული, გული აღარ არის სანდო,
გული — ძველი სიყვარულის ჩარჩი.

ჩაიარა, მეგობარზე ვამბობ,
მერამდენედ ამაცდინეს ტყვია...
გული, გული ველარ იტანს ამბოხს,
გული უკვე მოგონების ტყვია.

ნელა მიდის, სიცოცხლეზე ვამბობ...
მიუყვები პორტრეტების რიგებს,
გული თორემ, სურათების ალბომს
ნანილ-ნანილ ხვალვე დავარიგებ.

ჩაიარა...
ვარჩევ ნება-ნება
ხვალ სცენაზე გამოსატან როლებს,
კალენდარი...
დრო თოვლივით დნება
და თავისი გზებით მიმაქროლებს.

ჩაიარა, გაზაფხულზე ვამბობ...

ვისხანავ შენი ოთახის სითბოს

ვისხენებ შენი ოთახის სითბოს,
მაშინაც ზამთრით დაღლა მელოდა,
მაშინაც ასე ვნატრობდით თითქოს
გამონათებას რილო-ჭრელოთა.

ენძელით ხელში გასცდები ფარდას...
ყვავილთან ერთად დარდობ და ჭკნები,
დგას თაფლის ქილა გაღებულ კართან,
ქილასთან მშვიდად დაფრენენ ჭკები.

წარსული თეთრი თოვლივით მოდის,
ღამეც წარსულით მოითენება,
შენ (ექვს საათს): თენდება როდის?!
მე: აღარ მახსოვს როდის თენდება...

ვისხენებ შენი ოთახის სითბოს,
თითქოს ზამთარი წარსულში მგზავნის,
შენ: ვილაც სახლში შემოსვლას ითხოვს...
მე: ალბათ ზამთრის იქნება მგზავრი...

ხანდახან, როცა ყველას ვივინყებ

ხანდახან, როცა ყველას ვივინყებ,
როცა ქუჩაში ისევ ქარია,
ვადგები წლებში ჩაკარგულ ბილიკს
და ისევ შენსკენ მომიხარია.

ხანდახან, როცა დამემდურები
(ხდება ასეთი უბედურებაც),
გაშინებს გრძელი ღამის ლოდინი
და ცარიელი ქუჩის ყურება.

ხანდახან ხდება და... მავინყდები
(ძლივს ავუდივარ ამდენ გაღებებს),
ხანდახან ხდება...
ნუ გამინყრები,
შენ თავად მოდი და მაპატიე.

როცა წვიმს და
როცა ელვა
აკრთობს
ალვის ხეივანს,
როცა ქარი დააქროლებს
ჩამოხეულ აფიშებს,

სწორედ მაშინ მოდის
დადლილ,
უსახლკარო ქალივით,
ფიქრი შენზე
და ჩემს ზღურბლზე ჩუმად გადმოაბიჯებს...

შენში ბიბლიურ დედოფალის სიმკაცრეს ვხედავ

შენში ბიბლიურ დედოფალის სიმკაცრეს ვხედავ,
სულს მისტიური წარმოსახვის რიდე აბოდეებს,
სარკმელზე ვერცხლის ვარაყები ნაზამთრალ ხეთა
აკრთობს ფარდების სანთლისმიერ რიბი-რაბოებს.

ხელი სავარძლის სახელურზე – ნება თამარის,
დადლილი, თითქოს უსასრულო ღამე ათია,
და მიკარნახებს მუხლმოდრეკას მხედართმთავარი –
სიცოცხლე ჩემი, სასაცილო გალიმათია...

შენ კი არ გძინავს
შენში სძინავს მთვარეს და სიზმრებს,
მეტამორფოზულ სიყვარულის ახსნას ვუნდები,
და მეშინია,
უსაშველოდ დადლილს და ფხიზელს,
არ ჩამეძინოს, სანამ შენით დავსნეულდები.

ისე მიჰყვება სურო თეთრ სარკმელს...

ისე მიჰყვება სურო თეთრ სარკმელს,
როგორც ღიმილი მაგ ტუჩის კიდეს,
ღამე უცნაურ საკმევებს აკმევს,
ცაზე უცნაურ ნათურებს კიდეებს...

მოდი ჩამოვსხდეთ,
ღამეს ერთგული
ტალად დამდგომის შერჩა უფლება,
შავი სამოსით,
მთვარის ორდენით
დგას და თავის თავს ესაუბრება.

სადღაც თენდება,
დღე დადგა სადღაც,
სადღაც მოწყენილ სტუმარს ართობენ,
ქალაქებს ეულ
თილისმად დააქვთ
ცას შეტოვებულ მზის სიმარტოვე.

თენდება,
ვიღაც ნასიზმრალს ტირის,
დღე გოლიათის დროით იზრდება,
ახლა ტრამვაი ჩაივლის დილის,
ახლა ეს ქუჩაც გამოფხიზლდება...

გამოვიღოვარ...

მთრთოლვარე თითებს – მარმარილოს სანთლების ციაგს –
შორეულ ზამთრის სიზმრებიდან მოფრენილ ჩიტებს,
ქარს, მისხალ-მისხალ ამ სიცოცხლის სითბო რომ მიაქვს

და თეთრ სასახლეს, ასე ზამთრის ტკივილს რომ იტევს,
ვემშვიდობები...
გაზაფხულით მომწყურდა დალლა.

შენს ცისფერ თვალებს – მათი ფერი მაშინებს რადგან,
ტუჩებს და ტუჩზე გარინდებულ მოთმენას ჩემსას,
ვუმზერ და თითქოს ნაბიჯს გრძნეულ დარბაზში ვადგამ
უკანასკნელის სადაც ვფიქრობ ფიალის შესმას,
ვემშვიდობები,
გაზაფხულის ჟამია ახლა.

შენს თეთრ სასთუმალს — ერთ ღამეში ავივსე მისით,
როგორც ქუჩაში მოფარფატე ქარი ნისლებით,
ხელით ვეხები, ვიმახსოვრებ, ორივემ ვიცით,
უკანასკნელი განთიადით გარდავიცვლებით...
გემშვიდობები,
ნაზამთრალი მომბეზრდა სახლი...

შენ მხოლოდ ზათრით, მხოლოდ ზამთრით, ცოცხლობ
და სუნთქავ,
როგორც ფარვანა უნატიფეს ყინულებს მიღმა,
თითქოს ადგე და ისევე ზამთრად გაფრინდე უნდა,
თითქოს ყინულის მომკვდავი სინაზე გიხმობს...
გემშვიდობები,
გაზაფხულის სევდა მლღის ახლის...

შეხვედრები და ძიძის მითვალყურეობა

ავად სწორდება ქალი ძველი ყაიდის სკამზე,
სკამზე თავადის ღერბი და ლეოპარდის თათი...
— რომელ საათზე მოხვალ? — ასე, საათის სამზე,
გულუბრყვილობაზე ჩემო, არის საღამოს ათი.

წინაპრებისას ირგებს გოგონა ამაყ ნიღაბს,
მერე გადადგამს ფინჯანს – გაცვივებულა ყავა...
ძიძას, იერით კატის, ფინჯანი ფრთხილად მიაქვს,
მოიხედავს და ზეერვით ფარდების მიღმა გავა.

მე ფრთხილად გავხსნი არაყს...
გოგონა წკიპავს წარბებს...
— რატომ გაბრაზდით? არაყს ნაპოლეონიც სვამდა...
— ნაპოლეონი?
— დიას! — აქ ძიძას ფინჯანს ართმევს...
— სვამდნენ ლუი და ფრიდრიხ, ჰქონდათ კავშირი სამთა.

აიმრიზება ნამით, – დიდი ამბავი, ფრიდრიხს,
ვინ იყო ერთი ფრიდრიხს, რომელი ქვეყნის მეფე?!
და აქ ვახეთქებ ტყუილს დილეტანტური რიხით,
— პრუსიად ედგა ტახტი, ვრცელი პალატა სეფე.

კონტესამ თუმცა ეჭვით, მაინც ირწმუნა ბოლოს,
სურათს შეხედა, სანამ აგემოვნებდა არაყს,
ამბობს: ბაბუა თუმცა, თავადი იყო მხოლოდ,
მაგრამ, იცოდეთ, არვის აპატიებდა ლალატს.

მერე მსახური სახლის და დუენია ავი,
ტრადიციულად მკაცრი, მოსასვენებლად მიდის,
სანამ შეეძლო ბებერს, ფხიზლად ეჭირა თავი,
რა ქნას, დაღამდა უკვე, უკვე ჟამია ბინდის.

ქალი სიცილით კვდება, რომ გაიხსენებს ფრიდრიხს,
სვამს არაყს, ნელა თვრება, მერე ძიძაზე ამბობს:
— აბა, რა მეთქვა, ისე მომჩერებოდა რისხვით,
ჩიხტიკოპოსან ქალთა მეგონა ვშლიდი ალბომს.

...
თენდება, მზერა სცდება ბინდის გაცრეცილ სამანს,
გამოფხიზლების ჟამი – დილაა, უთენია,
უნდა მოვასწრო წასვლა, გაიღვიძებენ სანამ
ბაბუა – კედლის მეფე და მკაცრი დუენია...



ნანა ეხვია

მადლობელი ვარ შენი შუქისთვის,
ჩემს დადლილ სულს რომ შვევად ებოძა
და იმ დროული შეძახილისთვის,
მეკობრის ლუკმად რომ არ დამტოვა.

სანუთროს წყრთა და ადლი, არშინი
ადამიანად ყოფნის ნებაა,
თორემ, როდესაც სიკვდილის მაცნეს
მოუნვეს ჩვენი გაღმა გაყვანა,
ვეღარ ნაზიდავ გოდრებით ოქროს,
თუნდაც გატანდეს ხარბი ქვეყანა.

როცა გაიღება სიკვდილის კარი,
მინის ბელტების ნაცვლად
ყვითელ ფოთლებს მომაცრიდეს ქარი,
უფლის წყალობის დასტურად
ბოლო ზიარების გამყვებოდეს მადლი,
ხორცთან გაყრილი სულის სახსენლად
მოდერის „სულთა თანა“
გამიხდებოდეს — საშვი.

უღირსი, შენი წიაღის მდომი
მხოლოდ შენ გიმზერ შვების ცრემლებით —
რამდენი ცოდვის მომეც უფლება,
რომ გამორკვეულს და თვალახელილს
გამკვირვებოდა უხვი წყალობა.

მადლობელი ვარ,
წყვდიადისთვის რომ არ გამწირე
და მოთმინებით დამელოდე
გვირაბის ბოლოს.

მე უკვე შენი მორჩილი ყმა ვარ,
ხმა ვარ უშორეს მოსახილავთა
და კაცთა შორის მარტოობისგან
შენი ძახილის სიტკბო მიფარავს.

ნიბლია ჩიტის ნისკარტზე ძინავს
თბილი საღამოს ჩუმ გარინდებას,
სამყარო ფეთქავს უფლის კალთაზე
და მენამული კვართის სინათლე
მინის არეულ, მძიმე ნაბიჯებს
ციდან დაჰყურებს დასამშვიდებლად.

დილოგი ილუზალ ხვასთან

— ნებისმიერი არჩევანი...
— სწორედ რომ, ნების მიერია
ჭ ე მ მ ა რ ი ტ ე ბ ა,
აბა, ძალის მიერი —
მ ე ფ ი ს ტ ო ფ ე ლ ი ა.

რწმენით თუ არ მიუჯდება
წუთისოფლის ჭადრაკს,
ვერ ასცდები მეფისტოფლის
სამუდამო შამათს.

შემოვიარე ყველა სამთავრო —
მშფოთვარე, ავი, მრუდე, დამრეცი,
ვანვალე ფიქრი, გული, გონება,
მუნჯურად ვწურე ცოდვის მტევნები
და როცა უფსკრულს შევხვებინა,
შენ სწორედ მაშინ მომისათხველე.

შენ მაგრძობინე ამაოების
ნამდვილი აზრი;
ყინულოვანი მწვერვლებიდან
ჩამომადინე თბილ ნაკადულად;
გამომალვიძე, გამახსენე, დავთრებარეულს,
მენელსაცხებლე დედათა ხვედრი
და დამაბრუნე უგზობიდან
შენი ღვთიური სიტყვით: „მომყევი!“

შენ, სახიერი,
მოთმინებით ხარ აღჭურვილი
და ითვლი ჩვენი ნაბიჯების
არეულ ექოს;
გვიცდი, უკუნში კელაპტრად გვინთებ
თაბორის ნათლის უკვდავ მაგალითს,
რომ დაგვაბრუნო საკუთარ თავთან —
ნამდვილ მამულში გასამგზავრებლად.

ცა — ღვთის საუფლოა,
მინა — ნატერფალი.
ყოფნის მიზანი გამომიცხადე
და მხსნელი კალთა გადმომაფარე,
რომ შენი შუქის ნუგეშით სავსე
მინას ვემთხვიო და ზეცას ავნვდე.

დასაწყისი პირველ გვერდზე

ილიკოს კი ამასობაში ერთი უცნაური ჩვევა დასწავდა: სულმოდამ რაღაც უნდოდა და ამავე დროს არასოდეს არაფერი არ უნდოდა. მოითხოვდა ნყალს და არ დაღვინდა. მოითხოვდა საჭმელს და არ შეჭამდა. მოინატრებდა შვილიშვილს და ზედ არ შეხედავდა. შეშინებულმა ივდითიმ ყველაფერი დაუყოვნებლივ უამბო ექიმს და რჩევა ჰკითხა. ექიმმა გულდასმით მოუსმინა, ცოტა შეფიქრებდა, მაგრამ, როდესაც გაიგო, რომ ილიკო აქამდე არასოდეს ყოფილა ავად, წამსვე რწმენა დაუბრუნდა და ძველებური თავდაჯერებით დაამშვიდა ჩირისუფალი:

– გაუფლის.

ავადმყოფს მრავალი მნახველი ჰყავდა: ნათესავები, ნაცნობები, კოლეგები. ვარლამა გიორგობიანი დღემი ორჯერ მოდიოდა, სამუშაო საათებში და სამუშაო საათების შემდეგ. ილიკოს ნაკლებად სჯეროდა, თითქოს ასეთი წარამარა ძუნძული სიყვარულისა და მოვალეობის ბრალი ყოფილიყო; ვინ არ იცოდა ვარლამა გიორგობიანის ცუდლუტობის ამბავი: ნახევარ სიცოცხლეს ერჩივნა ერთი საათით სამუშაოს გაცდენა. რაც შეეხება საღამოს ვიზიტებს, ამასაც თავის ფარული მიზეზი ჰქონდა. ფარული მიზეზი გულა ბარნაბიშვილი იყო. დაიხ, საღამოობით ვარლამა გიორგობიანი ყოველთვის გულა ბარნაბიშვილთან ერთად მოდიოდა და ამ ამბით დიდად მოჰქონდა თავი. ხანდახან გამომწვევად გადახედავდა ავადმყოფ კოლეგას და თვალებით ეუბნებოდა: „რა გიკვირს, შე გამოჩენილებულ ბებერო, ამნაირები უნახავს ვარლამა გიორგობიანს?“ თუმცა ავადმყოფმა კოლეგამ მშვენივრად იცოდა, რომ ერთადერთი ქალი, ვინც არაღ ჩააგდო ვარლამას ცხვირი და მის გვერდით სიარული არ იუკადრისა, ეს ჭკუათხელი გუგულა ბარნაბიშვილი იყო.

ხანდახან ოთხივე კოლეგა ერთად გამოცხადდებოდა, თან საკონდიტრო მაღაზიდან რაღაცას წამოიძღვანებდნენ. დაეწყობოდნენ და შემოღავდებოდნენ. წინ მოხუცი კოლეგა მოდიოდა, მას გუგულა ბარნაბიშვილი მოყვებოდა, გუგულა ბარნაბიშვილის უკან ვარლამა მოაბიჯებდა, ბოლოში მოჩანჩალებდა მეოთხე კოლეგა, რომელიც საერთო საუბარში იშვიათად ერეოდა.

კოლეგები დასხდებოდნენ, იმუ-საიფებდნენ, შეჭამდნენ თავიანთ მოტანილ ნამცხვარს და ივდითის მიერ სახელდახლოდ დაცხობილ ხაჭაპურებს; კაცები ცოტა არაყსაც გადაკარავდნენ (ვარლამა გიორგობიანი ძლივს ათავებდა სადღეგრძელოებს, მაშინ როცა მეოთხე კოლეგა პირველ ჭიქაზე ამბობდა – გაგიმარჯოთო, და წითლდებოდა, ხოლო ყოველ მომდევნო ჭიქაზე – კიდევ გაგიმარჯოთო, და კიდევ წითლდებოდა). ივდითი სტუმრებს გულთბილად მასპინძლობდა, ღიმილით აძალებდა ქალებს, განსაკუთრებით ახალგაზრდა გუგულა ბარნაბიშვილს, ტბილ არაყს, და ყოველნაირად ცდილობდა მეოთხე კოლეგა გაემხნეებია.

პირველ ხანებში ილიკოს ძალიან უხაროდა კოლეგების სტუმრობა. ჭირვეულობა უკვალოდ ქრებოდა და გაცხელებლობით საუბრობდა სტუმრებთან (არც იმას დაფვარავთ, რომ მიუხედავად თავისი ასაკისა და ჯანმრთელობის მდგომარეობისა, დროდადრო თვალს გააპარებდა ხოლმე ახალგაზრდა გუგულა ბარნაბიშვილის მაღალი მკერდსაკენ).

– რაგა, ილიკო, საქმე? – შემოსვლისთანავე, წინა ოთახიდან დაიწყებდა ბლავილს ვარლამა გიორგობიანი, – ვერაფერი მოგიხერხა იმ ფილასოფოსა ექიმმა?

ილიკომ იცოდა, რომ „ვერაფერი მოგიხერხაში“ ეს ვირი მორჩენას კი არ გულისხმობდა, არამედ საიქიოს გასტუმრებას, და წყნარად წაილაპარაკებდა: – ბარე ორ ცხვირს გევიმძღვარებ, ბიძია, წინ.

ვარლამა აროხროხდებოდა და ამ როხროხით რწმენასაც უწინებდა ილიკოს და თან თითქოს დასცინოდა კიდევ ამ უგუნური რწმენის გამო. ამასობაში კოლეგების მოწინავე რაზმი (მოხუცი კოლეგა, ყურისძირების ზელის ოსტატი) კარებში გამოჩნდებოდა და სანამ არმიის ყველაზე სუსტი განაყოფი, მეოთხე კოლეგა, შემოვიდოდა, ავადმყოფი ილიკო და ჯანსაღი, მაგრამ გრძელცხვირა ვარლამა კიდევ რამდენჯერმე უპბენდნენ ერთმანეთს.

პირველ მოსვლაზე ილიკო მშვიდი მგე-

ლივით დაეტაკა კოლეგებს და ხარბად გამოიკითხა სამსახურის ამბები. მერე გულდაწყვეტით ჩაილაპარაკა:

– რა ვუქენი იმ კაცს, რავე დავალატიანე!

– ვინ დაალატიანე, ბეჩა? – ყველას დაასწრო შეწუხებულმა ივდითიმ.

– შენ არ იცნობ, – მიუგო ილიკომ და კოლეგებს მიუბრუნდა (თანაც, რახან ყველას ერთად ვერ შეხედავდა, შემთხვევით ისარგებლა და პირდაპირ გუგულა ბარნაბიშვილის მკერდს მიმართა, რისთვისაც გულუბრყვილო ივდითის არავითარი ყურადღება რა მიუქცევია, ხოლო თვითონ გუგულა ბარნაბიშვილმა ოდნავ შესამჩნევად გაიღიმა), – ტაბატაძე, კაცო. როდისღა დაიწყოს ი უპატრონო სახლის აშენება! შუამდე მიყვანილი დამრჩა ანგარიში.

– მაგის დარდი ნუ გაქვს, ილიკო, – დაამშვიდა ვარლამამ, – შენი სამუშაო ისეთ კაცს მისცეს დასამთავრებლად, ცხრა ილიკოს ჯობია.

კოლეგები აფრუტუნდნენ, თვით მეოთხე კოლეგამაც კი გამოაჩინა ორიოდე ყვითელი კბილი.

– ვინ მონახეს, მაინც, მაგნარი? – გამომწვევად იკითხა ილიკომ.

– მე თვითონ ვამთავრებ, ილიკო, ნუ გეშინია, – კვლავ ანუგეშა ვარლამამ.

– დიდუჰ! ვაი, შე საწყალო ტაბატაძე, რავე მთლა გამოუჭრიათ ყელი!

– რატომ ამბობ, ბეჩა, მაგას, ვარლამი ძაან ჭკუიანი ბიჭია, – გამოექმამა სტუმარს დაისახლისი.

– კი, ნამეტანი! – ჩაიქირქილა ილიკომ.

– ხუმრობს, ქალბატონო ივდითი, ზედმეტი სიყვარული ალაპარაკებს ასე, – ახლა დაისახლისი დაამშვიდა ვარლამამ,

ჯემალ ქარჩხაძე

ამბოხება

რომელიც განაფული იყო ასეთ პაექრობაში.

ერთხელ (იქნებ ეს იყოს ამ უცნაური ამბის შეუცნობელი დასაწყისი), როდესაც მრგვალი მაგიდის ირგვლივ შემომსდარი კოლეგები გამოტენილი პირებით სრულიად დამსახურებულად აქებდნენ ივდითის გამოტყვევარ ხაჭაპურებს, მოხუცმა ელისაბედმა წამოიწყო ლაპარაკი უბრალო კოლეგებისათვის ისეთ შეუფერებელ პრობლემაზე, როგორცაა ბედისწერა. თუმცა ისიც უნდა ითქვას, რომ მან მარტვი და გასაგებნი სახე მისცა თავის ნათქვამს, კერძოდ, აბსტრაქტული მსჯელობა კი არ დაუწყია, არამედ, უბრალოდ ერთი მაგალითი მოიყვანა, რომელიც ბედის ახირებულ ბუნებაზე მიუთითებდა.

– მაგაზე მომხარონდა, ქალო! არ მითხრათ, ბედი არაა ქვეყანაზეო. ამას წინათ მეზობლის ბიჭი ავტობუსით მიდიოდა სოფელში. გზაში, უკაცრავად პასუხია და, კუჭი აუშალა. თომინა თურმე, თომინა და ვეღარ მოითმინა. შეშინებია სანყალს, ხალხში არ მომეჭრას თავიო და შუა გზაში ჩამოსულა მანქანიდან; უფიქრია, ჩემს საქმეს რომ მოვიტავებ, ფეხით ნავალ და ის იქნებაო. დარჩენილა მს ბიჭი; ნასულა ავტობუსი. ნასულა, მაგრამ არ გაუფლია ორი კილომეტრი, რომ ხრამში გადაჩეხილა. ვინც მომკვდარა, ხომ მომკვდარა, ვინც გადაარჩენილა და სამუდამოდ დასახიჩრებულა. აბა, ქალო!

– ნნ... ნნ... ნნ... – თქვა ივდითიმ, – არ ენერა იმ უბედურიშვილს სიკვდილი, თორემ რაღა მაინცადამაინც მაშინ გაუჭირდა!

ამ დროს გაოცებისგან ყველამ პირი დაალო. ან კი როგორ არ დააღებდი პირს, როცა მეოთხე, მდუმარე კოლეგამ პირი გაალო და რაღაც თქვა. მან სასწრაფოდ გადაყლაპა უზარმაზარი ლუკმა და, მართალია, ჭარხალივით განითლდა, მართალია, ისეთი სხაპასხუპით თქვა, რომ აშკარად ჩანდა, ერთი სული ჰქონდა, როდის მოათავებდა ამ უსიამოვნო საქმეს, მაგრამ მაინც თქვა. და თქვა შემდეგ: – რა არის კაცის ცხოვრება!..

მაგრამ მეოთხე კოლეგა, ბოლოს და ბოლოს, ადამიანი იყო: ამიტომ დანარჩენი კოლეგები მალე შეურიგდნენ ამ უცნაურ გამოხდომას და ძველებური ენერგიით შეუტყეს გამრთულ ხაჭაპურებს, მეოთხე კოლეგის ნათქვამი კი თითქოს საბოლოოდ მიეცა დაეინყებას.

იქნებ მართლა დაივიწყეს, იქნებ ჩვენ ცდებდით და მეოთხე კოლეგის ნათქვამი სულაც არ გამხდარა ამ ამბის საფუძვე-

ლი. ეს კია, რომ ლოგიკური და არა მარტო ლოგიკური, არამედ ლექსიკური კავშირიც მეტისმეტად მკაფიო და ამიტომ ძალიან საეჭვოა.

ეს მოხდა ავადმყოფობის მეცხრე დღეს. მეათე დღეს კი ექიმის წინასწარმეტყველება ახდა: ილიკოს ჭირვეულობას ბოლო მოეღო. ილიკო აღარ ითხოვდა ნყალს, როცა არ წყუროდა. აღარ ითხოვდა საჭმელს, როცა არ შიოდა. აღარ ნატრობდა შვილიშვილს, როცა არ ენატრებოდა. უფრო მეტიც: როცა მართლა უნდოდა რამე, მაშინაც კი არაფერს ითხოვდა. მთელი დღე იწვა გულალმა, იწვა მდუმარედ და უტყყვი სახით შესცქეროდა თეთრად შეღებილ ჭერს.



კოლეგების სტუმრობა და საერთოდ, ვინმეს სტუმრობა უკვე აღარაფრად ეთბნებოდა. იყო გაბუსუნებული, ათვალეირებდა ჭერს და მხოლოდ ზრდილობისათვის, ვალმოსახდელად თუ ამოიღებდა ხმას. გრძელცხვირა ვარლამას გადაკრულ სიტყვებს ისე მდუმარედ და მშვიდად ხვდებოდა, გეგონებოდა ამ კაცს ვიდეოყვარობა სრულიად დაუკარგავსო. საქმე იქამდე მივიდა, რომ გულგატეხილი ვარლამა დღემი მხოლოდ ერთხელ მოდიოდა (სამუშაო საათების დროს).

ფიქრით არაფერს ფიქრობდა, უფრო სწორად, ფიქრობდა რაღაც ნაწყვეტ-ნაწყვეტს და ეს ფიქრები ჰგავდა ქალღმერთის ნაფლეთებს, რომლებიც სიბნელებში გადაყარეს. მაგრამ, როგორც ჩანს, ეს იყო ერთგვარი ნიადაგის მომზადება უცნაური და მოულოდნელი აზვირთებისათვის, რის შედეგადაც ილიკო ხაჭაპურით გასცდა უბრალო კოლეგების შინაგანი არსებობის ფარგლებს.

ეს მოხდა ავადმყოფობის მეორემეტე დღეს. საღამო ხანი იყო. ილიკო, ჩვეულებრივ, იწვა, ხელები თავქვეშ ამოედო და დაფიქრებული სახით შესცქეროდა ჭერს. ოთახი ბინდს მოეცვა, მხოლოდ სინათლის ორიოდ მკრთალი ზოლი შემოდიოდა სამზარეულოდან, სადაც დაულალავი ივდითი ვახშამს ამზადებდა.

იწვა ილიკო საღამოს ბინდში; და უცებ მისი ნაწყვეტ-ნაწყვეტი ფიქრების ფონზე ნათლად გამოისახა ერთი ფრაზა, რომელიც თავისი შედგენილობით მეოთხე კოლეგის ასოციაციას იწვევდა და რომელიც ერთსა და იმავე დროს ღრმაცაა და ზერულაც, ძველისძველიცაა და ახალთახალიც. ილიკომ გაიფიქრა: „რაია ახლა კაცის ცხოვრება...“

ძნელი სათქმელია, ჰქონდა თუ არა ილიკოს ბუნებაში პრობლემატური საკითხებისაკენ მიდრეკილება; იგი ადრე მოეკიდა ოჯახს, მაგრამ, სანამ ოჯახს მოეკიდებოდა, ზემოხსენებულ უფერულ კანტორაში შექერა და ამის შემდეგ მისი ცხოვრების მთავარ ატრიბუტებად ციფრებით აჭრელებული საკანცელარიო რეგული და საანგარიშო იქცა. ასეთ ატომოსფეროში, როდესაც სამყარო რუხი ფერით იმოსება, რას გამოარკვევ, გაქვს თუ არა რაიმე ფილოსოფიური ძარღვი. ცხადია, ასეთი კითხვა ილიკოს არც დაუსვამს თავის თავისთვის, იჯდა და კაი ორმოცი წლის განმავლობაში თავაუღებლივ მუშაობდა. და აი, ახლა, ცხოვრების მიწურულში თვალგამტერებული იწვა გულალმა და თეთრად შეღებილ ჭერზე კითხ-

ულობდა: „რაია ახლა კაცის ცხოვრება?...“ თუ მხედველობაში არ მივიღებთ ზოგიერთ დიალექტურ თავისებურებას, ეს კითხვა გარეგნულად ზუსტად ემთხვეოდა სიტყვაძვირი კოლეგის მიერ წამოჭრილ პრობლემას.

მაგრამ რა არის გარეგნული მსგავსება! სინამდვილეში ილიკოს ნათქვამი ისე ჰგავდა მეოთხე კოლეგის ნათქვამს, როგორც საგანი ჰგავს თავის ჩრდილს. მეოთხე კოლეგისათვის ეს იყო ჩვეულებრივი, გაცვეთილი ფრაზა, ილიკომ კი თავის დიალექტიზმით დატვირთულ კითხვაში მთელი სული და გული, მთელი თავისი შინაგანი არსება ჩადო.

დაიხ, მისთვის ეს ფრაზა ფუჭი რიტორიკის ნიმუში არ ყოფილა. იწვა ილიკო ჩაბნელებულ ოთახში და ვერ მიმხვდარიყო, რაში მდგომარეობს ცხოვრების არსი.

„რაია ახლა კაცის ცხოვრება? – ფიქრობდა ილიკო, – ვაგდივარ აგერ გულალმა; მივჩრებივარ ჭერს და არ ვიცი, რისი მაქნისი ვარ ამ ქვეყანაზე. დევიბადე, გევიხარდე, ვითხოვე ქალი, გავაჩინე ბალანე, გავზარდე, გავათხოვე; რატო, რისი გულობიზა? რო არ გემეჩინა ახლა, ვითომ რამე დოუშავდებოდა მაგით? რა უნდა დაშავებოდა, თუკი არ გავაჩენდი! სანამ გოუჩენელია კაცი, მანამ არაფერი არაა და არაფერს რავე დოუშავდება რამე. არაფერი არ იყო, მერე უცბად რაფერ განჩნდა? იქნება მე ვიყავი იგი და, რო გავაჩინე, რაცხა მომაკვლდა, იქნება ნახევარი სული იმას მივეცი? თუ ასეა, რატო ვერ ვატყობ, რო ნახევარი სული მომაკვლდა? არა, არა, დაშავებით არაფერი დოუშავდებოდა, მაგი ტყვილია. ასე ვთქვათ, მაგალითად: ხო შემეძლო მეორე შვილი გემეჩინა? შემეძლო, მარა არ გამეჩინია. ახლა, ვინმემ რო მითხრას, რას ერჩოდი, რატო არ გააჩინეო, სისულელე არ იქნება მაგი? ვინ რატო არ გავაჩინე, – არავინ? რაფერ შეიძლება არაფერზე თქვას კაცმა – ესა და ესაო. რო გემეჩინა, ბოვში იქნებოდა და მეყვარებოდა კიდევ. მარა, რაღა არ გავაჩინე, არაფერი არაა; არც შვილია და არც არაფერი. სულ არაფერი, არც ჰაერია, იმიტო რო ჰაერი მაინც რაცხაა, გაუჩენელი ბოვში კი არაფერი არაა, – არც ჩანს, ვერც ხელს მოკიდებ, არც სუნი აქვს, არც არაფერს გრძნობს; ამფერ რამეს, ახლა, – რამეს კი არაა, არაფერი, – რა დოუშავდება? არაფერი. არაფერს არაფერი დავუშავებ. ვინც გავაჩინე, იცოცხლე-თქვა მითხარი, იმას დოუშავდა, იწვალა, იტანჯა, ქმარი ოში დაკარგა, დარჩა ერთი საცოდავი ბალანე და ნელგებე ფეხს იდგამდა, რო რამეფრად გამოეზარდა. თუ მართლა ასეა, მაშინ რაღას ვაჩენთ ამ უბედურიშვილებს! ამფერ გაჩენას გოუჩენლობა არა ჯობია, ვითომ? მე მგონია, კაცი რო გააჩინა ღმერთმა, სხვა რამე დამაბარა, – ასე და ასე იცხოვრეო, უთხრა, მარა იმ კაცმა ვერ გეიგო და დეინყო გლახა ფაფხური; ანდა არ დოუჯერა ღმერთს და თავის ჭკუაზე დააპირა სიარული. იარა თავის ჭკუაზე, იარა და, ქე ხედავ აგერ, სად მივიდა. აბა, რავე დევიჯერო, ახლა, მე რო გავჩნდი, ღმერთმა დამანათლა: ორმოცი წელიწადი დილის 9 საათიდან საღამოს 5 საათამდე საანგარიშო აჩხაკუნეო. ამის გულიზა რავე გამეჩენდა! ეგი თუ დამანათლა, სასაცილოდ ავეუგდივარ და ისაა. აბა, რაია, კაცო! – ნადი, აჩხაკუნე, დაბრუნდე; ნადი, აჩხაკუნე, დაბრუნდე; ნადი, აჩხაკუნე, დაბრუნდე. ჩემს სიცოცხლეში საანგარიშოს გარდა არაფერზე მიფიქრია, ვინ დამაჯერებს, ახლა, ეგია ცხოვრებაო. რო დაფიქრდები კაცი, პირდაპირ შეგემინდება. იმიზა რავე გააჩენდა ცხოვრებას ღმერთი, რო კაცი ეწვალეობა და ემასხრებია! არ გააჩენდა მაგაო, სხვა რამიზა გააჩენდა. სხვა რამეა ცხოვრება, მარა ვინ იცის რაია? ვაგდივარ აგერ გულალმა და მივტყერებივარ ჭერს; რამდენი ჩემისთანა აგდია საცხა და მიმტყერბია ჭერს! რამდენი არ მიმტყერებია! რამდენი სულ ვერ იხედება თვალბში, რამდენი კვდება, რამდენი იბადება! მაცოდი-ნა ახლა ორმოცი ათასი ვერსის იქით რო კაცი ცხოვრობს, რას შობა იგი ამ წუთში! რაღა ორმოცი ათასი ვერსის იქით, ი ცარიელი ცხვირი რას აკეთებს, ვარლამა გიორგობიანი, ეს მაინც ვიცოდე. რად მინდა, კაცმა რო თქვას, მარა მაინც, – რაცხა ხო უნდა ვიცოდე! აბა, ისე რას დაჩერჩებო ამ ქვეყანაზე? ჩემი ქალი შემეძვრალა ეგერ სამზარეულოში და ისე გულდაგულ ჯახირობს, გეგონება ესაა და იცის რატო ჯახირობს. ქათამს წვავს, მაგი მაინც ვიცი. მარა რას ერჩოდა იმ ქათა-

მს? რაია, ახლა ქათმის ცხოვრება? გაპურებენ, გასუქებენ და მერე გამოგისვამენ დანას კისერში, იმიტომ რომ თვითონ უნდა დაპურება და გასუქება. გინდა კაცი მოგიკლავს და შეგიჭამია და გინდა ქათამი. იმ ქათმის ხორცი რაღა ჩამივია, ახლა, პირში! რას ჯახირობს ის ქალი! იცოდეს მაინც, რატომ ჯახირობს, იცოდეს მაინც, რის მაქნისია ამ ქვეყანაზე!"

- ივდითი!
- ბატონო, ილიკო!
- მიდი, ერთი, აგერ, რაცხა მაქ სათქმელი.

ივდითი მოვიდა.
- რაღა ბნელაში ნევხარ, ბეჩა, აგენტო სინათლე! ხომ არ გეძინება ჯერ? პატარა მოითმინე, აგერ ვახშამსაც მოგიხსნებ და მერე დაიძინე. ანთე, ილიკო, სინათლე, მე ხელეები არა მაქვს სუფთა.

ილიკო ჭეშმარიტად გმირული მოთმინებით ელოდა, როდის დაამთავრებდა ივდითი თავის სათქმელს, რომელშიაც ოდნავადაც კი არ ჩანდა ცხოვრების შეცნობის სურვილი.

- რას აკეთებ, ივდითი, სამზარეულოში?
- შორიდან შემოუარა ილიკომ.
- ხომ გითხარი, ბეჩა, ვახშამს გიმზადებ.

- რა ვახშამს?
- ისეთი ქათამი შეგიწვი, ილიკო, თითებს ჩაატან, - სიხარულით უპასუხა ივდითიმ, რადგან საჭმელზე ლაპარაკი კარგად ენიშნა.

- რას ერჩოდ მერე ი სანყალ ქათამს? ივდითი სახტად დარჩა.
- რაღა, ილიკო?
- რაღა და რას ერჩოდ? შე ქალო, ბარელამ ბალანე დეიჭირე საცხა ქუჩაში და იგი დამიკალი!

- დედა! რა დაგემართა, ილიკო, ჯერ არ გიჭამია ქათმის ხორცი თუ?
- გული არ ამირო, შე ქალო! რა დაგიშავა სანყალმა ქათამმა?

- ილიკო, ქათამი იმიტომ გააჩინა ღმერთმა, რომ დაეკლათ და შეეჭამათ.
- გცოდნია, აპა და ესაა!
- ბეჩა! რაღა არ ვიცი!

- რა იცი შენ, ქალო! ვინ გითხრა, რატომ გააჩინა ღმერთმა ქათამი?! იქნება იგიც იცი, კაცი რატომ გააჩინა? - ილიკოს ხმაში დაუფარავი დაცინვა გაისმა.
მაგრამ გულკეთილმა და მიაბიტიმა ივდითიმ ქმრის მზაკურული კილო ვერ შეამჩნია და ხუმრობა სცადა:

- კაცი იმიტომ გააჩინა, რომ ქათამი ჭამოს, ისეთი შებრაწულია, რომ გეუბნები, თითებს ჩაატან...
- ბიჭო, ვინ ასწავლა ამ ქალს ამდენი? თვითონ ხო არ გელაპარაკა მამაზეციერი? იქნება აბაიშვილების მანქანა იმიზე გააჩინა, რომ სანყალ გურგენას ცოლს დატაკებოდა?

- რა გაჩხუბებს, ბეჩა, მანქანა ღმერთს არ გაუჩენია...
- კაცს რატომ ასწავლა მისი გაჩენა?
- დაწყნარდი, ილიკო, რა ვიცი, მაგდენი რა ვიცი...

- არ იცი ხო? - მოხეიმე ხმით იკითხა ილიკომ, - წვილე მამი ი შენი ქათამი და ძაღლებს გადაუთე.

- ღმერთო, მამაზეციერო, რაღა ექნა ახლა, - წყნარად ჩაილაპარაკა ივდითიმ და სამზარეულოში გაბრუნდა, - ღმერთო, შენი მუხლ-კალთის ჭირიმე, ნუ დამლუპავ!

- ესა თქვა და ზიზღით გადახედა შებრაწულ ქათამს, რომელშიაც მთელი მისი კულინარული ხელოვნება იყო ჩაქსოვილი. ქათამმა არ იცოდა, რამხელა დრამის მიზეზი გახდა მისი უფერული პიროვნება, იწავა თავისთვის ყვაივებით მოხატულ თევზზე, ფეხები მაღლა აეფიქია და ისეთ სურნელს აფრქევდა, მკვდარსაც კი მადას გაუღვიძებდა.

იმ ღამეს ივდითიმ ექიმი გამოიძახა. - მიშველეთ რამე, ექიმო, ჩემ კაცს რაცხა დაემართა.

ექიმმა დაკვირვებით გასინჯა ილიკო,



ხელეები დაიბანა და წავიდა. ოლონდ წასვლის წინ დაიბარა:

- პაციენტს ყოველმხრივი გაუმჯობესება ეტყობა.

რა იზამ, ხომ ვერ შეედავები ექიმს! მით უმეტეს, ისეთი უვიცი თუ ხარ მედიცინაში, როგორც ივდითი იყო. ამიტომ ივდითის ხმა არ ამოუღია. სამაგიეროდ მერე დღეს სამუშაო საათებში მოსულ ვარლამა გიორგობიანს კარებში შეეგება და შესჩივლა:

- რაღა ექნა, არ ვიცი, შვილო, ჩემ კაცს რაცხა დაემართა.

- რა დაემართა, ქალბატონო ივდითი?
- რა ვიცი, შვილო, გუშინ საღამოს გული გამიხტოქა.

- დღეს?
- დღესაც, შვილო, დღეს კიდევ უარესადაა.

- ექიმი რას ამბობს?
- ექიმი, შვილო, არაფერს არ ამბობს.

- რა ესმით ექიმებს მედიცინის! - გამოთქვა ვარლამამ არც თუ მაინცდამაინც ორიგინალური აზრი, მერე ენერგიულად ასწია ცხვირი და მტკიცე ნაბიჯით გაემართა ილიკოს საწოლი ოთახისკენ. მის მამე მიხვრა-მოხვრაში მოჩანდა ურყევი გადაწყვეტილება, რადაც არ უნდა დაჯდომოდა, გაერკვია ის, რაც სრულიად შეუმჩნეველი დარჩა ექიმის გამოცდილ თვალს.

ილიკო გულაღმა იწვა, დაფიქრებული შესცქეროდა ჭერს და ვარლამა გიორგობიანის მხნე შეძახილისათვის - რაღაა, ილიკო, საქმე, აღარ მოგწყინდა ამდენი წოლაო! - არავითარი ყურადღება არ მიუქცევია.

ვარლამას ენიშნა ივდითის ნათქვამი, მაგრამ ფარ-ხმალი არ დაუყრია, რადგან ისეთ ადამიანთა კატეგორიას არ მიეკუთვნებოდა, პირველი მარცხისთანავე რომ ფარ-ხმალს ყრიან. ახლო მივიდა და საწოლის კიდზე ჩამოჯდა.

- გამარჯობა შენი, ილიკო!
- გაგიმარჯოს, - უხალისოდ გამოეპასუხა ავადმყოფი.

- რას შვრები, ბიჭო, რაღა მთლად დაგვივიწყე? მოგწყინდა უშენოდ. მე კიდევ არაფერი - გავძლებ როგორმე, მაგრამ იმ სანყალ ელისაბედს რა პასუხს აძლევ? როდის მოვა და როდის მოვა, - გადაგვჭამა თავი. ილიკოს რომ ვუყურებ, თავი ახალგაზრდა მგონიაო.

ვარლამა გიორგობიანმა იცოდა თავისი საქმე, იცოდა როგორ გაეღიზიანებია და აელაპარაკებინა ავადმყოფი კოლეგა. მაგრამ მის გაცეცხას საზღვარი არა ჰქონდა, როდესაც ილიკომ გულკეთილი და ოდნავ მოწყალე ღიმილით გაიღიმა, როგორც ყოვლისმცოდნე კაცმა, რომელსაც ანაბანას სწავლებას უპირებენ.

- ვარლამა, - წყნარად, თითქმის ჩურჩულით, რაღაც იდუმალი ხმით დაიწყო ილიკომ, - რა დაგრჩენია სამსახურში, ყოველდღე რა დანაწნალებს ერთგული საძლიერო, რად გინდა, წარამართა რომ აჩხაკუნებ ი დასანვავ საანგარიშოს?

ვარლამა გაშტერდა.
- ილიკო, შენ ამბობ მაგას?
- რას ეძახი შენ ცხოვრებას? - კვლავ ჩურჩულით განაგრძო ილიკომ, ისე რომ ვარლამას შეკითხვა პასუხის ღირსად არ ჩაუთვლია. - დღის ცხრა საათიდან საღამოს ხუთ საათამდე საანგარიშოს აჩხაკუნებ, ხუთი საათიდან თორმეტ საათამდე იმის ცდაში ხარ, რამეფრად დრო გეიყვანო, თორმეტი საათიდან ქე გძინავს და ვითომ სულ არ ყოფილხარ, ისეა. რაღა ფიქრობ, მაგიზა ხარ გაჩენილი? თუ რატომ ხარ?

და გრძელცხვირა ვარლამა გიორგობიანის წინაშე მთელი თავის სიგრძე-სიგანით, მთელი თავისი თვალშეუნდენი სიდიდით, მთელი თავისი უსახურეობით და ილუმინაციით აღიმართა უმძიმესი კითხვა ყველა იმ კითხვათა შორის, რომლებსაც კი ოდესმე ადამიანის გონება უწვავს. და არა მგონია, ვინმემ დაძრახოს ვარლამა გიორგობიანი იმისთვის, რომ უმწეოდ მოკუნტული, პირდაპირი და თვალგამჭერებული, უსიტყვოდ მისჩერებოდა ავადმყოფ ილიკოს.

ავადმყოფი ილიკო კი განაგრძობდა.
- რაღა გგონია, რამდენი წელი ვიცხოვრე მე ამ ქვეყანაზე?... არ იცი ხო? არც მე ვიცი. მაგას რო მიხვდ, ჯერ ის უნდა გეიგო, რაია ცხოვრება. მარა, რაც არ უნდა იყოს ცხოვრება, ყოველდღე საანგარიშოს ჩხაკუნის რო არ იქნება, მაგას არ უნდა ლაპარაკი.

ვარლამა ხედავდა, რომ ივდითის ქმარს მართლა რაღაცა დამართნოდა, მაგრამ იგი არც ისეთ ადამიანთა კატეგორიას მიეკუთვნებოდა მერე მარცხის

შემდეგ რომ მაინც ყრიან ფარ-ხმალს. მან ახალი ხერხი იხმარა. მართალია, ამ ხერხს ერთი პირადი საიდუმლო შესწირა, მაგრამ კეთილშობილება ხომ, ბოლოს და ბოლოს, მსხვერპლით ფასდება.

- მალე ადექი, მალე, ილიკო, - მხიარულად, გამამხნეველი კილოთი წამოიწყო მან, - ერთ ორ კვირაში ქორწილში უნდა დაგვაპატიყო.

ილიკოს ყურიც არ შეუბერტყავს, იწვა და დაფიქრებული ათვალეიერებდა თეთრად შეღებულ ჭერს.

- ამ მოკლე ხანში მე და გუგულა ხელს ვანერთ და აბა შენ იცი, ჩემ ქორწილში თუ არ იცეკვე, მე და შენ შორის შავი კატა გაიბრუნებს.

აქ კი ილიკო ხაჭაპურიძემ კვლავ დაილაპარაკა. მან მიმართა თავის ახალგაზრდა კოლეგას და უთხრა შემდეგი:

- რად გინდა მერე, ხელს რო აწერ?
- ვარლამამ გულში დაასკვნა, რომ ილიკოს მდგომარეობა ერთობ სერიოზული იყო, მაგრამ შეკითხვაზე ადვილად უპასუხა, რადგან, ღვთის მადლით, არაერთხელ შეუსვამს ნეფე-დედოფლის სადღეგრძელო.

- რატომ, ილიკო, შეგქმნი ქართულ ოჯახს, გავიკეთებ პატარა ბუდეს, სანამ უნდა ვიყო ასე მარტოხელა. კაცი იმიტომ ცხოვრობს ამ... და უეცრად ვარლამას სიხარულისგან სული შეუგუბდა: მას გაახსენდა, თუ რისთვის იყო გაჩენილი ამ ქვეყანაზე, მან იპოვა პასუხი ილიკოს წელანდელ კითხვაზე. - ჰოდა, წელან რომ მკითხე, რისთვის ხარ გაჩენილი, - რიხინანად განაგრძო ჯანსაღმა კოლეგამ და მეტი დამაჯერებლობისათვის ფეხზეც წამოდგა, იმიტომ ვარ გაჩენილი, რომ ოჯახს მოვეკიდო, შვილები გავზარდო და შთამომავლობისათვის ვიზრუნო.

ვარლამა გამარჯვებული სარდალივით იდგა. სახე ამაყი, დამსახურებული სიხარულით გაბადროდა.

- ნუ ბუტუტურობ რაცხას, - წყალი გადაასხა კოლეგის სიამაყეს უღმობელმა ილიკომ, - უნდა იზრუნოს, ახლა, ვარლამა ცხვირამ შთამომავლობისათვის! რაია შთამომავლობისათვის ზრუნვა? გააჩენ შენისთანა ოხრებს და დაყრი ამ დანყველილ მიწაზე. ზოგს ცხვირი გამოუვა დიდი, ზოგს - ღრანჭი მოქცეული, ზოგს ფული არ ექნება, ზოგს ქალი არ გაყვება და დოუნყებენ წყევლას თავის გაჩენის საათს. კაი, შენ ხარ ქვეყნის ამქმნებელი და იზრუნე შენ შვილზე, ი შენი შვილი რილასთვის ცხოვრობს, ვიზე იზუნებს?

- თავის შვილზე.
- მისი შვილი?
- იგიც თავის შვილზე.
- ბოლოს?
- როგორ ბოლოს?

- როგორ ბოლოს და იმეფერ ბოლოს, რო სად მიდის მერე ამდენი ზრუნვა? დოუკვირდი აბა! შენ შენ შვილზე იმიტომ ზრუნავ, რო იმან თავის შვილზე იზრუნოს და იმ შვილს საშვალეა ექნეს, კილო თავის შვილზე იზრუნოს. ესე იგი, სინამდვილეში, ბოლოს რო იქნება ვილაცა, იმი-სთვის ჯახირობ ამდენს. მარა, თუ ბოლო არა აქ, ჩაგყრია წყალში ყველაფერი და ისაა! თუ აქ ბოლო და, ი დალოცვილი ღმერთი ამდენ ხალხს რატომ გვანვალებს, ანი მე არ მაჯახიროს, ჩემი შვილი არ აჯახიროს, ჩემი შვილი და შვილთაშვილი არ აჯახიროს, პირდაპირ გეეჩინა ბარელამ ი ბოლო! ვარლამა! იცი, რა გითხრა? სანამ გაჩნდებოდი, არც საზრუნავი გქონდა, არც საფიქრალი, არც სანვალე-ბელი, არც ნასასვლელი იყავი, არც წამოსასვლელი, არც საანგარიშო გქონდა საჩხაკუნებელი და არც ფული გქონდა საშოვნის. გაჩნდი და ამდენი რამე ერთად დეგეცა თავში. კაია, ახლა, ეგი?

- აბა, არ უნდა გაჩნდეს კაცი, ილიკო?
- უმწეოდ იკითხა სრულიად განადგურებულმა ვარლამამ, რომელიც, ბოლოს და ბოლოს, აღარც ისეთი ადამიანების კატეგორიას მიეკუთვნებოდა, მესამე მარცხის შედეგაც რომ სულიერ ნონასწორობას ინარჩუნებენ.

- ეჰ, რა ვიცი, ბიძია; ან არ უნდა გაჩნდეს და ან რაცხა სხვა საქმე უნდა ჰქონდეს ამ დასანვავ ქვეყანაზე.
- ვარლამა ერთი კვირის მშინიერით გამოლასლასდა ილიკოს ოთახიდან. ის ენერგია, მტკიცე გადაწყვეტილება და ახალგაზრდული ცეცხლი, რომელიც შესვლისას ახლდა მის ნაბიჯებსა და მთელ მის გარეგნობას, უკვალოდ გაქრა.

- რაღა, ჩემო ვარლამ, საქმე? - იმედიანი სახით მიეგება ივდითი.

- რა ვიცი, ქალბატონო ივდითი, რა ვიცი, რის მაქნისი ვართ ამ ქვეყანაზე... -



ამოილულულა ვარლამამ და გავიდა.

რამდენიმე დღის შემდეგ კოლეგებმა მოაკაკუნეს. საბრალო ივდითი სიხარულით მიეგება სტუმრებს და სამივეს სათითაოდ შესჩივლა (რადგან ვარლამა გიორგობიანი, რომელიც ამას წინათ თავგზაბნულად გამოვიდა ავადმყოფის სანოლი ოთახიდან, ამხანაგებს აღარ ახლდა. იგი ძლივს მომჯობინდა იმ მარცხიანი საუბრის შემდეგ და ახლა სრულიად ზედმეტ რისკად ჩათვალა ილიკოსთან განმეორებით შეხვედრა). ივდითიმ ჯერ მოხუც კოლეგას შესჩივლა, მერე გუგულა ბარნაბიშვილს და ბოლოს მეოთხე კოლეგას, რომელიც ამჯერად მესამე იყო:

- რა ექნა, ჩემ კაცს რაცხა დაემართა. მერე ყველა ერთად მიმართა:
- თქვენი ჭირიმე, იქნება ცოტა ხასიათზე მოიყვანოთ, აღარ ვიცი, რა წყალში ჩავვარდე.

- ცრემლი არ დამანახვო, ქალო, - მკაცრი სიყვარულით შეხედა მოხუცმა კოლეგამ, - სატირლად ჯერჯერობით ჩვენს მტერსა აქვს საქმე.

ილიკო გულაღმა იწვა და რაღაცას ელაპარაკებოდა ჭერს. დიახ, მის ამოჩემებულ კოხაში სიხარულ იყო. ილიკო ლაპარაკობდა; ლაპარაკობდა ნელა, დინჯად და დაკვირვებით. რაზე ელაპარაკებოდა იგი თავისი ოთახის სადა ჭერს, არავინ იცის, რადგან კოლეგების შემოსვლისთანავე გაჩუმდა. თუ გამომეტყველების მიხედვით ვიმჯვლებთ, საუბარი ერთობ სერიოზული უნდა ყოფილიყო.

კოლეგები შორიდანვე მიესალმნენ ილიკოს და დასხდნენ.

როდესაც, წესისამებრ, მოიკითხეს ავადმყოფი, კოლეგები გადავიდნენ ზოგად თემებზე. მოხუცმა კოლეგამ, ჩვეულებრივ, მეზობლის ბიჭის ამბავი მოყვა, მაგრამ ეს ნაკლებ მისტიკური ამბავი გამოდგა და მისი ერთადერთი ღირსება იმაში მდგომარეობდა, რომ გუგულა ბარნაბიშვილს გუშინდელი მგზავრობა მოაგონა:

- რა იყო, ქალო, როგორ ვიმგზავრე გუშინ! წარმოგიდგენიათ, ილიკო ბატონო, ტყუილივით ესხა ხალხი ტროლეიბუსს. შიგნით ხომ ნულა იკითხავთ. მთელი გზა საფეხურზე ვიდექი, - კეკლუცი მორცხვობით დაუშინა მან და განაგრძო, - მაინც რა არის, რა დღესაც ფეხბურთია, იმ დღეს ტრანსპორტით მგზავრობა არ შეიძლება. დედა, სტადიონთან რა ამბავი იყო! ჭიანჭველებით ირეოდა ხალხი.

ილიკომ დაღლილი კაცის ღიმილით გაიღიმა და წყნარად თქვა:

- ჭიანჭველები ვართ, აპა რა ვართ?! ჭიანჭველებით არ ვფუსფუსებთ და ჭიანჭველებით არ ვცხოვრობთ? ჭიანჭველასაც მუცლის ამოყორვაზე აქვს დაცვეტილი ყურები და ჩვენც. არც ჭიანჭველებმა იციან რამე და არც ჩვენ. იქნება ჭიანჭველებზე ცოტა მეტი ქე ვიცი, მარა მაგი არაფერს არ ნიშნავს, იმიტომ რომ ჭიანჭველებზე მეტი ვიცი თვარა, საერთოდ, რაც ჩვენ ვიცი, ისე ცოტაა, რომ თავისუფლად შეგვიძლია ვთქვათ, არაფერი არ ვიცი-თქვა; ჭიანჭველამ



რაცხაზე მეტი იცის, ჩვენ ჭიანჭველზე მეტი ვიცით, ჩვენზე მეტი ვინცხამ იცის, იმაზე მეტი კიდო სხვა ვინცხამ და ასე მიდის სულ, არ თავდება. ჭიანჭველა ჩვენდენს ვერასდროს ვერ გაიგებს, ვერც ჩვენ გავიგებთ იმდენს, ჩვენზე უკეთესმა რო იცის. კაცი და მისი ცოდნა კვახს ჰგავს. კაცია თესლი და კვახის გული ის ცოდნაა, რაზედაც კაცს ხელი მიუწვდება. ამას იქით ვერ წავა, რამდენიც არ უნდა იხარჯოს, და ვერასდროს ვერ გაიგებს ხე თუა ქვეყანაზე, ან ნადირი თუა, ან საანგარიშო თუა. ამ კვახს გარეთ რაც ცოდნაა, იგი კაცისთვის მიუწვდომელია. ჭიანჭველებსაც თავისი ცოდნის კვახი აქვთ და იმას ვერ გაცდებიან. რაღა განსხვავებაა, ახლა, კაცსა და ჭიანჭველას შორის? - არაფერი. დიდი ამბავი, ახლა, ჩვენი კვახი თუ ცოტა უფრო დიდია. სხვისი ჩვენსაზე დიდია და ასე. იანგარიშე შენ, ახლა, რამხელა უნდა იყოს ყველაზე დიდი კვახი, (ახლა კვახს ვამბობ, თვარა, მართლა კვახი კი არაა!) არც არსებობს, სწორედ იმიტო, რო ქვეყნიერებას თავი და ბოლო არა აქვს. არის დიდი დიდი, იმაზე დიდი, იგივე იმაზე დიდი და ასე. იძახე, ახლა, შენ ჭიანჭველებს ვგვობავართო. არა, ჩემო ბიძა, ჭიანჭველებიც ჩვენისთანები არიან, როგორც ჩვენ ვმუშაობთ, ისე შობიან იგენიც. გაჩერდებიან, მეიკითხვენ ერთმანეთს, ოჯახს, ცოლ-შვილს, იბუტურებენ ათას სისულელეს, როგორც ჩვენ ვბუტურებთ, და წავლენ. თუ, რაღა პატარა ხანს ხვდებიან ერთმანეთს, თქვენ გგონიათ ამდენს ვერ მოასწრებენ? რა იცით თქვენ პატარა ხანია იგი თუ დიდი ხანია? რა იცით, რას ნიშნავს ხანი? იქნება ჩვენთვის რო პატარა ხანია, იმგენისთვის ძაან დიდი ხანი იყოს? არა არა, არაფრით არა ვართ ჭიანჭველებზე მეტი. როგორც ჩვენ ვადგამთ ფეხს ჭიანჭველას და ვსრისავთ, ასე გვადგამს ჩვენც ბედი ფეხს და გვსრისავს. ბედს ვამბობთ, თვარა, იქნება, ბედი კი არა, რაცხა ჩვენისთანა ხორცმეხსმულია, რა იცი შენ. ჩვენ რო ჭიანჭველას ვსრისავთ, იგი ხო ვერ გვხვდავს და, იქნება, ასე გონია, ბედი მსრისავსო. რა იცი შენ!

- მერე რა მოხდა, ილიკო ბატონო, - მიუგო გუგულა ბარნაბიშვილი, - დავადგათ ჭიანჭველებს ფეხი და გაგვსრისოთ, ჩვენც დავადგავს ფეხი და გაგვსრისოს ბედმა; სანამ გაგვსრისავდეს, მანამ ხომ ვართ ამ ქვეყანაზე. წინასწარ რატომ უნდა მოიკლას თავი კაცმა იმის ფიქრით, რომ დღეს არის და ხვალ აღარ იქნება. არ ჯობია, ვიყოთ და ვისიამოვნოთ, სანამ ვართ?

ეს „ვიყოთ და ვისიამოვნოთ“, ცოტა არ იყოს, გამომწვევად უღერდა, მაგრამ ილიკოს გულს ახლო არ გაკარებია ეს გადაკრული თქმა. იგი იმდენად სერიოზული და დაფიქრებული სახით შეხვდა ახალგაზრდა კოლეგის ნათქვამს, რომ ცოტა უფრო პატივმოყვარე ქალი შეურაცხყოფილად იგრძნობდა თავს.

- რას ეძახი შენ, ბიძა, სიამოვნებას? - დაბალი, მონოტონური ხმით თქვა ილიკომ და ჭერს შეხედა, - რატო გაჩნდი ქვეყანაზე არ იცი და მაგია, ახლა სიამოვნება? კაი, თუ გინდა ამას თავი დაანებე, მაინც სად ხედავ სიამოვნებას? კანონია და შენ გიბორკავს ხელებს, ზნეობაა და შენ გიბორკავს ხელებს, ახლა ზრდილობა, ახლა სინდისი, ახლა ადამიანობა, - ყველაფერი შენ გიბორკავს ხელებს; ყველაფერი კაცს უშლის ხელს და ყველაფერი კაცის მოგონილი ქეა მერე! რატო, რაში დაჭირდა, რის გულობიზა მოიგონა? თვითონ არ იცის. შეიბორკა ხელ-ფეხი თავისი ნებით და რატო შეიბორკა არ იცის. კაი, რატო გაჩნდა არ იცის, ღმერთის საქმეს ვერ მიხვდება, თავისი საქმე მაინც არ უნდა იცოდეს? თვითონ რატო აკეთებს რამეს, იგი მაინც არ უნდა იცოდეს? შენ, ბიძა, ჯერ ახალგაზრდა ხარ და სიამოვნება და ცხოვრება იგი გგონია, ვინცხა რო გეგელაბუცება, მარა მაგი არაა ცხოვრება. შენ რავე იტყვი, ელისაბედ?

- ეჰ, ჩემო ილიკო, - სევდიან და ნეტარებით ამოიხარა ელისაბედმა, - ახალგაზრდა ვიყო და მე ვიცი, რასაც ვიტყვოდი!

- საქმეც მაგაშია, ილიკო ბატონო, - კვლავ შეედავა ილიკოს გუგულა ბარნაბიშვილი, - მე მსიამოვნებს, როცა მელაბუცებიან (თუმცა ილიკოს არც ამ დაუფარავი იერიშისთვის მოუქცევია ყურადღება, მაგრამ მაინც უნდა ვთქვათ, რომ ეს უკვე მეტისმეტი იყო), - ამიტომ ჩემთვის ესაა ცხოვრება. ცხოვრება ისაა, რაც გსიამოვნებს. თუ არაფერი გსიამოვნებს...

- ჭკუა უნდა გქონდეს, ჩემო ბიძა, - თქვა ილიკომ, - ჭკუა უნდა გქონდეს და

ფიქრი უნდა იცოდეს; მაშინ მიხვდები, რო, რაც გსიამოვნებდა, ყველაფერი სისულელეა და ამ ქვეყანაზე არაფერი სსიამოვნო არაა.

- თქვენ არაფერი გსიამოვნებთ, ილიკო ბატონო?

- რო გამაგებინა, რის მაქნისი ვარ ამ ქვეყანაზე, მესიამოვნებოდა. მერე იქნება სხვა რამეც გამოჩნდეს სსიამოვნო.

- მეტი არაფერი?

- არაფერი. მარა ერთი ეს მითხარი, რაც შენ გსიამოვნებს, იმას კი აკეთებ ყოველთვის? ტყუილა არ მითხრა კიო. აგერ, ახლა, ჩემ გოგოს ხო იცნობთ? ქმარი ომში დედელუა. ათასი მთხვევით ჰყავდა, არაა მთლად მახინჯი, - მარა არ გათხოვდა. ჩემი ქმარი გმირულად დედელუა და იმას რავე ვულალატებო. სისულელე არაა, ახლა, ეგი? მერე შეეჩვია, შეეჩვია და ამ ბოლო დროს ქეც ტრაბახობს თავისი სისულელით. გეტყვის ერთი-ორ სიტყვას და მერე დააყოლებს: ოცდაერთი წლის ქალი ვიყავი, ქმარი რო დემელუა, მარა, ხო უყურებთ, ზოგიერთი ტუტუცივით კი არ გამოვიკიდებივარ კაცებს, აბა! რა სატრაბახობა, ახლა, ეგი? ანდა ვინ იტყვის დანამდვილებით რომელი უფრო ტუტუცია, ვინც გამეყიდა კაცებს, თუ ვინც არ



გამოვიკიდებია. ცხოვრებას ვერაფერს ვერ გოუგებ, ჩემო ბიძა.

- ეჰ, რა ხალხი დაიღუპა მაშინ ომში! - ამოიკენესა მოხუცმა კოლეგამ, - ერთი მეზობლის ბიჭი...

აქ მოხუცმა კოლეგამ საბოლოოდ გამოავლინა თავისი დიდი ერთგულება მეზობლის ბიჭის ამბების სფეროში. მაგრამ მის მონაყოლს ჩვენ არ გავიმეორებთ, რადგან მიგვაჩნია, რომ მკითხველის ინტერესებისათვის ასე ჯობია.

- რაც იყო, იყო, დეიდა ელისაბედ, - თქვა გუგულამ, - მეტს მაინც ნუ მოვესწრებით! თუმცა ისეა წამოქორჩილი ცალკე აღმოსავლეთი და ცალკე დასავლეთი, რომ... პირდაპირ ყალყუხე დგანან. თუ არ დაეჯახენ ერთმანეთს, ხომ გადავრჩით და...

- რაია აღმოსავლეთი და დასავლეთი? - გაანწყვეტინა ილიკომ ებში შესულ გუგულას, - ერთი მაგია კიდო იმფერი რამე, კაცმა რო თავისი ხუთი თითივით იცის!

- რაზე ბრძანებთ მაგას, ილიკო ბატონო? - დაინტერესდა გუგულა.

- მითხარი, აბა, შენ, საითაა აღმოსავლეთი და საით დასავლეთი?

- ა, ბატონო, აქეთ აღმოსავლეთია, აქეთ დასავლეთი, აქეთ ჩრდილოეთი და აქეთ სამხრეთი, - გაშალა ხელები გუგულამ და ამ დროს მისი მალალი მკერდი ერთობ მაცთუნებლად ადი-ჩადიოდა.

- მე რო გითხრა ახლა, აღმოსავლეთი აქეთ კი არა აქეთაა-თქვა? - დასავლეთით გაიშვარა ხელი უცნაურმა ავადმყოფმა.

- არ დაგიჯერებთ.

- კაი, ნუ დამიჯერებ შენ. სულ დასავლეთით რო იარო, მიხვალ თუ არა აღმოსავლეთში? ანდა სულ აღმოსავლეთით რო იარო, მიხვალ თუ არა დასავლეთში? მიხვალ ხო? ახლა მე რო გეტყვი ვეროა აღმოსავლეთითაა-თქვა, შენ გგონია ვერ დაგიმტკიცებ? ა, ბატონო, წადი აღმოსავლეთით, გეიარე ციმბირი, იაპონია, ეგი, იგი და მიხვალ ვეროაში. აღმოსავლეთი არაა? საზღვარი მაგას არა აქ და არაფერი. მითხარი, აბა, სად იწყება დასავლეთი და სად თავდება; სად იწყება აღმოსავლეთი და სად თავდება; მითხარი!

ილიკო მოლოდინის თვალთ მიაჩერ-

და გუგულა ბარნაბიშვილს, მაგრამ მის მკერდს კი არ უყურებდა, არამედ სახეს, რომელსაც არავითარი ღირსება არ გააჩნდა მაცდოტუნებლობის თვალსაზრისით.

- სად იწყება და სად თავდება, ილიკო ბატონო? - გუგულა ბარნაბიშვილი ჩიხში იყო მიმწყვდეული.

- არ იცი ხო? აგერ იწყება, ა, ჩემ ფეხებთან. - მეტი თვალსაჩინოებისათვის ილიკომ ტყუპად ასნია ფეხები საბნის ქვეშ და ისევ დაუშვა, - სადაც შენ ხარ, იქ იწყება აღმოსავლეთი და იქვე თავდება. დასავლეთიც იქ იწყება და იქვე თავდება. ახლა, აქედან იცი, რა გამოდის? ის გამოდის, რო დედამინის ყველა წერტილი ერთსა და იმავე დროს აღმოსავლეთიცაა და დასავლეთიც.

- მაშ, სულ ერთი ყოფილა, გინდა აღმოსავლეთ ტრიბუნაზე იჯდე და გინდა დასავლეთ ტრიბუნაზე?! - წამოაყრანტალა უცებ მეოთხე კოლეგამ.

მაგრამ მისი რიტორიკული კითხვა უპასუხოდ დარჩა.

საბრალო ივდითი გულხელდაკრეფილი იჯდა ხოლმე და მდუმარედ ისმენდა ყოველ ასეთ საუბარს. მერე, როდესაც სტუმრებს გააცილებდა, სამზარეულოში

ღრმა რწმენით, ჯობია ტანთ ჩაიცვას და ხვალ დილით სამსახურში წავიდეს. სხვა გამოსავალი არა ჩანს.

ასე თქვა ექიმმა. ხოლო ღვთისგან განწირული ივდითი ნახევრად გრძობადაკარგული მისჩერებოდა მას რალაცნაირი გამომეტყველებით, რომლის აღწერა შეუძლებელია.

მაგრამ ექიმის შემადრწუნებელი სიტყვებიდან ერთი რამე ჭკუაში დაუფდა და იმ დღესვე შეუდგა მის განხორციელებას, ყოველ შემთხვევაში, ნიადგის შემზადებას მაინც: საღამოს მორიდებულად შეაპარა ქმარს, რომ სანოლმა უკვე შეასრულა თავისი მისია.

- ილიკო, ბეჩა, - უთხრა ივდითიმ, - სიცხე აღარ გაქვს და იქნება ამდგარიყავი, თბილად ჩაგეცვა და პატარა გაგეგლო ოთახში, მუხლები გაგემართა. შენ ახლა დასუსტებული იქნები ამდენი წოლით და მოგიხდება გავარჯიშება.

- გავარჯიშება ფეხებს კი არ უნდა, შექალო, ჭკუას უნდა. არა, არა, ჭკუას კი არა იმას... რაცხას უნდა, ივდითი, გავარჯიშება. ფეხების და ჭკუის გარდა ხო აქვს კიდო კაცს რაცხა, სხვა რაცხა, - საილუსტრაციოდ ილიკომ მარჯვენა ხელი დაახლოებით გულთან მიიტანა და ჩარხივით დაატრიალა, - ჰოდა, იმას უნდა გავარჯიშება. შენ რავე გგონია, ვენერაზე იქნება სიცოცხლე?

- რავე ვენერაზე, ილიკო? - მთვარეზე? - რას ბუტურობ, ბეჩა, თუ იცი! - ვეღარ მოითმინა ივდითიმ.

- ივდითი, ქვეყნიერება რამხელა იცი? - შენ რომ არასდროს არ მოკვდე და სულ იარო, გინდა თვითმფრინავით იარო, სულ, სულ, არასდროს არ გაჩერდე და არასდროს არ მოკვდე, შენ გგონია მიხვალ ბოლოში? - ილიკო ჭერს მიშტერებოდა და დინჯად, აუჩქარებლად ლაპარაკობდა, - რამდენიც არ უნდა იარო, მიღიარდჯერ და კიდო მეტჯერ დიდი გზა დაგრჩება გასავლელი. ნახვალ, ივლი, ივლი, ამას გეივლი, იმას გეივლი, მარა ბოლოში მაინც ვერ მიხვალ. იმიტო, რო ბოლო არა აქვს ქვეყნიერებას. ახლა მე შენ გეკითხები: რატო არა აქვს ბოლო ქვეყნიერებას?

ივდითის, რასაკვირველია, ხმა არ ამოუღია.

- არ იცი ხო? არც მე ვიცი. კაციშვილმა არ იცის. იცი, რა ჰქვია მავას? - უსასრულობა. მარა მე, ახლა, რას ვამბობ: კაცს მაინც შეუძლია მიხვდეს რატოა ქვეყნიერება უსასრულო, მარტო მავას კი არა, ყველაფერს მიხვდება. რაცხა აქვს კაცს, მარა იმ რაცხას ბოთლივითა აქვს თავი დაცობილი. ახლა, რო მიხვდეთ ჩვენ, სადაა ეს ბოთლი, ავხდითი თავს და ყველაფერს გვეიგებდით. მარა არავინ არ იცის, რო რაცხა ბოთლი აქვს. ამიტომ მეიგონეს ეს სახლები და მანქანები და თოფები და ხიდები და რა ვიცი. კაცი რო მოძებნის იმ ბოთლს და ახდის თავს, უცხად დეინახავს, რო ყველაფერი სისულელე იყო, რაც იმან შეიგონა. თურმე არაფერი არ ჭირდობდა.

ერთ დღეს ორი ასეთი ლექციის მოსმენა დიასახლისისათვის მეტისმეტია. მაგრამ, ივდითი, ღვთის მადლით, ჯანსაღი და მაგარი ქალი იყო, ათასი ჭირისა და ლხინის მნახველი, ცხოვრების მიერ გამოწვრთნილი და გამობრძმედილი; ამიტომ მისმა ორგანიზმმა ამ დატვირთვასაც გაუძლო.

დრო მიდიოდა. კოლეგები ჟამიდან ჟამზე მწყობრად ემეოლაგდებოდნენ ხოლმე, შეჭამდნენ ივდითის ოქრო ხელის მიერ დამცხვარ ხაჭაპურებს და მწყობრადვე გაბრუნდებოდნენ უკან. ბოლო ხანებში კოლეტივს დაუბრუნდა გატყვიურებული ვარლამა გიორგობიანიც, რომლის სულმა ერთ დროს უსიამოვნო მეტამორფოზა განიცადა. ახლა იგი თამამად მიაბიჯებდა გუგულა ბარნაბიშვილის უკან და აღარ ეშინოდა, რომ გასვლის დროს ისეთ რამეს წამოაყრანტალედა, რაც ადგილზე გააშუქებდა საბრალო დიასახლისს; თუმცა იმ უცნაური შემთხვევის შემდეგ მარტო მოსვლას მაინც ერიდებოდა.

ისე კი, თუნდაც მარტო მისულიყო, მის მერყევ სულს უკვე აღარავითარი ხიფათი აღარ ემუქრებოდა.

რატომ? იქნებ ილიკო საბოლოოდ გამოკეთდა, იქნებ ძველებურ, გულკეთილ, ცოტა მორცხე ილიკოდ იქცა, რომელსაც იმ წარსულ, ბედნიერ ჟამს ჩუმრუხად თვალის გაპარება უყვარდა ხოლმე გუგულა ბარნაბიშვილის მაგიდისაკენ? არა, ასეთი კეთილი ბოლო, სამწუხაროდ, არა ჰქონია ილიკოს ავადმყოფობას. მაშ, რა მოხდა? ბევრი არაფერი, ეს იყო მხოლოდ, რომ

ილიკო თავის ორიგინალურ მოსაზრებებს ხმამაღლა აღარ გამოთქვამდა, აღარავის უზიარებდა, აღარც კოლეგებს, აღარც ცოლს, სრულიად არავის. მისი ერთადერთი მსმენელი თეთრად შეღებილი ჭერი იყო. იგი დუმდა კოლეგებთან, დუმდა ცოლთან, დუმდა ყველასთან და მხოლოდ ჭერის თანდასწრებით ლაპარაკობდა. ინვა ხოლმე გულაღმა, ხელებს თავქვევ ამოიღებდა და ქადაგებდა:

– ჰმ, ორმოცდაცხრამეტი წელი და რვა თვე ისე გავატარე, ერთი დღე არ მიცხოვრია. კაცმა რო თქვას, რაფერ მეცხოვრა, – არ ვიცოდი, რა იყო ცხოვრება. არც ახლა ვიცი, მარა ახლა იგი მაინც ვიცი, რო არ ვიცი, და ვფიქრობ, – იქნება გევიგო. სასწაული იგია, სხვები რო ვერ ხვდებიან ამას და პირდაფრენილი მიყურებენ. აგერ, ახლა, ჩემი ივდითი ევილოთ, თუ გინდა: ორმოცდათხუთმეტი წლის მაგიც ქეა. ზის ამ ორმოცდათხუთმეტი წლის განმავლობაში თავის სამზარეულოში, აცხობს ხაჭაპურებს, პუტავს საწყალ ქათმებს და ასე გონია, თუ ვინმე ცხოვრობს ამ ქვეყანაზე, მეც ვცხოვრობო. თუ ყოველი კაცი მიხვდება, რო არ იცის, რაია ცხოვრება და დეინებს ფიქრს, იქნება მართლა გამევიდეს რამე. ისე, როგორც მე ვფიქრობ, ცხოვრება უნდა იყოს სიმრგვალი. რაფერი სიმრგვალე ახლა? ბურთივით სიმრგვალე. ბურთივით სიმრგვალეს უნდა დააკვირდე კაცი, კარგად უნდა დააკვირდე, გულდასმით, და იქნებ მიხვდე, რატოა, ახლა სიმრგვალეში საქმე? იმიტო, რო სიმრგვალე ჰგავს უსასრულობას. მიდიხარ, მიდიხარ და არ თავდება. ასეა ქვეყნიერებაც. ამიტო...

ასე გაატარა თვენახევარი ილიკომ. თვენახევარი მას შემდეგ, რაც თერმომეტრის სინდიეი მტკიცედ დამკვიდრდა იმ გრაფასთან, რომელსაც 36,5 აწერია. ამ თვენახევრის განმავლობაში ერთგულმა ივდითიმ ათასგვარი გზა მოსინჯა, ათასი ხერხი იხმარა, რომ ილიკო აეყენებია და სამსახურში გაეტანებინა. ოთხი კოლეგაც თავდადებით ემსახურებოდა ამ კეთილშობილურ საქმეს. მაგრამ გავიდა თვენახევარი, ივდითისა და კოლეგების ურიცხვ ცდას კი წარმატება არ მოჰყოლია.

ბოლოს გუგულა ბარნაბიშვილმა, რომელსაც მალალი მკერდის გარდა მახვილი ჭკუაც აღმოაჩნდა, ასეთი რჩევა მისცა ივდითის:

– დეიდა ივდითი, ერთი აზრი მომივიდა. თუ დაკვირვებხარ, რა გატაცებითა და სიამოვნებით ლაპარაკობს თავის თავთან და როგორ წყინს, ვინმე რომ შევა და ხელს შეუშლის. თქვენც დაუჯექით ოთახში და არ გამოხვიდეთ. თუ რამე გითხრათ, მაგრამ დაუსვდით. იქნებ ამან გაჭრას.

და ამან გაჭრა. ილიკომ ითმინა, ითმინა და ველარ მოითმინა.

და აი, ზაფხულის ერთ მშვენიერ დილას უფერული კანტორის ფართო, უსინათლო ოთახში გამოჩნდა მალალ-მალალი, გამხდარი, ჭალარაშერეული კაცი, რომელსაც თეთრი ხალათი, თეთრი შარვალი და თეთრი ფეხსაცმელი ეცვა.

კოლეგები აღფრთოვანებული ყიყინით შეხვდნენ ნაავადმყოფარი ამხანაგის გამოჩენას და სათითაოდ ჩამოართვეს ხელი. როდესაც გუგულა ბარნაბიშვილმაც შეასრულა ეს ცერემონიალი, მისი მკერდი უსასრულოდ ახლოს იყო დაბრუნებული კოლეგის ჩავარდნილ მკერდთან, მაგრამ, როგორც ვიცით, ამ ამბავს ილიკოსათვის აღარავითარი მნიშვნელობა არა ჰქონდა.

ისევე აჩხაკუნდა მოწყენილი საანგარიშო, აქამდე რომ უქმად იყო და შურის თვალთ შეწყურებდა თავისი კოლეგების გაცხარებულ კაკანს... თუმცა, სამწუხაროდ, აქ პატარა კორექტივის შეტანა დაგვჭირდება:

გარეგნულად ძნელი შესამჩნევი იყო რაიმე განსხვავება, – საანგარიშო ჩხაკუნობდა, ისე როგორც ორთვენახევრის წინ. მაგრამ თუ საკანცელარიო რვეულსაც გადაფურცლავდით, რომელშიაც ამ ჩხაკუნის შედეგები იწერებოდა, აშკარად შეამჩნევდით მელოდის სიყალბეს. ვარლამა გიორგობიანმა, რომელსაც უსასრულოდ დიდი ცხვირი ჰქონდა, გადაშალა რვეული და შეამჩნია მელოდის სიყალბე. და თუ აქამდე მელ გაქცევაზე ეჭირა თვალი, ახლა, ყველასათვის მოულოდნელად, სამუშაოს შემდეგაც კი კანტორაში რჩებოდა. გუგულა ბარნაბიშვილს, რომელსაც ურყევად სწამდა, რომ ასეთი იდუმალი ქცევა დაუყოვნებლივ

განმარტებას საჭიროებდა, მან აუხსნა თავისი უეცარი გაბეჯითების მიზეზი და დაუმატა:

– რაღაცა ორი თვე დარჩა პენსიამდე და ხომ იცი...

მეორე დღეს ძალიან მახვილ ყურს შეედლო გაეგონა:

– მალე მაინც პენსიაში უნდა გავიდეს და...

როდესაც ძალიან მახვილი ყური ამას ისმენდა, მკერდმალალი კოლეგისა და მოხუცი კოლეგის თავები უსასრულოდ ახლო იმყოფებოდნენ ერთმანეთთან.

შესამდე დღეს, როდესაც მოხუცი კოლეგა მეოთხე კოლეგისაკენ გადაიხარა, ამ უკანასკნელმა ისეთი სახე მიიღო, ყიყიერი რომ, ბოლოსდაბოლოს, რაღაცას მიხვდება და იტყვის: „ააა!“

ილიკო კი დინჯი, აუჩქარებელი ნაბიჯით დადიოდა სახლიდან სამსახურამდე და სამსახურიდან სახლამდე და თავისთვის ბუტბუტებდა რაღაცას. სხვებთან თითქმის დამუნჯდა: თავის ორიგინალურ მოსაზრებებს ხომ არ უზიარებდა ვინმეს და არა, მაგრამ ბოლო ხანებში აღარც ყოველდღიურ ამბებზე საუბრობდა. მხოლოდ ერთხელ, როდესაც ქუჩის კუთხეში თავის ყოფილ ექიმს გადაეყარა, ცოტა გაივარჯიშა ხმამაღალ ლაპარაკში:

– როგორც ვატყობ, საცხა გეჩქარებათ, ექიმო. მაგრამ თქვენ ნასწავლი კაცი ბრძანდებით და, მე მგონია, იცით, რომ არ იცით, სად გეჩქარებთ და რატო გეჩქარებთ. რაფა ფიქრობთ, ექიმო, რას დაეფუსფუსებთ, რას ვფაფხურობთ, რა გვინდა. ნავალ ახლა, დაჯიფრინდები ჩემ საანგარიშოს, ვიანგარიშებ რაცხას, მერე ამ ნაანგარიშებს ვინცხა დეითვლის და ფულს გამოწერს, ამ გამოწერილს კიდო ვინცხას მიუტანენ, იგი, ახლა, რაცხას ააშენებს, თვითონ არ იცის რატო. ფული თუ არ მიუტანეს ვერ ააშენებს და აწრიადდება, დეინებს ყვირილს, იჩივლებს. რაია, ახლა, ეს ფული ექიმო, ა? ამ ქალაქისთვის კაცმა არავა უნდა იჩივლოს! – აქ ილიკომ ჯიბიდან ამოიღო ერთი ასეთი ქალაქდამაგანი, რომელიც ძალიან ძნელი საშოვარია, ჯვარედინად გადაფხრინა და ნაგვის ყუთში ჩააგდო. – იცით, ექიმო, რა ვართ ჩვენ? – მატლები ვართ. ვზივართ თხილის გულში და არ გვგონია თუ ამ თხილის გულს იქით კიდოა რამე. მარა, სინამდვილეში არის რაცხა ამ თხილის გულს იქით. წუხელ სიზმარში უსასრულოა ვნახე!

ექიმმა თავის გულში აღნიშნა, ყოფილი პაციენტი ერთდღიის უქონლობის გამო საინტერესო აზრებს ერთობ პრიმიტიულ ფორმაში აქცევს, და თავისი გზით წავიდა.

ასე იყო ილიკოს საქმე. დადიოდა ქუჩა-ქუჩა ღრმად დაფიქრებული, ებასებოდა საკუთარ თავს და ირგვლივ ვერაფერს ამჩნევდა. არაერთხელ გასცდენია ლაპარაკში გართული თავის სახლს, არაერთხელ გაშეშებია ჰაერში პირისაკენ ნაღებული ლუკმა, არაერთხელ შეუნყვეტია უეცრად საანგარიშოს ჩხაკუნი, რათა უტყვი და უძრავი სახით მიმტერებოდა მოპირდაპირე კედელს, სადაც ღირსშესანიშნავი არაფერი იყო.

სამჯერ ძლივს გადაურჩა მანქანას. მეოთხედ კი...

მეოთხედ მანქანა საშინელი სისწრაფით მოქროდა, ხოლო ილიკო, როგორც ყოველთვის, დინჯი, აუჩქარებელი ნაბიჯით კვეთდა ქუჩას და ფიქრობდა უსასრულობაზე, რომელიც შეუცნობელი იყო.



რეზო ბაბრიაძის ქუთაისი ფანტას-მაგორიული ქალაქია, მარც შაგალის ვიტებსკის მსგავსად. თუმცა, აქ ადამიანები არ დაფრინავენ თუნუქით გადახურული ქალაქის თავზე. მათი ყოფა უფრო არსებობაა, ვიდრე სრულყოფილი ცხოვრება. გაბრიაძის ზოგიერთ გმირს თითქოს სხეულიც კი არ აქვს. ამ ადამიანებს არც მიზანი აქვთ, თავის გატანის გარდა. ყოველდღიური მოთხოვნილებების მიღმა ისინი პრაქტიკულად არ იხედებიან, არც კი ცდილობენ, გაიზარონ სამყარო, სადაც მოხვდნენ. ყველაფერი მათ გარშემო უკვე მოცემულია, დიდი ხნით ადრე დადგენილი, გადწყვეტილი და ჩამოყალიბებული. ეს არცაა გასაკვირი – ეს ქალაქი ხომ სტალინისდროინდელი საბჭოთა კავშირის ნაწილია, უფრო სწორად, მისი მიყრდენი პროვინციაა. გმირები ნოდარ დუმბაძის ან ფოლკენგის ნიგეზივით ერთი ნაწარმოებიდან მეორეში გადადიან, ზოგჯერ სახელებსაც იცვლიან, მაგრამ შინაგანად მაინც უცვლელნი რჩებიან. ექიმო „ექიმო და პაციენტიდან“ ზუსტად ისაა, ვინც „ჩემს პატარა ქალაქშია“, ხოლო პატარა ბიჭი „თეთრი ხიდიდან“ იგივე ვარლამია „ქუთაისი ქალაქიდან“. ამ ქალაქში გასართობი მართლაც ცოტაა, პარკებიც კი ხეებია გაჩეხილი. ხალხი თითქოს კი არ ცხოვრობს, არამედ მოძრაობს რაღაც ბურთისა სივრცეში. ისინი ხშირად ცოცხალ არსებებს კი არა, მარიონეტებს ჰგვანან. ყოფის სრული უპერსპექტივობა – აი, რა გამოარჩევს გაბრიაძის გმირებს. პატარა პრობლემები, მცირე


ირაკლი ქასრაშვილი

როგორი ქალაქია ქუთაისი...

აზრები, გაურკვეველი მოქმედებები, ვინრო თვალსაწიერი, განვითარების არანაირი სურვილი – აი, მათი ხედვრი. ერთადერთი პროგრესული ადამიანი გასაცოდავებული გერმანელი ტყვეა, კაცი, რომელიც იძულებითაა მოხვედრილი ამ ქვეყანაში, მაგრამ მაინც ცდილობს, რაღაც გააუმჯობესოს, ვიღაცას დაეხმაროს. ის რგავს ყვავილებს, ამუშავებს მინას, შეაკეთებს საპირფარეოს, მიცვალებულისთვის კუბოც კი მისი შექმნილია. ვარლამის ბაბუის თავგადადებული სწრაფვა კეთილშობილი ტულაეტიდან ქარსა და წვიმამი უკან, მამა-პაპური ჩეჩნისაკენ სწორედ იმ სიბნელესა და უმეცრებაში დარჩენის სიმბოლოა, საიდანაც, ნითელარმიელის სიტყვებით, ამხანაგ სტალინს უნდა ქვეშევრდომთა გამოყვანა და ამიტომაც არ ხოცავს ტყვეებს: „იქნებ რამე ასწავლოს ამ ჩვენს ბნელ ხალხს“.

ეპოქა, რომელიც რეზო გაბრიაძის ნიგნია აღწერილი, სწორედ კლასიკური სტალინიზმის აყვავების ხანაა, დრო, რომელიც დღესაც ნოსტალგიას იწვევს რუს იმპერიალისტებსა და ქართველ კომუნისტებსში. ამ დროს ლამის ნახევარი მსოფლიო გაანითლა საბჭოთა ჯარმა, ბელგრადიდან ფზენიანამდე აფრიადი ნითელი დროში. არადა, ავტორი დაუფლობელი სიმართლით გვიჩვენებს, რა უზადრუკად ცხოვრობდა ამ მსოფლიოს დამპყრობელ ქვეყანაში ჩვეულებრივი ხალხი, როგორ იდგნენ ჰურის რიგებში, რა ფილმებს უყურებდნენ და რას უწოდებდნენ თეატრს. ის ყოველნაშვილი წნეხი, რომელსაც პროვინციული საბჭოთა ქალაქის შვილები, დიდები თუ პატარები, ქალები თუ კაცები, მასწავლებლები თუ ექიმები განიცდიან, სრულიად აუტანელი იქნებოდა, რომ არა ქუთაისის ანგელოზი, არსება თუ კაცი, რომელსაც დროდადრო ხალხის და თავისუფლება შემოაქვს ამ ადამიანების ცხოვრებაში. იგი ერთადერთი ცოცხალი, ნათელი არსებაა მარიონეტებით დასახლებულ ჩამქრალ ქალაქში, რომლის მცხოვრებთ სხვაგვარი ყოფა ვერც წარმოუდგენიათ, სადაც კაცი-ავტომობილი ჩიტო იძულებულია ცოლ-შვილი გადაშალოს და მანამდე ბედნიერი, სანამ ფანტაზიებში დაქრის, ხოლო რეალობაში დაბრუნებისთანავე ერთადერთ გამოსავლად თვითმკვლელობა ესახება. ანგელოზი ერთმონია თვით შეჯავშნულ მანქანაში გამოქმნილ დიდ სტალინს და მის დამქაშებსაც არ ეშუება, კომიკურ პერსონაჟებად აქცევს ხელის ერთი მოსმით. ის თითქოს იმ ძველი, სამუდამოდ გარდასული სამყაროს გადმონაშთია, რომლის ნარჩენები აქა-იქ თუ გაივლებს წიგნში. და მაშინ გვახსენდება, რომ ქუთაისი შესაძლოა უფრო მეტხანს იყო ერთიანი საქართველოს დედაქალაქი, ვიდრე თბილისი, რომ აქაური კულტურული ცხოვრება მეცხრამეტე საუკუნის მეორე ნახევარსა და მეოცის დასაწყისში

თბილისისას არ ჩამოუვარდებოდა, რომ თეატრალური დასი ამ ორ ქალაქში ერთდროულად დაფუძნდა, აქ დაიწყო ცისფერყანწელების მოძრაობა, სხვადასხვა დროს აქ ცხოვრობდნენ აკაკი და გალაკტიონი, რომ ამ ქვეყანაში ოდესღაც ორი თანატოლი კულტურული ცენტრი იყო – აღმოსავლეთის და დასავლეთის. ეს ყველაფერი უკვე გამქრალია, მომსპარია კომუნისტური გათანაბრების ცეცხლითა და მახვილით. ჩვენ შედეგებს ვხედავთ – უდაბნოს, სადაც ყმანვილები ბიბლიოთეკაში მალულად დადიან და მონაფეები სიმღერებს მხოლოდ დიდ ბელადზე მღერიან. ეს არის დრო, როდესაც კულტურული რევოლუცია უკვე დასრულდა და ახალ, კრინალურ რევოლუციას ეყრება საფუძველი. ფეხუიები და სლიპუიები, ადამიანები, რომელთაც სახელიც კი არ დაიშახურეს და მეტსახელზე გაიყინნენ, მხოლოდ „სამაკატკის“ მისაკუთრებაზე არი შეჩერდებიან. მათ უკვე მიაგნეს კარგი ცხოვრების



იოლ ხერხს – არ შექმნა არაფერი, სამაგიეროდ წაგლიჯე სხვას და ამაში დღეს პიონერხელმძღვანელი იქნება შენს მხარეზე, ხვალ – სახელმწიფო, ზეგ კი მთელი ქვეყანა და ასეთი საქციელი აღარავისთვის იქნება დასაძრახი, შემდეგ საამაყოც გახდება და საზოგადოებში მალალ სტატუსს მოგანიჭებს. იქ, უაზრო და საშინელ ორმოციან წლებში, ჰურის რიგებისა და ინვალიდებით გაჭედილ ბაზარში დაიწყო ქუთაისის კრიმინალურ დედაქალაქად გადაქცევა, რამაც მთელი მისი ჯანსაღი სასიცოცხლო ძალები გააქვავა, დროთა განმავლობაში საბოლოოდ დაამრიცხა და იქამდე მიიყვანა, რომ რიონის პირას ნორმალური ცხოვრება თავიდან გახდა ასალორძინებული. საერთოდ, მეტ-ნაკლებად კოსმოპოლიტური თბილისისგან განსხვავებით, ქუთაისი ყოველთვის წმინდა ქართული ქალაქი იყო და ძველი საქართველოს განადგურების სამოცდაათწლიანი კომუნისტური ისტორია ალბათ ყველაზე კარგად მისი ტრანსფორმაციის თუ თანდათანობითი დაღმასვლის ამბავში აისახება.

ყველაზე საოცარი და ადამიანური ამ ნაწარმოებებს შორის მაინც „ჩვენი პატარა ქალაქია“. მისი პირველწყარო, ტორნტონ უაილდერის პიესის ნაკითხვის შემდეგ ხვდებით, რა აზრი დევს გამოთქმაში: „უკიდურესობები ერთმანეთს ემთხვევა“. ალბათ, ძნელია წარმოადგინო ორი ისეთი განსხვავებული ქვეყანა, როგორც მეოცე საუკუნის დასაწყისის ამერიკა და ორმოციანი წლების საბჭოთა კავშირი. ერთგან – ინდივიდუალიზმის ზეობაა, მეორეგან კი – კოლექტივიზმის ჭაობი. არადა, მათი გმირების ცხოვრება თითქმის იმეორებს ერთმანეთს, მათ მსგავსი განცდები, იგივე დამოკიდებულება ყოფიერებისადმი, ერთნაირი ბედისწერა აქვთ. ისინი ყველანი ადამიანები არიან, საზოგადოებრივი ცხოვრება, როგორც არისტოტელე უწოდებდა, მოკვდავი არსებები, როგორც სამყაროს დასაბამიდანაა ცნობილი. მათი მისამართია: სამყარო, მზის სისტემა, პლანეტა დედამიწა. და ეს ყველა განსხვავებაზე მეტად აერთიანებთ. გარდა იმისა, რომ ამ ორ მხარეში – ახალ ინგლისსა და საქართველოში – ბუნება ძალიან ჰგავს ერთმანეთს, მშობიარეებს ნიუ ჰემპშირშიც და იმერეთშიც ერთნაირად სჭირდებათ ექიმები, ხოლო ახალგაზრდებს, ვიდრე ადამიანი ადამიანად რჩება, მარად შეუყვარდებათ ერთმანეთი და მაინც დაქორწინდებიან, როგორც არ უნდა უფრთხოდნენ ოჯახურ ცხოვრებას. ტორნტონ უაილდერი და მისი კვალად რეზო გაბრიაძე თითქოს ბანალურ პროვინციულ ამბავს ჰყვებიან, არადა, მის მიღმა ადამიანის ყოველდღიური ცხოვრების დიდი ფილოსოფიაა, ყოფიერების არსის ძიება, ანუ ის, რაც თითოეულ ჩვენგანს შეეხება.

ტრიტონი

ზედაპირი მიწის ნიშნავს, რომ სიცოცხლის ნება არი იქ, კოსმოსში, ანუ ზემოთ, რამდენადაც ძალგვიძს ცისქვეშ ვიდგეთ, ვიჯდეთ, ვაქროთ კვარი, თვალს ვანახოთ სარკმლის გემო.

სხვა პლანეტა, ყველა, რვავე თვლის, რომ ესე ჩემი დასკვნა არის სწორედ არასწორი... და ჩვენგან თუ ვინმეს კლავენ, მათი „შესდექ!“ ისმის მკაცრად, თუმც არიან ძალზე შორი.

მაინც (თუმცა ვნვალაობ ამდენს) ვარსებობ და ვიტყვი წრფელად: ამ ყოფნაზე უფრო, ჩემთვის, ფასობს ზღვა და ზღვა ვერ დავთმე, ზღვასვე ვანაცვალე ყველა, ანუ – რაც კი მხიბლავს დღემდის.

კი, ვაკეებს არ ვმტრობ, მაგრამ ვექმე მყინვარების მიტრებს... უდაბნოსაც, მთებსაც ველტვი, აპენინზე ჭკუას ვკარგავ და ესენი, როგორც მითხრეს, კოსმოსშია ბევრად მეტი.

ციურ სხეულების სტატუსს რელიეფის ხარჯზე ვიძენთ, მაგრამ ველარ ვხედავთ მჟონავ მათ რელიეფს, მაინც რატომ? თუმცა მზერით საზღვრის სიგრძე განვლეთ, როგორც საფრთხო ზონა...

სიცოცხლე კი ლანდშაფტს შვენის ყოველგვარი, და თუ ფუშავს მას რამე, ან ხდება ხისტი, განა ძალუძს იქცეს, ჩვენი გულ-გონისთვის, მას ნიმუშად, მით უმეტეს, აორტისთვის?!

და როდესაც სირიუსზე ხართ და ირგვლივ უჩანს მურა ფანტაზია ქვათა მაღლობი – ეს ფეხსაცემელს ძირს და ქუსლებს უფუჭებს და ძველებურად აღარ ბრწყინავს ახლომახლო.

სხეულებს და მათ ცებს, ვერც ერთს, სხვა გარემო, სივრცე, ჯერაც, ველარ უპოვინათ შორად... „უსიყვარულოდ კი შესწევთ ყოფნა, მაგრამ უწყლოდ – ვერა!“ – ეს კი უთქვამს პოეტს სწორად...

აქედან ვარ ჭმუნვით მე. და თითს კამერის სასხლეტს, მძაბავს, ტურისტტი რომ აჭერს ეშხით, როს ლანდშაფტი ატალღდება – ეს მოლუსკი მასზე სწრაფად ლაპარაკობს ახლა ჩემში...

და აყოლებს მას ხმას გუნდი ქორდული და მას კვერს ვუკრავ ხუთი ლიტრი არაცისფერ



იოსიფ ბროდსკი

სისხლით: ყველა ფორა, კუნთი მიწის, მიბრუნებენ უკან ზღვას, მიქცეულს მარადისკენ.

და ზღვის პირას, უხმოდ მდგარი, შუბლის ჭმუხვით, თანაც ლაღად გაგხედავ რა მღელვარ ზვირთებს, ვფიქრობ, რომ ეს არსად არი, – მთელს კოსმოსში ვერსად ვნახავ, რასაც კი აქ ვხედავ, ვისმენ.

ზღვის შემდგენელ, ეგ ზომ საოც საგანთ გვარი ბლომად არი, მრავლობითი რიცხვით ბრწყინავს, გადაყრილი სანანაოდ... და ხელობა ყოველგვარი მათზე დამყნობილა წინათ...

არსებობდა, წყალი ჯამი არის თავის ნაწილების და ცვლის იმ ჯამს, ყოველ წუთას, მათი ართურმა და ამით გამონაშუქს დაწვრილებით ცნობის ბოღვა მძაფრს ხდის მუდამ.

ძევს სიტყვაში „ღელვა“, დასტურ, განსაზღვრება ყველა ტალღის, ღირებული ეგ ზომ დიდად, რაც არ მონებს მზერას მაცდურს, რომლითაც ის, როგორც დალით, აღბეჭდილა გარე მხრიდან.

გარეგნობით სადარს B-სი გასტროლოები აქვსო რვიანს – უსაზღვრობის ასულს ცხადად, შესაფერისს, ჩვეულ წესით, დაჟვარდის და ეგ ზომ დიად მელნის შუშისა და სხვათა.

სამკუთხედშიც, რომბიც, რუმბიც, კუბიც – ტალღას უცხოდ უჩანს, ერთსაც არ აქვს მისთვის აზრი (ამაშია ზღვის სიტურფე), ზღვაში მსგავსი არის ტურნათა ქაფის, ლავინისა გასწვრივ...

მისწრაფებით აზრს რომ იგდებს, რომლის სიღრმე გვიჩანს ლანდად, შორი სივრცე ლურჯი ზღვისა მეტყველებას ჰგავს და კიდევ ნაწერების ნახევს, ანდა რომელიღაც სჯულის ფიცარს...

და სწორედაც მასში რათა თავიანთი ჰპოვეს სტილი – მომღერლები მღერენ სხვაფერ, იმდიდრებენ ნაყმებს ხმათა და გუგებზე, ზოგი, ტკბილი ხმების ქუთუთოებს აფენს...

რომ იდგამდეს ენას ზვირთი, გადმოღვრიდა სიტყვებს მარდად, გადარევიდა თავის მსმენელს, თუ ეტყოდა: „ბოდიშს გიხდით,

ამქვეყნისა არა ვარ და აქ ვერაფრით დავისვენებ“.

მას ხელიდან აღარ ვუშვებთ, რადგან ვფიქრობთ, იყო მართლა და, თითქოსდა, ჰქონდეს ეზო, სადაც ვნახავთ მოყვასს „გუმინ“, კოლიზეუმს, რაზეც წარვთქვამთ, „რა ჯანდაბად მიწადა ესო!“

სხვაფერ ზვირთთან (რომლის ზათქიც „ვაშას“ მოჰგავს) ამ ზათქს, რამაც შესძლო „ხვალე“, „ახლა“, „გუმინ“ ჩაეგია თავის თავში, ვერ შეიტან ამ ზათქს, ამას, ვერც დავთარში, ვერც რვეულში.

იქ, სადაცა ნამყო-მყოფადს, ჩხირკედელაობით, გზაზე ანმყოს შექმნა ექცათ წესად, გემოვნება მოცულობას იქ კარნახობს სწორედ – მასებს და აქედან, ალბათ, ზღვებსაც.

და სიჩქარე თეთრი გნომის – კვარის, რასაც „შუქი“ „ჰქვია“, მოგვავაგონებს ლოსს და ფეთხუმს: ბაზარია – ჭუჭყის ომი... მეტერია – ესთეგია და ღმერთს: „ზღვას ნუ გამყრიო!“ – შესთხოვს.

ნებისმიერ მათგანს ჩათვლი დროის ტვიფრად, ვიდრე წარვეს უბედურ და მწარე დღეთა, ნესტოს მლხენთა, ამბრის მაღლით, გვირგვინთ ლხინთა, რომლის გარეთ შენიაწაც ბლომად ხედავ.

პლანეტის ორ მესამედის – ფსკერად მქცევი არი რახან, ზღვა არ ფლიდობს, ძმაა ცხადის: საგნით, თავში ასო B-თი, ამბობს: ეს ადგილი აღარ არის ადამიანთათვის.

მით უმეტეს სამიცი თუა მეოთხედი. ხმელეთს ტალღა ეპიზოდად თვლის და უკვირს, რომ შიგ კედელივით ყრუა ზღვა თევზთათვის, ყრუა მართლაც ის ჰაერი, გაზი, შუქი...

გაშიფრვისას წყალი აზრებს გაიშიშვლებს არა ტყუილა, – უსასრულობისა ლამაზ პროფილს, ანდა ანფასს გვაძლევს და რომ ჩვენთვის არ შექმნილა ეს სამყარო – ამბობს ამას.

ანდა, იქნებ, სევდა არის მარადისის ნატვრა მარად, ნატვრით, ციერ, ფრთოსან სულს, ინერცია ჯოგის, ფარის, მშობელ გარემოში ქარაფს ხშირად როა მიყუჟული.

ჭურჭელია მიწა, იქნებ, ფიალისა დარი მხოლოდ, რომელზედაც ჩვენ ვართ მჩენი: ველებს ვხნავთ და ხელებს ვიქნევთ, ანუ ფოქსტროტს ვცეკვავთ, ხოლო არშიები ჰქრიან ჩვენი.

ვარსკვლავებმაც, თქვენა ხართო ყოფნის ბორდიურიც, ქობაც, რომელთ რიცხვი თვალთა შეშლილ მზერას ქუხილმდულარ ფართობს, ანუ სივრცეს, გრგვინვის მშობადს, არ აშორებს თავის დღეში.

ვარსკვლავთ ძალუძთ ცქერა ამოდ და ხედავენ უფრო მეტად, კოსმოსშია მათი ელვის ახსნა, უსარკობის გამო... ჯობს გაუგო კოსმოსს ნეტარს, ვიდრე შეურიგდე ლელვით.

მაგრამ ზღვები ჩვენკენ სულაც არა დგანან პირით, მგონი, – ცანი უმშვიდებენ ნერვებს. აფასებენ მათ და სრულად ჰგვანან ბრმისგან გამოგონილ ანაბანის ფოიერვერს.



ხაფანგში რომ აღმოვჩნდებით, არ ვჭირდებით როცა ცისქვეშ არვის, ვისაც ვუძმეთ – მათაც, გვესიზმრება მაშინ ზღვები – სიზმრად უფრო დიდ ვალს ვიღებთ, ვიდრე ვალი გვმართებს ცხადად.

იერში კი დიდძალ წყალის, ჩვენკენ ჭავლის ყრით რომ რბიან და იქ ყალყზე მდგარი ჩანან, ჰგონიათ, რომ ხედავს თვალს თავისუფლების კარს ღიას – ყველასგან და ბედისგანაც.

ან საერთოდ თუა ბედი, რაც ყრუ ალაგთ უფრო ართობს, სადაც დღემდე დარჩა კულტად! სულიერი აღარ ეთქმის, რადგან ზღვისა უფრო ფართო არის სივრცე, ვიდრე სულთა.

როს შაპიტოს აშლი კარავს, ვნუხვარ, რომ მას, რაც კი ცისქვეშ, ვთქვათ, არსება იყო ჩემი, იტაცებს რა ჰაერს, არრად გადაქცეულს, ზვირთად იქცეს არა ძალუძს დიდი გვემით.

მაგრამ თუ ხართ, თუნდაც მცირედ, მიზანთრობი, მაშინ შევებას იგრძნობთ შემოჭვრით სარტყლის, მიუშვერთ რა გულ-მკერდს გმირად ამას, ამ თავისუფლებას, მისკენ ზედმეტ ბიჯის გადგმით.

კაფეში

თელის ქვეშ, მუდამ მოჩურჩულე რომ მოჩანს ჯმუხად და კაფეს აქცევს ვერსად მყოფელ მიდამოდ სეფედ, როგორც ყველა ხე, რაც იქნება, თელა თუ მუხა, თავთავიანთი სიმწვანით რომ ჩვენზე მეტს სძლებენ,

მე, სხვამხრივ – არვინ, ყოვლადკაცი, ანუ ერთ-ერთი მოსმა იმ სულდგმულ სურათთაგან, რომლებსაც ჩქამით, ფუნჯის, სიცოცხლის საღებავში, ნობით, გვერდიდან ხატავს – არმქონე უკეთესი პალიტრის — ჟამი,

ვზივარ შრილა გაზეთით და ვფიქრობ: საიდან გადმოიხატეს ნატურიდან, ვის გამო ვღელავთ – ვის უცნობობას, ვის სიმშვიდეს, ვის საიდუმლო არყოფნის ფორმას ვიმეორებთ აქ – მე და თელა?!

კორნელიუს დოლაპელას

სალევე პროკონსულს! ახლახანწყალგადავლებულ, თქვენი დიდებაც მარმარილოს ტილოა მომცრო... ჩვენს მერე – ტბორი და კანონი არსად ეგულვით. თავად ქვა ვარ და ის ხომ ვიცი, თუ როგორ ვცოცხლობ! ორი ათასი წლის მერეც გვაქვს ბევრი საერთო, რაც უნდა იყოს დრო – ფულია და კვალსაც არ შლის... ართრიტი რაა, თუკი ორჯერ მეტად გაერთე და არაამქვეყნიურიც კი დაგიდგა მხარში! მოკლედ, სასტუმროს შევუარე, რა მოხდა მერე! ხოლო უარეს შემთხვევაში „დავრეკო ვისთან“ ნამიჭერს ყელში, მაგრამ არსად დავრეკავ ჯერეთ, რომ ქვისსამტეხლოს ხმები აღარ მომესმას ხისტად... შენ – უსახლებოს, მე — ჯუბაში, ჯიბის გარეშეს – რა გვინდა? ვიცი, ასოებით ვაგროვებ რასაც, მათი ღორები რომ შეიჭრან ჟამთა კარში... ჩემს აორტას კი ავინროებს მარმარის რაზა.

ღრუბლები

ღრუბლებო, გშვენიო ბალტიის ზაფხული, ჯერ არ მაქვს ნახული – სადარი თქვენი.

სხვა ყოფნის, იქნებ, რაინდიც მართლა ხართ, ცხენიც და, ხანდახან, ღვთის ხელსაც გვიქნევთ!

ღმერთილა გიცქერთ შიგნიდან – სახლებში, როგორც ხორცს, დაგლეჯილ კვართიდან, ისე.

მეც ისე, თქვენში, ვინც შიშებს ვიფარებ, არყოფნის ტვიფარებს ვხედავ და ვხვნივში.

ტოვებთ რა მარად უკვდავთა საძვალეს, ზღვისაგან დამცხრალი ტალღების დარად –

რას აღარ ტოლობთ! — ედებით მქანდაკველ არსებას, ანდა კი სადა გაქვთ ბოლო!

ხართ ბორცვი, კრავი, ტაძარიც — ყოფილი, ტოლსტოის პროფილიც, ბერბიჭას თავიც.

ტვინს ჰგავხართ დალილის, ცვილს მღვენთავს, ღერბის დარს, ხართ აისბერგიც და სამოთხის ბალის

ანფასიც მკვეთრი, ახ, თქვენთვის, ქარისა გარდა, არ არისო სხვა გეომეტრი!

მე თქვენში ვხედავ ლხენასაც ფრთების დარს, შეკაზმულების და მომთაბარეთა.

თქვენსას ვხსნი, თითქმის, ფხრენას და აფრობას, ჯამსა და სხვაფრობას – ძილის და სიტყვის.

სიცრუის წვდომის სწავლება გიმაძღვით, უარყვავ სიმართლე წონის და ზომის

და მზერაც ეკლობს – მას აღარ მოძებნის, ხიბლის და ოცნების გზის სასარგებლოდ.

ვჭვრეტ თქვენგან ნაძერწ კუნძულის ხატებას, რაც აღემატება გლობუსის ღანვებს.

კოშკები თქვენი ყველაა – ადვილი ცხოვრების ადვილი — მცურავი, მფრენი,

პლუს მლტოლვარ გულთა მძლე თვითმპყრობელობა, ციერთა მსვლელობაც, ქცეული მულტად,

საბალოდ – ლალი კაბების მზადებაც, ხან — ბარიკადებად მოგელით კრახიც...

ჯერისწერავ პეპლის და ჰიმალაისა! — ღრუბლებო, დაიცათ, სად მიხვალთ შეხლით?!

არავის კუთვნილ ზეცაში, თეთრფრთება, ვისია ვედრება, რომელსაც ფუთინით?!

იქ თქვენსავ სმენის და მზერის ბინაა, – ვინ გაგებთ, ვინაა სიზიფე თქვენი?!

რაც გიჩანთ გარეთ – გიგავთ შეველს, იადონს... როგორღა დიადობთ, მითხარით ბარემ!

სასწაულს თქვენსას უხმობა სულ ახლავს და, თვლადი, გულალმა წევს და ჯოგს მწყემსავს,

რაც ძროხის დარად გამართობთა, როდესაც ირჩევენ ოდესღაც დაკარგულს – ზღვარად...

ნუ ნახვალთ ნურსად! — შეიძლებთ შეუძლებს... – მჩატე ხართ სხეულზე, ჯობიხართ სულსაც.

თარგმნა ბათუ დანელიამ



მწერალი

ვაჟა გიგაშვილი

საირმის გორაზე ერთ-ერთი ცხრასართულიანი სახლის ბოლო სართულზე მწერალი ვაჟა გიგაშვილი ცხოვრობს. გამრეკელის ქუჩიდან საირმეზე შეუხვევ, აღმართს აუყვები და ათ წუთში იქ ხარ. არაფრით გამორჩეული, ჩვეულებრივი კორპუსია, თუმცა კარის ზღურბლს გადასცდები თუ არა, არაჩვეულებრივი სამყარო იწყება, სამყარო, რომელიც ხელოვნური კაცის სურნელით სუნთქავს. ინტერვიუს დაწყებამდე უგემრიელესი წითელი ღვინით მიმასპინძლდება. სადღაც წაკითხული მახსენდება, ნინამურის აგარაკზე თავისი ხელით წურავს ლალისფერ ღვინოსო. სამწუხაროდ, აგარაკი აღარ აქვს - ვალეებს შეენირა, ღვინო - ჯერ კიდევ შერჩა.

ამ სახლში მისი ოჯახის წევრების გარდა ორი კატა ცხოვრობს - ულამაზესი სიამის და ფუმფულა სპარსული. სპარსული თავად გაუზრდია საკუთარ უბეში, მას კიდევ თავის მხრივ - ოჯახში მოყვანილი სიამის კნუტი. შესაშური იდილიაა.

ამ სახლში მოგონებებიც ცხოვრობენ, მოგონებანი გარდასულ დღეთა... ზოგი ფურცელზე გადააქვს, ზოგსაც ნაცნობ-მეგობრებს უყვება. თხრობა სიამონებებს, თან უამრავი რამ აქვს ნანახი, გასახსენებელი - გურამ რჩეულიშვილთან ერთად გატარებული ბობოქარი ახალგაზრდობა, დაულაღავი ხეტიალი მთაში, გაუთავებელი ექსპედიციები საქართველოში და საქართველოს გარეთ, ნადირობისას გადამხდარი ხიფათიანი ამბები, სიკვდილის პირისპირ ყოფნა... ამ ყველაფერზე ისე გატაცებით საუბრობს, ვერადება შეაჩერო და შეკითხვა დაუსვა, შეკითხვა ლიტერატურაზე, რომელიც ვაჟა გიგაშვილისთვის, აღმადღვარის ერთი ფილმის არ იყო, მეორე კანონითაა - კანი, რომელშიც ის ცხოვრობს, მაშინაც კი, როცა არ წერს. და ჩვენც ვსაუბრობთ მის ცხოვრებაზე.

საინტერესო დროში მოგინათ შემოქმედებითი მოღვაწეობა: წერა კომუნისტური იდეოლოგიის ზეობის პერიოდში დაიწყეთ, შეესწარით ამ სისტემის წგრევას, ახლით ჩანაცვლებას და მოხვედით დღევანდელ დღემდე, როდესაც ადამიანების ცხოვრებაში ბევრი რამ შეიცვალა - პრიორიტეტები, ფასეულობები, ეპოქა... რა ხდება ამ მხრივ ლიტერატურაში: რომელი ღირებულებები გადარჩა და რომელმა განიცადა დეგრადაცია?


ძირითადი ღირებულებები არ იცვლება. მთავარია, სწორი შინაარსი მოუძებნო, კონკრეტული დროისა და გარემოს შესაბამისი ინტერპრეტაცია. ჩემს ახალგაზრდობაში იყო თემები, რომლებიც დღესაც აქტუალურია. 21 წლის ვიყავი, როცა „დღე და ჟამი“ დავწერე და გურამ რჩეულიშვილის დაჟინებული თხოვნით „ცისკარში“ მივიტანე. ვეუბნებოდი, არ დაბეჭდავენ-მეთქი, რადგან იმ პერიოდში მხოლოდ კომკავშირული ცხოვრების ილუსტრაციებს აქვეყნებდნენ. მაინც მიმატანინა. მისი რამდენიმე უწყინარი მოთხრობა შეარჩიეს - „შემოდგომა ბაბუა კოტისი“ და „სათავური“, მე კი უარი მითხრეს. ჟურნალის თანამშრომელმა, გიორგი შატბერაშვილმა კორექტულად ამიხსნა მიზეზი. ისე მესაუბრა, მივხვდი, ყველაფერი ზუსტად გაიგო და შეაფასა, მაგრამ თავს შემოთ ძალა არ იყო. ტექსტში მოთხრობილია რეალობიდან კარგულიად ამოვარდნილი ახალგაზრდა კაცის ამბავი, რომელიც უცხოოდ გრძნობს თავს არსებულ გარემოში. თანამედროვე მწერლობაში მსგავსი ტიპაჟი არავის უკვირს, ერთგვარ სტერეოტიპადაც იქცა, მაშინ კი ასეთი ან ციხეში უნდა მჯდარიყო, ან - საგიჟეთში. ლიტერატურულ ნაწარმოებში ხომ საერთოდ მიუღებელი იყო.

კიდევ რა იყო მიუღებელი მაშინდელ რეალობაში?

ბევრი რამ. განსაკუთრებით ეპატაჟს ვერ იტანდნენ. როგორც ჩანს, განსხვავებულად მოაზროვნე ადამიანები აშინებდათ. მოგვიანებით ვითარება ცოტა შეერბილდა, მაგრამ ამ კუთხით ზენოლა მაინც იგრძნობოდა. კოტე ყუბანეიშვილისა და ირაკლი ჩარკვიანის ლექსები იმ დროს დავბეჭდე „მამულში“, როცა მათი პიროვნებაცა და შემოქმედებაც ბევრისთვის იყო მიუღებელი, ისევე და ისევე არაორდინარულობის გამო. მათ თაობაში ეპატაჟს უფრო თამამად მიმართავდნენ, ჩვენ დროს კი ცოტა მეტი თუ მოგივიდოდა, დაგიჭერდნენ, თუმცა თავი ვახერხებდით. მახსოვს, ერთხელ მე და გურამ რჩეულიშვილმა დღისით, მზისით რუსთაველზე სროლა-სროლით გავიარეთ. მერე თქვეს, ლენინის ძეგლს ესროლესო, არადა, იარაღს ვცდიდით, ძეგლი არც დაგვიხახავს. ამ ფაქტს დიდი ხმაური მოჰყვა. გურამი დააპატიმრეს კიდევ. საბედნიეროდ, მალევე გამოუშვეს. ისე, ეპატაჟი გურამისთვის უნდა გეკითხათ, მისი მოგონილი იყო. ერთხელ რუსუდან თიკანაძე მოვიდა ჩემთან - ნამოდი, ნახე, შენი ძმაკაცი რას აკეთებსო. ჩავედი და რას ვხედავ - ზის საპარკომპანოში და თმას იპარსავს. მთელი თავი ააპარსინა და ერთ ადგილზე ზოლად დაიტოვა. ვერაფრით გადავათქვივნი. რამდენიმე დღე ასე დადიოდა, მერე მობეზრდა და ის დარჩენილი თმაც მოიშორა.

ანუ ძალიან იყო ამოვარდნილი იმ

სისტემიდან, ისევე, როგორც მისი მოთხრობები. თქვენი თანამედროვე მწერლები როგორ უყურებდნენ მის შემოქმედებას?



საოცრად ღიზიანდებოდნენ. მარტო ხნიერები კი არა, ჩვენზე რამდენიმე წლით უფროსებიც. არც მინდა მათი დასახელება. ვერ მიიღეს, როგორც პიროვნება და როგორც მწერალი ხომ - საერთოდ მწერალი არ არისო - ამბობდნენ. თუმცა დღეს ამაზე ყურადღებას აღარავინ ამახვილებს. მახსოვს, ერთხელ უნივერსიტეტში განხილვებზე რა დღეში ჩააგდეს. ისეთმა კარგმა ადამიანმა და მწერალმაც კი არ დაინდო, როგორც რეზო ინანიშვილია. როგორ შეიძლება ასე წერაო - ამბობდა. სხვათა შორის, უფროსებიდან პირველად არალიტერატორმა კაცმა დააფასა. ეს იყო არქიტექტორი ლადო მესხიშვილი. მანვე წააკითხა ლანა ლოლობერიძეს ჩემი მოთხრობები - „დღე და ჟამი“ და „ცარიელი სიბრტყე“. ლანას მათი მიხედვით ფილმის გადაღება უნდოდა, მაგრამ არ გამოვიდა. ისეთი რაღაცების შეცვლა მოსთხოვეს, ძირითადი სათქმელი იკარგებოდა და უარი თქვა.

მაინც რა იყო ამ ტექსტის მთავარი სათქმელი, საიდან მოვიდა 21 წლის ბიჭის გონებაში იმ ეპოქისთვის სრულიად უცხო პერსონაჟის სახება?

არსაიდან, ზუსტად ასე ვცხოვრობდით. რომ გითხრათ, პოლიტიკურად და იდეოლოგიურად ვაცნობიერებდით-მეთქი ჩვენს ქვეყანა, მოგატყუებთ. უბრალოდ ვერ ვიგანხდით ძალად თავსმობველ დოგმებს. გაწყვეტულად რომ იფიქრო კაცმა, შეიძლება მაინცდამაინც კომუნისტურ კი არა, ზედმეტად რელიგიურ და მორალისტურ საზოგადოებაშიც გაუჩნდეს ახალგაზრდას პროტესტის გრძნობა. ბუნებრივი რეაქციაა - ვერ იტან, როცა რაღაცს გაიძულებენ და ამიტომაც საწინააღმდეგოს აკეთებ.


თქვენი და გურამ რჩეულიშვილის მეგობრობა ცნობილი ფაქტია, თუმცა ბევრმა შეიძლება არ იცის, რომ მისი არაერთი მოთხრობა პერსონაჟი ბრძანდებით. ერთს გამოვყოფდი, კლასიკად ქველ მოთხრობას - „სიკვდილი მთებში“. რამდენადაც ვიცი, მასში აღწერილი ტრაგიკული ისტორიის ორივე შეესწარით.

ეს არის დოკუმენტურად მოყოლილი ალფრედ კურელას ოჯახის ტრაგედია. საოცარი ტიპი იყო, ნამდვილი გერმანელი. იმ პერიოდში, როცა ეს ამბავი

მოხდა, მე და გურამი ხევსურეთში ვიყავით. გოგი ოჩიაურმა გეტხოვა, მისთვის მეგობრობა გაგვენია. კურელას და მის ოჯახს ახილაში უნდა შევხვედროდით. ათენგენობა ახალი ჩათავებული იყო. არსოტში ერთ ოჯახს ვსტუმრობდით, როცა ეზოში ცხენზე ამხედრებული სახენაშლილი ხევსური შემოვარდა - მოშველეთ, გერმანელები მომყავდა და ქალი დამელუპაო. გურამი მაშინვე ცხენს მოახტა და შემთხვევის ადგილზე პირველი მიიჭრა. ცოტა ხანში მეც მივედი და ასეთი ამბავი დავგვხვდა.

მიძიე ტექსტია. ამ მოთხრობას რომ კითხვლობ, ცრემლებამდე მიდიხარ. განსაკუთრებით ბავშვის სცენა ამ აღელვებელი.

სტეფანე მაშინ 13 წლის იქნებოდა. წარმოიდგინეთ, ნევეს ქალი გატეხილი თავით, გვერდით ბიჭი უზის და ხის ტოტით უნიავეს. მაინც რა ძლიერი ხალხია. ამხელა უბედურება შეემთხვათ და ეს კაცი მეუბნება, ამღაში მინდა ჩასვლაო. ტიხონოვმა მთხოვა ფოტოების გადაღება, რადგან წერსო. ტიხონოვი თურმე ელპიდესთან მეგობრობდა, მის ცოლთან. წავიყვანე... მოგვიანებით კურელაზე მეც დავწერე პატარა მოთხრობა. ამ ტრაგედიის მერე ერთადერთხელ იყო ჩამოსული



საქართველოში, ორჯერ - მისი შვილი სტეფანე.

რეალურად რა მოხდა?

ცხენს ფეხი დაუცდა და ბელტი მოემსხვრა. ვინც ხევსურულ ცხენზე მჯდარა, იცის, რომ ეს მისთვის არაფერია. უნდა მიუშვა და უნაგირზე შერჩე, არ დააფრთხო. კურელას ცოლს შეეშინდა, იფიქრა, ვარდებო და გადმოსვლა დაიწყო. ერთი ფეხი ცხენს ამოცხვო, მეორე უხანგში გაეჩხირა. ეს ყველაზე ცუდია, რაც ამ დროს შეიძლება მოხდეს. ეგრევე ავითრევეს ცხენი. მართლაც ამხელა ქალი ფერდობზე სულ ქვევს უთხლაშუნა, თვითონაც ფეხები მოიტეხა.

ამ ფაქტის შემდეგ გურამმა მალე დაწერა მოთხრობა?

ეს ამბავი აგვისტოს პირველ ნახევარში მოხდა, შემოდგომაზე უკვე დაწერილი ჰქონდა. ფინალიც ზუსტადაა აღებული რეალობიდან. სასტუმროს ოთახში რომ შევიდა და საწოლზე გადაკიდებული ცოლის კაბა დაინახა, მაშინ ნასკდა ქვითინი კურელას. ვეღარ ჩერდებოდა. მანამდე გერმანულად იქცეოდა, საქმიანად და პრაქტიკულად, არაფერი შეუმჩნევია.

ალბათ უპრობლემოდ დაბეჭდეს, ყოველგვარი ცენზურის გარეშე.

სხვათა შორის, მაინც ეშინოდათ. არადა, ნამდვილი ამბავია, თანაც არაფერი პოლიტიკური იქ არ ყოფილა. ბოლომდე ყოყმანობდნენ, ადამიანი რომ დაიღუპაო. თითქოს ადამიანები იმ დროს არ იღუპებოდნენ.

„დღე და ჟამი“ 1987 წელს გამოიცა. ამის შემდეგ კარგა ხანი გვიდა და დაწერიეთ მეორე ნივთი - „მოთხრობები პოეტზე, რომელიც იშვიათად წერდა ლექსებს“, ციკლი ხელოვანზე, რომელსაც შემოქმედებითი კრიზისი აქვს.

„მოთხრობები პოეტზე“ შეიძლება „დრო და ჟამის“ ერთგვარ გაგრძელებადაც განვიხილოთ. ეს ტექსტიც მინაგანად თავისუფალ კაცზეა, რომელსაც არაფერი აბრკოლებს ცხოვრებაში, თუმცა ეს თავისუფლებაც მოჩვენებითია. ყველა ამას მეუბნება (მაყვედრის?): ხერ რა გეპაწილებს, თავისუფალი კაცი ხარ, რასაც გინდა, იმას აკეთებ... ვინა?.. სადა?.. როდის?.. ესაა თავისუფლება?! მთელი დღე იმაში გადის, რომ ვიღაცებს კოჭს

ვუგორებ, ხათრს ვუნახავ, ვუსწორებ...“ - ამბობს მთავარი გმირი. ასეა, სინამდვილეში არავინ იცის, რა არის ნამდვილი თავისუფლება.

ტექსტში ბაადურ ბალარჯიშვილის ერთი ლექსი მაქვს ჩართული, რომელიც ზუსტად ხსნის ამ ნივთის არსს:

„არვინ დაგაცლის, რომ შენს ნებაზე განვლო, რაც გერგო ბედად ბილიკი: - თქვენ მარტოობა განუხებთ ალბათ... - არა, პირიქით.“

„მოთხრობები პოეტზე“ გასული საუკუნის 90-იანი წლების დასაწყისში დავიწყე. ფრაგმენტები გზადაგზა ემატებოდა. ახლაც მაქვს ოცამდე ახალი ჩანაწერი. მინდა შევეკრა და ერთად გამოეცე, მაგრამ ჯერჯერობით ვერ ვახერხებ. განწყობა მჭირდება, მწერლური კამერტონი. ამის გარეშე წერას აზრი არა აქვს - თუ უბრალოდ აიღე და მოყვიე, რა გამოვა?! განწყობა ხომ უნდა შეუქმნა მკითხველს და თუ ეს განწყობა თავად არა გაქვს, სხვას რას გადასცემ, ან რას დანერ საერთოდ?

მთელი ნაწარმოების განმავლობაში მთავარი გმირის პოეტობა არსად ჩანს და რომ არა სათაური, შეიძლება ვერც კი მიხვდეთ, რომ შენს წინაშე ხელოვანია. თქვენ თუ გქონიათ მსგავსი შემოქმედებითი კრიზისის პერიოდი?

ახლა მაქვს. 3-4 წელია არაფერი დამინერია, თუ არ ჩავთვლით რომანს „ერთი ვინმე ყაფლანიშვილი“. ისიც თავიდან სცენარად იყო ჩაფიქრებული. დათო ჯანელიძეს უნდა გადაეღო მრავალსერიანი ფილმი „ჯაყოს ხიზნების“ მიხედვით და გადაწყვიტეთ, ეს ნაწარმოები გაგვეთანამედროვეინა. მოქმედება ორ დროში ხდება: თანამედროვე პერსონაჟი ყაფლანიშვილის გვარის ისტორიას იკვლევს, რომელიც მონოგრაფიისთვის სჭირდება. ხელნაწერებს კითხულობს, არქივებში იქექება და პოულობს ამბებს, რომლებიც სინამდვილეში მიხილ ჯაყახიშვილის მიერ დაწერილი „ჯაყოს ხიზნებია“. საინტერესო სცენარი გამოიღოდა, თუმცა შემდეგ ფილმი აღარ დააფინანსეს და რომანად გადავაკეთე. „დათა თუთაშხიას“ თანამედროვე ვერსიაზეც ვმუშაობდი. რაღაც ნერტილამდე მივედი, მაგრამ მერე ესეც შეჩერდა. იმ პერიოდში ცუდად მიეწყო ერთმანეთს ჰაშილი პოეტები. ისეთი დეპრესია დამეწყო, წერა ვიღას ახსოვდა. მართალი გითხრა, არასდროს მიფიქრია - არიქა, ბიჭო, ვწერო, თორემ ვიღუპები-მეთქი. არ მინდა და არ ვწერ! თუ მართლა არ მაქვს სათქმელი, ძალით რატომ უნდა ავიღო კალამი? სცენარი სხვა არის - დასახულ ამოცანას ასრულებ, კონკრეტული მიზანი გაქვს. მოთხრობას ვერც კი შევადარებ - სულ სხვა პროცესია. მოთხრობა ჩემთვის საინტერესო თავგადასავალია, მოგზაურობა, რომელიც არ იცი, როგორ დამთავრდება. ნაწარმოების დასასრულს წინასწარ ვერასდროს განსაზღვრავ. თვითონ მიჰყავხარ ამბავს ფინალამდე, რაღაცას გკარნახობს, რაღაც იბადება. ძალიან დიდი სიამოვნებაა... არ მესმის, რომ ამბობენ, დავიტანჯეთო. თუ დაიტანჯე, დალოცვილო, დაანებე თავი, ვინ გაძალებს?!

რატომ დაარქვით ასეთი პესიმისტური სათაური, რატომ არ წერს თქვენი პოეტი ლექსებს?

ესეც ბაადურ ბალარჯიშვილის „დამსახურებაა“. ერთხელ თქვა, რატომ უნდა დავწერო ძალით ლექსი. მაშინ დავწერ, როცა თავისით დაიბადებაო. მართლაც ასე იყო. თვეები გავიდოდა და სტრიქონს არ დანერდა, თუმცა მის პოეზიას ამით არაფერი მოჰპყვლია. მაგარი ტიპი იყო და მაგარი პოეტი.

სხვათა შორის, მაინცდამაინც ცნობილი არ არის.

იმიტომ, რომ ყურადღების ცენტრში ყოფნა არ უყვარდა, არც ახსენდებოდა... დღეს კი უმეტესობა თავის წარმოჩენას ცდილობს. სამწუხაროდ, ეს გახდა ნამყვანი. რეკლამამ შეიძლება ნაგავი გაასაღოს, მაგრამ ასეთი დამოკიდებულება ყველაფერში არ ამართლებს.

ქართულ ლიტერატურაში რა ვითარებაა ამ თვალსაზრისით, ვინ არის რეალურად ღირებული ავტორი და ვინ ტივტივებს ზედაპირზე?

ძალიან კარგი ავტორები წამოვიდნენ. პირველად რომ წავიკითხე აკა მორჩილაძის „მოგზაურობა ყარაბაღში“ და „ფალიაშვილის ქუჩის ძაღლები“, ვიფიქრე, ვინ არის, რა კარგი ვინმეა-მეთქი. ნიგინც

მაიონავალი

ჯემალ ლალანიძე

მსახიობი ჯემალ ლალანიძე 1956 წლიდან შოთა რუსთაველის სახელობის აკადემიური თეატრის სცენაზე დგას. მის მიერ განხორციელებული არაერთი როლი, სპექტაკლებსა თუ ფილმებში შექმნილი სახასიათო სახეები მაყურებელს კარგად ახსოვს. ბატონ ჯემალს ლიტერატურული პერსონაჟებიც არაერთხელ გაუცოცხლებია. ინსცენირებებსა თუ ეკრანიზაციებში მრავალჯერის მონაწილეობის მიუხედავად, მიაჩნია, რომ მხატვრული ნაწარმოების გაცოცხლება სცენასა თუ ეკრანზე იშვიათი გამოწვევების გარდა, თითქმის ყოველთვის ნარუმატებელია ხოლმე. თუმცა მის მიერ შესრულებული ნინოლა „ბახტრიონში“, ბატონი გიორგი „მზიან ლამეში“, არჩერ ფორია „გვადი ბიგვაში“ ნარმატებელი როლები იყო. განსახიერებული ლიტერატურული პერსონაჟების შესახებ მსახიობი თავად გვეტყვის. ჩვენი მხრიდან მხოლოდ დავამატებთ, რომ ბატონი ჯემალი დღემდე აქტიურად საქმიანობს საყვარელ თეატრში, 78 წლის მსახიობი სამ სპექტაკლშია დაკავებული, ამათგან ერთ-ერთი - „მოხუცი ჯამბაზები“ განსაკუთრებით პოპულარულია.

ბატონ ჯემალს შინ ვესტურე. მისი სახლი აფიშებით, ფოტოებითა და წიგნებითაა სავსე. იქაურობამ თეატრი მომაგონა.


— ბატონო ჯემალ, არაერთი ქართველი თუ უცხოელი მწერლის ლიტერატურული სახე გავიცოცხლებიათ. წლების განმავლობაში ვაჟა ფშაველას, უილიამ შექსპირის, ლეო ქიაჩელის, ნოდარ დუმბაძის, სხვა ავტორების ნაწარმოებთა პერსონაჟებს სცენასა თუ ეკრანზე განსახიერებდით. მათგან განსაკუთრებით საინტერესო სახედ რომელი მიგაჩნიათ? — თეატრი და ლიტერატურა გარკვეული თვალსაზრისით ერთმანეთს ჰგავს, ორივე მალე ხელოვნებას წარმოადგენს, ორივე გადმოგვცემს საინტერესო ამბავს, ქმნის სახასიათო სახეებს. როგორც იცით, 55 წელია თეატრში ვარ და არაერთი ლიტერატურული პერსონაჟი მითამაშია. მიუხედავად ამისა, მიმაჩნია, რომ მხატვრული ნაწარმოების ინსცენირება, იშვიათი გამონაკლისის გარდა, თითქმის არასოდეს ამართლებს და უმჯობესია, თეატრის სცენაზე დრამატურგის მიერ შექმნილი პიესა იდგმებოდეს. იგივე შეიძლება თქვას მხატვრული ტექსტის ეკრანიზაციაზეც.

„გამონაკლისები“ ვახსენე... ასეთად მივიჩნევ გიგა ლორთქიფანიძის სპექტაკლს — „მე, ბებია ილიკო და ილარიონი“, რომელიც რეჟისორმა ნაწარმოების ავტორთან, ნოდარ დუმბაძესთან ერთად რუსთაველის თეატრის სცენაზე დადგა. ფიქრობ, ძლიერი ნაწარმოებია და სცენაზე გადატანას ამიტომაც „გაუძლო“. სპექტაკლში ილარიონს ვთამაშობდი (კინომსახიობთა თეატრში გადასვლამდე ამ პერსონაჟს ეროსი მანჯგალაძე განასახიერებდა). სხვათა შორის, დუმბაძის „მზიან ლამეშიც“ მერგო ეპიზოდური, თუმცა ძალზე საინტერესო როლი. უარყოფით პერსონაჟს — ბატონ გიორგის, ნიპილისტ პროფესორს წარმოვადგენდი. მის ვრცელ მონოლოგს ვკითხულობდი. ტრაბახში ნუ ჩამომართმევთ, მაგრამ თუკი რაიმე მითამაშია — და მოგეხსენებათ ასზე მეტ სპექტაკლში ვითამაშე — ბატონი გიორგის სახე ყველაზე საინტერესო და შთამბეჭდავი გამოვიდა. მახსოვს, პრემიერის შემდეგ ვაკის პარკში, რესტორან „ბუდაპეშტში“ ბანკეტი გავმართეთ. მაშინ ახალგაზრდა ვიყავი, 25 წლისა. იქამდე ბატონ ნოდარს პირადად არ ვიცნობდი. ხანდახან, სპექტაკლის რეპეტიციებზე თუ შეხვედბოდი ხოლმე ერთმანეთს. ბანკეტზე ახალგაზრდები ერთად ვისხედით. ვხედავ, ბატონი ნოდარი ჩვენსკენ გამოემართა, მომიახლოვდა და მითხრა, ყმანვილო, რომ მცოდნოდა ბატონი გიორგის სახე ასეთი კარგი გამოვიდოდა, მის მონოლოგს უფრო ვრცლად დავწერდიო. „მზიანი ლამე“ მართლაც ძალზე პოპულარული სპექტაკლი იყო. წარმოიდგინეთ, შინ მიმავალი „გეპეის“ აღმართს ფეხით რომ ავუყვებოდი, იქაური სტუდენტები ჩემი მონოლოგიდან ფრაზებს ზეპირად „მესროდნენ“.

— როგორ ფიქრობთ, თეატრს მაყურებელი და ლიტერატურას მკითხველი მაშინ უფრო ჰყავდა?

— ეს ფაქტია და ამას ვერსად გავეცევით. სპექტაკლებზე მომზადებული მაყურებელი მოდიოდა, ის წინასწარ ეცნობოდა პიესას, ან კიდევ ერთხელ გადაიკითხავდა მხატვრულ ნაწარმოებს, რათა უფრო სრულად აღეჭვა სპექტაკლი და მის შეფასებამდე კომპეტენტური ყოფილიყო. ზოგჯერ პირიქითაც ხდებოდა — სპექტაკლით მოხიბლულ მაყურებელს სურვილი უჩნდებოდა, გაცნობოდა პიესას, ან ადრე ნაკითხული მხატვრული ტექსტი გაეხსენებინა. ჩვენც, მსახიობებიც ასე ვიქცევოდით. როდესაც ლიტერატურული ტექსტის გაცოცხლება ხდებოდა სცენაზე, მრავალჯერ ნაკითხულ ნაწარმოებსაც კი ახლიდან გულდასმით ვეცნობოდით. განა ასეთ დროს მხოლოდ რეჟისორის იმედად დარჩებოდა ვინმე? ნაწარმოებს უფრო სხვა თვალთ ვკითხულობდით, მეტიად

ვულრმავდებოდით. ამითაც არ ვკმაყოფილდებოდით და შესაბამის ეპოქას შევისწავლიდით, მთელს კულტურულ სივრცეს ვითვისებდით. დღემდე ასე ვართ. „ბახტრიონში“ უარყოფით გმირს, ნინოლას ვთამაშობდი. სახალხო არტისტის ნოდარ სნორედ ამ როლის შემდეგ მონაწილე. ძალზე მიყვარდა ეს სახე. საერთოდ, ვაჟას შემოქმედების დიდი მოტრფიალე ვარ. ბავშვობიდან ლამის ზეპირად ვიცოდე მისი ლექსები და პოემები. მაგრამ



როცა უკვე მსახიობს მომიწია „ბახტრიონზე“ მუშაობა, ხელმეორედ ავიღე ნიგნი, ნაკითხვებზე ბახტრიონი და გავეცანი ყველაფერს, რაც ამ ნაწარმოების უკეთ გაგებასა და ჩანვლომში დამეხმარებოდა. თუმცა მინდა გითხრა, რომ ბევრ ავტორს სპექტაკლამდე არც კი ვიცნობდი. მაგალითად, ბერტოლდ ბრეხტის პიესები არ ნამეკითხა.

გავიდა დრო და მაყურებელიც მოაკლდა თეატრს, მკითხველიც დაშორდა ნიგნს. დღეს ახალგაზრდები ტელეეკრანებსა და კომპიუტერის მონიტორებს უფრო არიან მიჯაჭვულნი ვიდრე ნიგნებს. არადა ქართული გამომცემლობები ნიგნების დიდ არჩევანს გვთავაზობენ. საოცრად შთამბეჭდავი ნიგნები გამოდის პატარებისთვისაც. მახსოვს, ჩემს ბავშვობაში, ნიგნის ხელში აღებისთანავე ფურცელასა და თვალსაზრისით ვინყვები, რადგან პირველ რიგში ილუსტრაციები მანიტრერესებდა. ამ თვალსაზრისით ნორჩ მკითხველებს ნამდვილად გაუმართლა. შეუძლებელია იმ ნაირფერმა, ძალზე სახიერმა გამომცემებმა ბავშვები არ მიიზიდოს. მოვა დრო და ისინი მკითხველებად გაიზრდებიან.

— როგორც მკითხველი, რა ნიგნებზე იზრდებოდით?

— ჩემი პირველი საკითხავი ლიტერატურა კარგად მახსოვს. დედა საბავშვო ბაღის მასწავლებელი გახლდათ და მუდმივად მანვდიდა გონებრივ საზრდოს — საბავშვო ზღაპრებსა და მოთხრობებს მკითხავდა. როცა ნამოვიზარდე, ჩემი თანატოლი ყმანვილების მსგავსად, სათავგადასავლო ლიტერატურით დავიინტერესდი და ჩემს საყვარელ ავტორებად ჯერ მარკ ტვენი, რობერტ სტივენსონი, ჯეიმს კუპერი იქცნენ, შემდეგ კი ჟიულ ვერნისა და მაინ რიდის ნაწარმოებებში „ჩავიძიე“.

მახსოვს, უფროსებისგან ფარულად რომ ვკითხულობდით „დეკამერონს“. ჯოვანი ბოკაჩოს ამ კრებულს ეროტიკული სცენებით გააყვარებულ ნიგნად აღვიქვამდით და ის მხოლოდ ამიტომ გვიზიდავდა. ამ გადმოსახედიდან კი თავს ვეკითხები, „დეკამერონს“ ჩუმიად ნასაკითხი რა ჰქონდა-მეთქი.

რაც შეეხება ქართულ კლასიკურ ლიტერატურას — სკოლის პერიოდშიდან მოყოლებული ვაჟა-ფშაველას პოემებისა და ლექსების, ალექსანდრე ყაზბეგის

მოთხრობების კითხვა განსაკუთრებით მიყვარდა. შემდეგ ჩემს ცხოვრებაში ილია, აკაკი და სხვა დიდი ავტორები „შემოვიდნენ“ და ერთიანად მოიცვეს იგი.

— თქვენს შესახებ ხშირად გამიგია, პოეზია ძლიერ უყვარსო.

— საბავშვო ბავშვი, სადაც დავდიოდი განთავსებული იყო ორსართულიან შენობაში, რომელიც ახლანდელი სასტუმრო „პოლიდეი ინ“-ისა და ყოფილი — „აჭარის“ ადგილას იდგა. მის გასწვრივ ცნობილი „საბურთალოს ბაზარი“ მდებარეობდა. იქვე იყო ავტობუსის გაჩერება. ვის არ ნახავდით ამ გაჩერებაზე — ხელოვნებისა და მეცნიერების ცნობილ წარმომადგენლებს, კულტურის მუშაკებს. ნაწილი ბაზარში მიდიოდა, ნაწილი კი სოფლის მეურნეობის პროდუქტით დატვირთული ელოდა ტრანსპორტს. სწორედ იქ, იმ გაჩერებაზე მდგარი უცნობი დამანახა ერთხელ დედამ და მითხრა: გალაკტიონიაო. დედამ ზეპირად იცოდა მისი ლექსები. მე კი მაშინ წარმოდგენაც არ მქონდა, ვინ იყო ის ახლავანი კაცი, რომლის სახელსაც ასეთი პატივისცემით წარმოთქვამდა დედა. შვიდ ფერის პიჯაკზე ლენინის ორდენი ჰქონდა დაბნეული. ეს ჩემი პირველი შეხვედრა იყო გალაკტიონთან.

— ჩემი ყურადღება შემოსვლისთანავე მიიქცია საკმაოდ მოზრდილ-



მა გამოცემამ „გალაკტიონი — 110“, თქვენს მაგიდაზე რომ დევს. ვინ არის ამ საიუბილეო გამოცემის ავტორი?

— ეს ექვსსაგვერდიანი ნიგნი ბატონმა ბონდო კობაძემ გამოსცა. ის საერთაშორისო საქველმოქმედო ფონდის — „მამულიშვილთა გახსენების“ — პრეზიდენტი გახლავთ და მართლაც საშურ საქმეს აკეთებს. მრავალწლიანი საქველმოქმედო საქმიანობისთვის ექვთიმე თაყაიშვილის პრემიის ლაურეატობა მიენიჭა. ფონდთან შეთანხმებით ნიგნი ვთამაშობდი. ბატონი ბონდო ჩვენი დიდი მწერლების საიუბილეო თარიღებს განსაკუთრებულად აღნიშნავს. ის თავს უყრის ხელოვნების სხვადასხვა სფეროს წარმომადგენლებს, ასევე სამედიცინო სფეროს მუშაკებს — დაახლოებით ხუთასამდე ადამიანს — და მასშტაბურ ღონისძიებას მართავს. ჯერ თბილისში ვიკრიბებით, კულტურულ აქციებს ვაწყობთ, შემდეგ იმ მწერლისა თუ პოეტის მშობლიურ ქალაქში ან სოფელში მივემგზავრებით, რომლის იუბილესაც აღნიშნავთ. სხვადასხვა სპეციალობის ექიმები მთელი დღის განმავლობაში უფასო სამედიცინო დახმარებას, კონსულტაციებს უწევენ

იქაურებს, საღამოს კი საგანგებო კულტურულ ღონისძიებას ვმართავთ. ყველაფრის დამაგვირგვინებელი კი ისეთივე მსხვილი საიუბილეო გამოცემის მომზადებაა, როგორსაც გალაკტიონის ცხოვრებისა და შემოქმედებისადმი მიძღვნილი შესანიშნავი ნიგნის მაგალითზე ხედვით. ასეთივე გამოცემები მომზადდა გოგლა ლეონიძის, იოსებ ნონეშვილისა და სხვა დიდებული ავტორების საიუბილეოდ.

ფონდთან თანამშრომლობამ საშუალება მომცა, ბევრ ახალგაზრდა მწერალსა თუ პოეტს პირადად შევხვედროდი, მათი ნაწერები გამეცნო. ძალზე საინტერესო, ნიჭიერი ახალგაზრდა ავტორები გვყავს. იგივე შემძლია გითხრათ დრამატურგებზეც. ქართულ დრამატურგიას ყოველთვის უჭირდა. საბჭოთა წლებში აუცილებელი იყო სეზონში ერთხელ, თანამედროვე საბჭოური ყოფის ამსახველი პიესა დადგმულიყო სცენაზე. რომ იცოდეთ, რა პიესები ინერებოდა, როგორი დაბალი დონის სპექტაკლებში გვინევდა თამაში... უნდა გითხრა, უნიჭოდ დაწერილი პიესის თამაში გაცილებით რთულია. ის დადგმები ახლა აღარავის ახსოვს და ეს კარგიცაა.

შემდეგ დრამატურგების ახალი თაობა წამოვიდა. ჯერ ლაშა თაბუკაშვილი გამოჩნდა ქართული თეატრის ცხოვრებაში, შემდეგ სხვები მოჰყვნენ. ახალი თაობის მწერლებიც საინტერესო მასალას გვთავაზობენ. მათ ხელში ვართ მსახიობები. ალბათ მომავალში მდგომარეობა კიდევ უფრო გამოსწორდება.

— ნიგნის ნაკითხვის შემდეგ, რომელიმე ლიტერატურული გმირის განსახიერების სურვილი თუ გავჩნიათ?

— როცა მსახიობი ხარ, შეუძლებელია ნაკითხვო ნიგნი და რომელიმე გმირში საკუთარი თავი არ დაინახო, ან ამა თუ იმ პერსონაჟის განსახიერება არ მოგიხდეს, არ იფიქრო, ეს რომ სპექტაკლად იდგმებოდეს, ნეტავ, რომელ გმირს ვითამაშებდიო?! ამაზე ხშირად დავფიქრებულვარ ვაჟას კითხვისას, რადგან მასთან იმდენი სახეა, იმდენი ხასიათია... ყოველი დიდი მწერლის შემოქმედება ხომ სარკესავითაა. შეუძლებელია მასში საკუთარი თავი ან შენი თანამედროვენი არ დაინახო. თეატრიც სარკეა.

ჩვენს თეატრში ძალზე პოპულარული იყო სპექტაკლი „მეტეხის ჩრდილში“, რომელშიც სერგო ზაქარაიძე თამაშობდა. მისი გმირის — შაქროს — სიძეს კი მე ვანსახიერებდი. მახსოვს, ფირფუზა რომ ვითამაშე, ჩემი უახლოესი მეგობარი, დიდი ფეხბურთელი მიშა მესხი მოვიდა და მითხრა, ჩემი მეზობლის ნახვა და გაცნობა როდის მოასწარი, ასე ზუსტად რომ გავითავისებია მისი სახეო. იგივე გამოვრთ ვითამაშე. უნივერსიტეტის კურსდამთველები მეკითხებოდნენ, უნივერსიტეტში არ გისწავლია და ამა და ამ ადამიანს საიდან იცნობდიო.

ამიტომაც უნდა ვიაროთ თეატრში, ვიკითხოთ მხატვრული ლიტერატურა. ახლა ხომ იმდენი ახალი ნიგნი გამოდის, თარგმნილიცა და ორიგინალური ლიტერატურაც მრავალფეროვანია. ჩვენი მწერლები, მთარგმნელები და გამომცემლები ძლიერ გვანებიერებენ. ვისარგებლოთ ამით და მოდი, მივუბრუნდეთ ნიგნებს.

ესაუბრა თამარ ჟურული



დასასრული
დასაწყისი №60

ეს უდიდესი ცოდვა იყო, ეს: „დაინახა ქამმა... მამის სიშიშველე“... ქამმა დაინახა ის სიშიშველე, რომელიც ისე მტკივნეულად განიცადა და შეიგრძნეს ჩვენმა წინაპრებმა (— ადამდაევამ) მამის, როდესაც აკრძალული ხილი იგემეს და „აეხილათ თვალი ორივეს და მიხვდნენ, რომ სიშიშველეს იყვნენ. გადააკერეს ლეღვის ფოთლები და არდაგები გაიკეთეს“. და მერე, იქვე, პატარა ხანში „დაუძახა უფალმა ღმერთმა ადამს და უთხრა: ადამ, სადა ხარ? მიუგო, შენი ხმა შემომესმა ბაღში და შემეშინდა, შიშველი რომ ვარ და დავიმალე. უთხრა: ვინ გითხრა, შიშველი რომ ხარ? იმ ხის ნაყოფი ხომ არ გიჭამია, მე რომ ავიკრძალე?“

და თუმცა ყოველივე როგორ კარგად მოეხსენებოდა მამა-უფალს, ღმერთს, აღსარებისათვის ჰკითხა ადამს ეს და ადამ-მაც, მართლმად-უპასუხა:

„უთხრა ადამმა: შენ რომ დედაკაცი მომიყვანე, მან მომცა იმ ხის ნაყოფი და მეც შევჭამე“.

და, მიუხედავად ყვედრებისა (— „შენ რომ დედაკაცი მომიყვანე...“) ამ აღსარებით, აღსარებისათვის-ამ, ეგებ ამიტომაც რაოდენ-რამს, გვპატიობს, ღმერთი, ხოლოკი

„თუმცა, ყველაფერ ამაში ნოეს ნაკლებად ედო ბრალი. ჯერ ერთი, როგორც კონტექსტიდან ჩანს, მას ამ დროს ეძინა და გამომდინარე აქედან იგი ვერ გაიაზრებდა მდგომარეობას, რომელშიაც იმყოფებოდა. მეორეც, ეს ყველაფერი ხდებოდა მის სახლში (კარავში), სადაც არ უნდა შეეღწია უცხო ურცხვ მზერას და სადაც ყოველი ადამიანი უფლებამოსილია იყოს საკმაოდ თავისუფალი“ —

და როგორ ამართლებს „განმარტებანი“, ნოეს,

შეძლებისადა, გვარად, მაგრამ ვერაფრით გაამართლებს საქციელს ქამისას, რომელმაც ქამმაც —

„და შეატყობინა გარეთ თავის ორ ძმას“... ეს ბოლო დამატება არის სწორედ ქამის დანაშაული. ქამი რომ მხოლოდ უნებლოე მონმე ყოფილიყო, ამ ერთგვარად მაცდუნებელი სურათისა, ყოველივე იმისათვის, რაც ნახა, მნიშვნელობას არ მიანიჭებდა. მაშინ იგი არც დანაშაულს ჩაიდენდა“.

მაგრამ „იმაში, თუ როგორ ჩქარობს იგი მოუყვეს ძმებს მისით ნანახს, ჩანს მისი ღრმად ბოლნი ბუნება. მის საქციელში ჩანს მამის დამცირებით გამოწვეული ბოროტი სიხარული, საკუთარი უპირატესობის და სიამაყის განცდა და სირცხვილის გრძობის უქონლობა“..... ჩვენ შეგვიძლია დავასკვნათ, რომ ის ძმებთან დასცილდა მამას. იგი ეცადა ეჩვენებინა რაოდენ უბადრუკი და სასაცილო იყო ამ მდგომარეობაში მათი მამა — ეს 600 წლის მოხუცი, ღვთისმოსაობის და რწმენის ეს უდრეკი ბურჯი. ის (ქამი) თითქოს გახარებულიც იყო იმით, რომ ის, ვინც მას მოუწოდებდა ღვთისმოსაობისკენ და ბორკავდა მის ავზარაბებს, სიმთვრალის გამო თავად ჩავარდა სამარცხვინო მდგომარეობაში“

და განიზრახა თავისი ძმების გახარებაც იმ მამით რომელზედაც ცოტათი მოგვიანებით მაგრამ ღვთისაგან, „გამოსვლა“ში, ლევიტელთადმი და მათეთი, ითქვა:

„ვინც დასწევლის თავის მამას და დედას, სიკვდილით უნდა დაისაჯოს“

მისმა ძმებმა კი, მისგან როგორი განსხვავებით:

„აიღეს სემმა და იაფეთმა სამოსელი... და დაფარეს მამის სიშიშველე“, თანაც, უკუსვლით შევიდნენ მამასთან, და

„ამ საქციელით მათ არა თუ მხარი დაუჭირეს ქამის საქციელს, არამედ ამ საქციელის მიზეზიც კი მოსპეს და რამდენადაც ქამმა გამოავლინა მანკიერებისაკენ და ბოლნი წარმოსახვისაკენ მიდრეკილება, მამისადმი უპატივისცემლობა, იმდენად სემმა და იაფეთმა გვიჩვენეს მამაშვილური სიყვარულის, უბიწოების, კვდამამოსილების და მამისადმი მოკრძალებული თავყვანისცემის მაგალითი, თუნდაც ისეთ განსაკუთრებულ შემთხვევაში, როდესაც მათი მშობელი ალბათ შედარებით ნაკლებად იმსახურებდა ყოველივე ამას“,

ხოლო როდესაც კარგა ხნის შემდგომ „გამოფხიზლდა ნოე ღვთისაგან“... ხოლო გამოფხიზლება იყო ძნელზე ძალიან, ძნელი,

ნოემ მოავლო თვალი კარავს და, ბინდი ედგა ნოეს თვალნი სანამ მეორე თვალს აახელდა და მერე, წარმოიდგინეთ, კიდევაც მეტად, უფრო, რადგან იმ სიშიშველეთი ძაბუნდუნად გამოყოლილს ჯერ ეგონა თუ ჩამობრანძული — დაკონკილი და დაფლეთილი მოსახსნამით-რამ დაფარვოდა მთელი სხეული და მსწრაფლ წამოიჭრა რადგან უბეწოდა და კიარა და ისეთი რეტი დასხმოდა თავს რომ, ლოდთამიერი, თანაც წელადი თუნდ დიდ-სიძიმით, როგორ, და კვლავ სარეცელზე დაეცა მხრებით და კეფით ხოლო ტვინი კი ისევ იმ ნამყოფ ჰაერში მალა დარჩა და მერე ისიც (ტვინი) ისე სწრაფად ჩამოენელა რომ ბეჩავ თავში რატკივილით ჩაუძვრ-შეუძვრა და შეეღწია შუბლის-მიღმეთსა და მოღმეთში ანაპერ-ნკლებული როგორ მწარცვეცხლად ისე ძაან-რო არნახული და ვერგანციდილი ტკივილისაგან შეჰკმინა ნოემ რაც ძალი ჰქონდა მაგრამ სადღ ჰქონდა — კარავის ჭერს და რომ ეგონა რო-კვდებოდა სწორედ აქ ამ-კავკასიაში მაგრამ სიკვდილი, გარდაცვალება ჯერ შორს იყო მისაგან და



ნოემ, ეულმა გარდა ტკივილისა-უუსაზღვროთი, უსაზომოთი აღარ იცოდა რა ექნა და ინვა, ინვა, ძალიან ეგონა სარეცელზე და მაცდურად გაჰკრა იმ მოგონებამ რომ ეგებ სწორედ იმ სითხეს-იმ მიტანვოდა და დაენია-დაეტეხა უკლებლივ მთელი თავისი თავისათვის სხეული-ანა გუშინ-დელა თუ-გუშინინ-დელი-დელი აბაა-დელიააა შევბა-რამ და უცხო მიდგომ-მოგვრამა აბნეული და აგდებული და განუსაზღვრელი და მიშვეებული და მოტორლიაღე და განუკითხველი-ავტორისაგან მაგრამ აჰ, არა,

და, ყოველივე გაახსენდა, და გამოფხიზლდა, და ნოემ ერთბაშად უკუიგდო ეს მძაფრი ბინდი და ჯანლი ტვინისა და მთელიც არსის და სემს, პირველს შეიღს თავისს, ძმებთანა ძალიან უხმო; გასძახათ, ასე: „შემოდით, მოოდით!“,

და სამთავე რომ რიგირგობით შემოიძურნა, ორი მათგანი თუმცა უდანაშაულოები მაგრამ სირცხვილით როგორ ძალიან აღენილნი ხოლოდა ქამი აღენილობით? — ისე-რა, და მათთან ერთად, ქანანიც, ჯერ სუთლად ბაღი მაგრამ რადგანაც მომავალი მამაკაცი და „ბუმბერაზი“ და ნოეს მოდგმის გამორავლებული, დადაგ იქვე

ხოლო ნოემ ქამს შეხედა-რა, მთლად აღედგინა ყველაფერი და, განრისხებული, წამოდგა ზეზე და ქამის — ატლანტიდისა კერძის, თურმე, როგორ სანყევად-დასანყევად შეემზადა ხნიერი ნოე მაგრამ გაახსენდა რომ, მთლად გამოფხიზლებულს ღვთისაგანაც კი, მიუხედავად იმისა, რომ, რომ —

„...შეიტყო, როგორ მოეპყრა მას უმცროსი ვაჟი“ — საიდან გაიგო მან ეს? — კითხულობს იოვანე ოქროპირი და თავად პასუხობს ამ კითხვაზე: იქნებ ძმებისგან, რომლებმაც ეს გააკეთეს არა იმიტომ, რომ

ძმა გაემტყუნებინათ, არამედ იმისათვის, რათა აეხსნათ ვითარება, რათა ქამს მისი (თავისი?.. მამის?) ავადმყოფობის შესაბამისი მკურნალობა მიეღო. არანაკლები სიბრძნით ხსნის ოქროპირი მეორე გაურკვეველობასაც (ხოლო ის პირველი „გაურკვეველობა“ ალბათ ორივეს ეხებოდა — „ავადმყოფობისაგან მორჩენა“ — ნოესაც, ქამსაც) — როგორ უნდა გავიგოთ აქ ქამის სხენება სიტყვით „პატარა“ ან „უმცროსი ვაჟი, როდესაც ცნობილია, რომ ის ასაკით საშუალო იყო“, მაგრამ:

„ქამი, ცხადია არ იყო ყველაზე უმცროსი: ის იყო მეორე და იაფეთზე უფროსი. მაგრამ, თუ ის იყო უფროსი ასაკით, სულით უფრო ახალგაზრდა (— გამოუცდელი?) აღმოჩნდა და თავხედობამ იგი დააყენა უმცროს ძმაზე დაბლა. ებრაულ დედანში სიტყვა „უფრო პატარა“ გამოხატავს შედარებით ფორმას და არა აღმატებობის (— ანუ კნინობის). ამგვარად, არ მიუთითებს ქამზე, როგორც ნოეს შვილებიდან ყველაზე უმცროსზე“, არამედ მხოლოდ როგორც უმცროსზე — უფრო პატარაზე სემთან (და იაფეთთანაც) შედარებით“, —

ჰოი, ბიბლია, დიადი ნიგნი ყოველი სიტყვით — ქრისტესმიერით და სულიწმიდათი-თვით, და მამა-უფალით, უფლითა-

იგივე საქციელში არ შეიძლება უფრო პასუხისმგებელი იყოს ახალგაზრდა, ჭაბუკი, ვიდრე ზრდასრული მამაკაცი. გაცვილებით ღრმა და საფუძვლიანია იოვანე ოქროპირის განმარტება: „წმიდა წერილი უმიზეზოდ და უმიზნოდ არ იხსენიებს ვაჟიშვილს. ნოეს უნდოდა ქამის დასჯა მისი დანაშაულისათვის და მამისთვის მიყენებული შეურაცხყოფისათვის, მაგრამ იმავდროულად, ცდილობდა არ დაერღვია ღმერთის ურთხვევა: — „აკურთხა ღმერთმა ნოე და მისი შვილები“..... როდესაც ისინი გამოვიდნენ კიდობნიდან“,

„შემდეგ ოქროპირი დანვრილებით განმარტავს, რომ დაინყვევდა ქანანის, რომელშიც ყველაზე მეტად განხორციელდა მამის ტიპიური ნიშან-თვისებები (რომლები-ეს და, ვიცით...) და ამგვარად, ვინც მამისთვის (ალბათ; მაინც —) ყველაზე საყვარელი და ახლობელი იყო, ნოემ ზუსტად ამით ყველაზე დიდი სასჯელი დაადო თვით ქამს“.—

ბიბლია, ნიგნი?.. თვით ღვთით, და თავად წმიდა სამებით მეტყველი, როგორ,

„და ბოლოს, უმნიშვნელო არ არის ზემოთ გამოთქმული აზრი იმის შესახებ, თუ რაოდენ დიდი როლი ითამაშეს ქანანელთა ტომებმა ისრაელის ისტორიაში. იმ წყველიდან გამომდინარე რომლითაც ნოემ დასაჯა მხოლოდ ქანანი“..... —

ხოლო წყველა იყო სასტიკი, უღმობელო, —

„თქვა: წყულომც იყოს ქანანი!....., თქვა: კურთხეულ იყოს უფალი, ღმერთი სემისა! მორჩილად გაუხდეს მას ქანანი! განავრცოს ღმერთმა იაფეთი, სემის კარვებში დაემკვიდროს! დაემორჩილოს მას ქანანი!“,

ხოლო ეს წყველა, „რომლითაც ნოემ დასაჯა ქანანის შთამომავლობა, არ შეხება ქამის სხვა შვილებს“.,

მაგრამ, ქამს და ქანანს შეეხოთ ის, რომ, —

„თავისი ძმების მორჩილი იყოს“... ..,

გადიოდა, დრო, ემატებოდა წლები ისედაც ჭარმაგს, ნოეს, და არა მხოლოდ შორეულმა „ისტორიამ სრულიად გაამართლა ეს წინასწარმეტყველება“, არამედ ნოეც მოესწრო, ამ წყველის მიერ, რამდენსა, რამს:

და როგორ ახდა სწორედაც ეს, რომ — „...თავისი ძმების მორჩილი იყოს... :

„სრულ მორჩილებაში და მთლიანად დამონებულ იქნება ქანანის შთამომავლობა სემისა და იაფეთის შთამომავალთა მიერ და ისტორიამ სრულიად გაამართლა ეს წინასწარმეტყველება (— ძველი ალთქმისა და ამ ადგილის შექმნისა, სემდეგ). ამგვარად, ქანანის შთამომავლები ებრაელებმა დახოცეს და დაიმონეს იესო ნავეს ძის მეფობის დროს, როდესაც მან დაიპყრო ალთქმული მიწა. არაერთხელ, განსაკუთრებით კი დავითის და სოლომონის დროს ქანანელები გრძნობდნენ რა სემის შთამომავალთა (სემიტების) ძალს, ემსახურებოდნენ ამ უკანასკნელთ. ხოლო ქამიტების დანარჩენი განსტოებანი — ფინიკიელები და განსაკუთრებით ეთიოპელები დაიპყრეს იაფეთის ტომებმა — სპარსელებმა, ბერძნებმა და რომაელებმა“, და „იცოცხლა ნოემ წარღვნის შემდეგ 350 წელი“.....

„ბიბლიის ზოგიერთი მკვლევარის გამოკვლევით, წარღვნის შემდგომი ეპოქის სამას ორმოცდამათე წელი ემთხვევა აბრაამის სიცოცხლის 58 წელს., გამომდინარე აქედან ნოე ბაბილონის გოდოლის მშენებლობის და შემდეგ მის ყოფილ მოქალაქეთა დედამიწაზე გაბნევის მოწმე იყო“

და ესაუბრებოდა ნოე აბრაამს, მამა-აბრაამს რომლის წიაღშიც იმყოფებოდნენ მერე და მერე-გარდაცვლილები, მათ შორის სახარებისული ლატაკი ლაზარე და გაბლენძილი ბრიყვ-მდიდარი რომელი მამა-აბრაამიც წესიერი და ძნელცხოვრებიანი ლოთის (ლოტის) ბიძა იყო და ნოემ ისე დიდხანს იცოცხლა რომ

„სრული ხანი ნოესი იყო ცხრაას ორმოცდაათი წელი და მოკვდა“... მხოლოდ 19 წელი დაიკვლია ყველაზე დიდგობელი მეთუშალახის ვრცელ-ასაკამდე და ეს, მათი ორივესი წლებხანგრძლივობა, „ცხადია არ მომხდარა ღვთიური ჩარევის გარეშე“. „ნოე იყო ახალი, წარღვნის შემდგომი კაცობრიობის ისტორიის 3,5 საუკუნის მოწმე და თავისი პიროვნებით თითქოს ამტკიცებდა ძველი და ახალი

მსოფლიოს კავშირს და შემოინახა კაცობრიობის ყველა უნივერსალური ტრადიცია. წარღვნიამდელი ცხოვრების 600 წელმა მას საშუალება მისცა ენახა მეთუშალახი „რომელიც არა მხოლოდ სულმდაბალი ლამექის მამა იყო და ჩვენ კი, ლამექის მამობით მისი მნიშვნელობის ჩვენი არცოდნით აბნეულებმა საკმაოდ აგდებულადაცკი მოვიხსენიეთ თანაც რამოდენიმეჯერ იგი მაგრამ სწორედ მან თვითმხილველობით შეძლო რომ ნოეს „მისი პირიდან მოესმინა პირველშობილი სამყაროს შესახებ მოყოლილი ამბები, რომელიც მას სიტყვიერად გადაეცა უშუალოდ ადამისაგან“.

ხოლოკი ნოეს ჰყავდა წყალობად დიდედოც, და თ,

„ხოლო წარღვნის შემდგომი 350 წელი ეს მისი ცხოვრების დროის ის მონაკვეთი იყო, როდესაც მან შესძლო აბრაამთანაც ესაუბრა და პირადად გადაეცა მისთვის ღვთისმსახურების ყველა ტრადიცია, რის შემდეგაც ყველაფერმა ამან სამი საფეხურის გავლით (იაკობი, ლევი, კაფა) და ბუნებრივი გზით მიაღწია დაბადების აღმწერამდე – მოსემდე, რომელიც ამას გარდა, დაჯილდოებული იყო განსაკუთრებული ხილვის უნარით“

და იყვნენ კიდევ, ასეთი ზებუნებრივი უნარით დაჯილდოებულები, იმ ყოველი ხალხის ეგრეთწოდებული იმ „ეპოსები“ს შემქმნელები რომლებმაც ურიცხვ ასევე ეგრეთწოდებულ „მითებსა და თქმულებებში“ (მითი და თქმულება ყველა, სუყველა ნამდვილია ოღონდ ცოტათი გადაჭარბებულ-გამძაფრებული ეს მხატვრულად, თორემ ისე, სინამდვილეში? – ...) აღწერეს წარღვნა, ხოლო მათგან კი, უსახელოთა შორის როგორ-ძალიან სახელიანი, სახელოვანი დიდი მეფე და მემორი და დიადი შემოქმედი რომელმაც უკვდავების ამოდ ძებნაში დატოვა მშობლიური ურუქი და სამყარო მოიარა კიდით კიდემდე და „ქვაზე ამოკვეთა ყოველივე განცდილი“ და მათ შორის კი მანამდელ-გილგამეშამდელი, ჩავლილი წარღვნა

გადმოგვიცა როგორ, რა ხერხით, როგორა და, უბრალოდ რომ ვთქვათ ძალიანი –

ღვთით ამოკვეთა ქვაზე რვალით დიადი ნიგნი

და ღრმად მოხუცი, ბერიკაცი-ძალიან, ნოე, იჯდა თავისი კარავის წინ, 950 წლისა, უაუძღურებული მაგრამ გონზე კვლავ მყარად მყოფი და დიდი პაპის, პაპათავის-ვრცელიადამის მსგავსად ძალიან ძლიერ ფიქრობდა თუ ეს რა ხალხი, კანეტიბიც კანეიდან და იობალ-იუბალისა და თუბალ-კანის ჩამომავლები მრავლდებოდნენ და ვრცელდებოდნენ ამჩვენ ქვეყნად, და თუნდ ფოთლებისაც მიხედვით ერთურთის მსგავსნი არათუ არ იყვნენ არამედ ზოგი თუ სჭედდა იარაღს და თავისი ჭკუით მარჯვედ იქნევდა, ზოგიერთები მართლაც და მარჯვედ უკრავდნენ ქნარსა და ებანზე და ეუვნებს სწორად აუღარუნებდნენ და ადამიანებიდან ის ნოე, თავად ღვთისა და, ადამისაც, დამწერებული ადამიანთა რადგანაც უკვე ხედავდნენ-რა ადამიანთა იმისეთ-დიდ სხვადასხვაობას რომელ ადამიანებთაგანაც გამოვიდოდნენ და დადგებოდნენ ნეტავი-აქეთ ვაჟა-ფშავე-ლა და ვაიდიქით ადოლფ შიკლერებერი, „და მოკვდა ნოე“ მაგრამ ძალიან არ მომკვდარა, მიმოვიხედოთ, რამდენნი ვართ

ეს ცოდვილები როგორ-ძალიან, როგორ,

და, აუარებათაგან ის ცოდვა რომ, რამდენ-ვინმესი ის გაფიქრება რომ რო ვყოფილიყავით იესუს დროს მამინ ხომ ჩვენცა გვესმებოდა ძაან, ჩვენი მარადის-როგორ, მშობლისა, მაგრამ მის წიგნში ასეც სწერია, იოვანე XX-ში, რომ მას შემდეგ რაც ურწმუნომ – არა, შეეჭვებულმა თომამ იხილა იგი და ძალიან თქვა:

„უფალი ჩემი და ღმერთი ჩემი! ჰრქუა მას იესუ, რამეთუ: მიხილე და გრწამს; ნეტარ არიან, რომელთა არა უხილავ და ვჭრნენ“ –

ეს რა ძალიან, ჩვენი ცოდვების მისატყვებლად, გადასარჩენად გვიბოძაცა და დაგვიტოვაც, სახარება, ეს,

ის, და მაინც როგორ, –ეს, რომლისაცა რომ, რა ვრცლად-შემღე-ბა იქნებოდა მეტს რომ გვახსოვდეს თვით

ძველ ალექსანდრე კი მეტი... – ნიგნთა ნიგნი და მისი მათეს ის დიადი XXV, 31-46

რომელ-დიადი, გადასარჩენი ადგილის ნაკითხვა, და თუნდ გადაკითხვა ეს-მერამდენე არავის გვანყენს კი არა და, ჩვე-ულ-ირსების სულის ხსნისათვის როგორ ძალიან, აუცილებლად და უცილობლად, საჭიროა, კი:

„ხოლო რაჟამს მოვიდეს ძე კაცისა და დიდებითა თვისითა, და ყოველნი ან-გელოზნი მის თანა, მაშინ დაჯდეს საყდართა დიდებითა თვისისათა;

და შეკრბენ წინაშე მისა ყოველნი ნათესავნი, და განარჩინეს იგინი ურთიერთას, ვითარცა-იგი მწყემსმან რა განარჩინეს ცხოვარნი (ცხვრები) თიკანთაგან (თხები-საგან)

და დადგინეს ცხოვარნი მარჯვენით მისა და თიკანნი – მარცხენით.

მაშინ ჰრქუას მეუფემან მარჯვენითა მათ მისთა: მოვედით, კურთხეულნი მამისა ჩემისანო, და დაიმკვიდრეთ განმზადებული თქვენთვის სასუფეველი დასაბამით-გან სოფლისათ.

რამეთუ მშობდა, და მეცით მე ჭამადი; მწყუროდა, და მასუთ მე; უცხო ვიყავ, და შემინყარეთ მე;

შიშუელ ვიყავ, და შემმოსეთ მე; სნეულ ვიყავ, და მომხედეთ მე; საპყრობილეს ვიყავ, და მოხვედით ჩემდა.

მაშინ მიუგონ მას მართალთა მათ და ჰრქუან: უფალო, ოდეს გიხილეთ შენ მშვიერი და გამოგზარდეთ? ანუ წყურიელი და გასუთ შენ?

ოდეს გიხილეთ შენ უცხო და შეგონყნარეთ? ანუ შიშუელი და შეგმოსეთ შენ?

ოდეს გიხილეთ შენ უძღური ანუ საპყრობილესა და მოვედით შენდა?

და მიუგოს მეუფემან მან და ჰრქუას მათ: ამენ გეტყვი თქუენ: რაოდენი უყავთ ერთსა ამას მცირეთაგანსა ძმათა ჩემთასა, იგი მე მიყავთ“.

და, „მაშინ ჰრქუას მარცხენითა მათცა: წარვედით ჩემგან, წყეულნი, ცეცხლსა მას საუკუნესა (საუკუნოსა), რომელი განმზადებულ არს ეშმაკისათვის და ანგელოზთა მისთათვის,

რამეთუ მშობდა, და არა მეცით მე ჭამადი; მწყუროდა, და არა მასუთ მე;

უცხო ვიყავ, და არ შემინყარეთ მე; შიშუელ ვიყავ, და არა შემმოსეთ მე;

უძღური ვიყავ და საპყრობილესა, და არა მოხუდით ჩემდა.

მაშინ მიუგონ მათცა და ჰრქუან: უფალო, ოდეს გიხილეთ შენ მშვიერი და წყურიელი, ანუ უცხოებასა, ანუ შიშულობასა, ანუ უძღურებასა, ანუ საპყრობილესა და არა გამსახურეთ შენ?

მაშინ მიუგოს და ჰრქუას მათ: ამენ გეტყვი თქუენ: რაოდენი არა უყავთ ერთსა ამას მცირეთაგანსა, მე არა მიყავთ.

და წარვიდეს ესენი სატანჯველსა საუკუნესა, ხოლო მართალნი – ცხორებასა საუკუნესა“.

და, მწარედ დაფიქრებულიყო წინასწარმეტყველი, ნათლადმხილავი ნოე, თუ რა სიმწარესც გამოელოდა ადამიანებისაგან: არამცთუ „გიყვარდეს მტერი შენი“, ის ავზიანი ინკები მსხვერპლად სწირავდნენ კერპებს ბავშვებს რომლებიც ისე (ასე) უყვარდა (და უყვარს) ქრისტეს; და არამცთუ პირუტყვის სისხლის სმა, ასე ვთქვათ „შეძლებული“ ინკები თავიანთ „უკანონო“ შვილებს – ვითო სხვებიკი კანონიერად ჰყავდათ – არ ანებებდნენ დედებს, „კეთილმონყოლი“ სახლებში შინ მიჰყავდათ და ასე ათ-თორმეტ წლამდე ძალიან დიდის კალორიებით ასუქებდნენ რათა მერე დაეკლათ და უმადაც კი შეეჭამათ რადგან შენვისას ეკარგებოდათ სისხლი და ქონი ხოლო ინკების ასე ვთქვათ „დიდი კულტურის“ შემსწავლელი როგორი ვაიდ-მეცნიერები ალტაცებითა აღწერენ რომ თურმე იცოდნენ იმა-ინკებმა „რალაცები“ მზის სისტემისა და ქება-დიდებას ასხამდნენ მათ ამ იმ „განვითარებულობას“ ამასთანავე კაცოჭამიები რომ იყვნენ და აგრეთვე ხომ დაიტოვა „დიდებმა“ იმ უგუნურმა ვრცელი შენობა რომ გადაწვა და იმ სახელით იხსენიებენ რამდენნი (აბა რილათიდ გამომიბუეურონ, ცოდნა) ვინმე და უმართლებენ იმ ამპარტავნებას, რომელი-ისი ამპარტავნებაც „შემოქმედა“ ყოველგვარი ბოროტებისა და ყველა, სუყველა ცოდვათა-იმ რომელთა ჩამოთვლაც, რა სამწუხაროდ, რამორს ნაგვიყვანდა და ამპარტავნები კი, მთლად

პირველ რიგში ცერცეტად-ბოროტები – ბოროტებათა მწვერვალთ-ქვესკნელები – არიან იმით რომ როგორის დიდის მონდომებით იმსახურებენ მარადიულ ჯოჯოხეთს და მაგრამ, მაინც

იცოდა ნოემ, რომ მუდამ იყო, და იქნება,

დრო, – მონანიებით, ყოველ ცოდვისა გამოსყიდვის

ოღონდაც უნდა მოვასწროთ რომ, ამ ქვეყანაზე

და, ამ თიკანთათვის, ჩვე-თხები-სათვის, ვიცოდეთ, ძმებო, არის კიდევ დრო!

და მყარად გვახსოვდეს ის, რომ II-დ მოსვლამდე ჯვარცმული-როგორ, უფალი იესუ მასთან გვერდიგვერდ ჯვარცმულ იმავაზაკს ვინც რომ მეორეს, მაქილიკებულს იესუსი, „შეპრისხნა მას და ეტყოდა: არლა გემინის შენ ღმრთისა, რამეთუ მასვე სასჯელსა შინა ხარ?

და ჩუენ სამართლად ღირსი, რომელი ვქმენით, მოგვეგების, ხოლო ამან არა რა უჯერო“ ქმნა.

და ეტყოდა იესუს: მომიხსენე მე, უფალო, ოდეს მოხვიდე სუფევითა შენითა.

ხოლო იესუ ჰრქუა მას: ამენ გეტყვი შენ: დღეს ჩემ თანა იყო სამოთხესა“.

– ხომ გესმით; – გვესმის?

ვევედროთ, უნდა, ზიარების წინ: „შემინყარე უკვე მეცა, კაცთმოყვარეო უფალო, ვითარცა მეცა (მარიამ მაგდალენელი რომელსაც თუმცა „შვიდი ეშმაკი სჭირდა“ და მაგრამ მისი მისი როგორი უერთგულესი მიმდევარი გახდა), ვითარცა ავაზაკი (ჯვარცმულიც-ის), ვითარცა მეზვერე (– ზაქე, ხიდან ჩამოყვანილი რათა სტუმრებოდა მას თვით უფალი, და მატეთოსი და, რამდენნი, ვითარცა უძღები (გზაბნეულნი, რამდენნი, როგორ...) და, ამისათვის, ვევედროთ როგორ, უნდა:

„გული წმიდა დაბადე ჩემთანა, ღმერთო, და სული წრფელი (ადამისა, და ცემამდე) განმიახლე გვამსა ჩემსა“ –

გვესმოდეს, ნეტავ, უკუნისამდე

და არაა მაინცდამაინც აუცილებელი რომ... აქ მიკერძობებაში არ ჩამომერთვას, და ამ-კავკასიის ერთისაც კუთხის გამორჩეული პირმშობისაგან თავს შევიკავებ და უცხოებს... არა, არა, როგორ არიან უცხოელები, ჩვენნიც არიან!

როგორ-ნიმუშად მაგალითები რომ გავიხსენოთ აჯობებს, მგონი:

ის მერე რა რომ ყველანი რალა თქმა უნდა ვერ ვიქნებით ბახი და შექსპირი რომლებიც როგორც ყოველი წვეთი იმეორებენ თავისა არსში და გვიწყალობებს, ოკეანი-სას, თვით მამა-ღმერთის ფინჩის როგორი კინინად მენამცეცედეები მაგრამ, – ადამიანის პირობაზე დიადად როგორ, როგორ არიან,

რომ თვით მოცარტი – სულწინდისი როგორი რტო იმ დიად ხისა ბაობაბი რომ ვაზს ისხამდეს და იმ რტოს კიდე მხოლოდ ერთილა კუმპალი ესხას

და თვით ქრისტესი, ახალი ალექსის განმმარტებლები და გადმომწერები ბოლომდე აბა რომელი შევიქმნებით მაგრამ ეგება ჩვენ-ჩვენი არსის მორიდებული შესაძლებლობებით? – მაინცა ვცადოთ,

გადმომწერლობა,

და ესაც როდია-აბა, აუცილებლობა მაგრამ

ის მაინც შევძლოთ უკეთესად რომ მშვიდრისათვის მიგვეტანოს გინდაც ჩვენი თავისა უქმარი, პური, გაგვეყოს, მასთან, და მიგვეწოდოს წყალი ვისაც ეგებ თუნდაც ნაკლებად ჩვენზე, სწყურია, ოღონდ ჯვრით გულზე, ჩვენს და ხოლო ვინც ავად-მყოფ ბავშვს რომ წამლის ფულს არ მისცემს და მშვიერ მეზობელს პურს არ უწილადებს გინდაცრომ ფული – თავზე ძალიან გადასდიოდეს – ლაბაბოსები და ლიპოსანები და ლანგვაერთიანებულები სუქანლოყებთან სისუქნისაგან არიან, ეს,

და ნუ შეგვაშინებს თუნდაც განუზომელი ეს და თავს თუ რალაცა-ეს ვაებობანა დაგვატყდებოდა თავს, დე იყოს მისობისას სიკეთით ჩვენი გადარჩენის, გზა, ვაებობას ხომ – გამოვიცდებით, უფრო, და ამოვირჩევთ ჩვენი ცდაჩვენი ამორჩეული თვით ვრცელიცა და, მარტივიცკი სიკეთისათვის, გზას, და არ დავკარგავთ თვით ერთ-ერთი უზბედურესი და უგაჭირვე-ბულესი ერთ-ერთი უდიდეს-მხატვრისა სიკვდილისპირად თქმულიც გვახსოვდეს

რომ ის, უშვილდირი, როგორ უზომოდ მაღლობელია ღვთისა და მისი განგების სწორედ იმით რომ ცხოვრებაში გარეგნულადაც და საერთოდაც შეშლილი, იყო რადგან თუ არ ეს „შეშლილობა“, ღვთით-მწყალობელით ვერ დახატავდა მზე-სუმზირებს და მოხარული კარტოფილით როგორღაც გარიყულად და თან კუთვნილად შრომით-კუთვნილით მოსადილებებს და არლის სანახებს და თუ ჩვენს ბარათაშვილს და ფიროსმანს-მაინც ძალიან სალტედ-დუხჭირი ცხოვრება ჰქონდათ იმიტომაც ვერ ჰქმნიდნენ, ბიჭო, იმისთანებს რომ გადამადლარ ლაბა-ბოსანებს ძლომით გულწასულობისა კი-არა და ცხადშიაც არ მოლანდებიათ

ხოლო რადგანაც ყველას გვგონია რომ ჩვენ-პირადად ცოტათი ძნელი ცხოვრება გვექონდა და მათ შორის მეც, მგონია ასე რომ მათ შორის მეც, და ეგებ ამას ვაჭარბებ მაგრამ ძალიან რომ დავიღალე ეს კი ცხადია, და, რა დაგვრჩენია სწორად თუ რალაცა უცხოდ ამოუცნობი ეშხით გადა-ლილებს ჩვენ, არ მოვიმარჯვებთ თუკი კალმითარს ან ფუნჯს ან სანოტე ფურცლებს და როგორ თუ რა დაგვრჩენია, მეტი ამაზე –

ეკლესიაში თუკი ვივლით და თვით თუგინდაც გაუგებრობამდეც კი მალალ, მაგრამ გუმანიტისაგანდრ მუუდარებლად ჩვენი ხელობის დიდ-ამაღლებულ

ლოცვებს თუ წავიკითხავთ? ოღონდ ჯერ გულით, გონებით – მერე, და, დავიცავთ მარხვას, და ეს იქნება... ისა კი არა როგორც გვგონია სამწუხაროდ რომ ეს იქნება თავიდათავი ღვისკენ, ღვისადმი, არამედ –

ისევე და ისევე ჩვენთვის, ამ ჩვე-ბეჩავთა ამაღლებისათვის, –

კიდევაც, დრო, მიმოვიხედოთ,

და დროც უბრალო და უწყინარი კი არა და, როგორ-ძალიან-ადვილობით წამაქცევარიც, ჩვენი, და თუ დავძლევთ თავს და სიკეთით და სიყვარულით დავრჩებით ამ ღვთის ისე ძალიან რომ მაინც, სჯერა, უღირსთა, – ჩვენი,

თუ შევიქმნებით იმათსავით რომლებიც რომ-რო რა-მისაბაძად

იარებოდნენ, ღმერთთან, ვიარებოდეთ ნეტავ, მათსავით

ეს ჩვე-ყველანი, ჩვენი, და, ესე-მადლობა ჩვენი მცირე ძალი-

საებრ ვინც კი შევწირავთ მადლობას, უფალს, რომ გადმოვიწერეთ და გადმოვი-

ხატეთ წმიდა სამებით მისი ნახატები და წიგნები დიდი თუ მცირე და სიმღერებიც

გადმოვიმღერეთ უტყვიც და როგორ მზ-

მოვანებთ მისით აღსავსე, აღუვსებელი მისდამი და ავაშენებ ჯვარი, და ოშკი

თუნდ უცხოეთში (- ახლა!) მდგარი, ახლა და როგორ-ჩვენი, მაინც, ძალიან ჩვენი,

და მაგრამ მაინც როგორის შვებით და იმედით ავაცქერდეთ, კი, ცისარტყელას და წვიმას რომელიც როგორ-წყალობად ბე-

რნაირია და როგორ, თოვლს,

და, გადალილი ამ-ჩემს სულ-სუ სუბ-ოლო წინადადებას – მე რომ მეგონა რომ

ამას მაინც მყარი ნერტილით – . –

დავამთავრებდი, მაგრამ, თურმელა არა, არა, –

... -

და ა ს ს რ უ ლ ი

2005-2006; 2010 წ.

.

.

.

.

.

.

.

.

.

.

.

.

.

.

.

.

.

.

.

.

.

.

.

.



როსტომ ჩხეიძე

მელანქოლია ჩამავალ მზეთა



გალაკტიონ ტაბიძის ნახატი

ფრანგულის სწავლას რომ დაიწყებ და... მაშინვე პოლ ვერლენს მიეტანები სა-თარგმნელად.

გალაკტიონის ხატვით, ცხადია. დაღუპულ მამასავით რომ იგონებდა ხოლმე ხშირად.

ვერლენის პოეზიითაც შთაგონებუ-ლიყო.

მისი მხატვრული სახეები, თემატიკა, მოტივები ხომ გადმოჰქონდა და თე-თონაც მიჰყოფდა ხელს მის თარგმნასაც. თარგმნას თუ?..

ვახტანგ ჯავახიძის მხატვრულ-დოკუმენტურ რომანში „უცნობი (აპოლოგია გალაკტიონ ტაბიძისა)“ ცალკე თავი („ზმირად ვიგონებ ვერლენს“) რომ დაეთმო-რა ამ „მამაშვილობას“, კრიტიკულ შენიშვნას გამოთქვამდა გალაკტიონის თორმეტტომეულის მეშვიდე ტომის შემდგენელთა მიმართ: პირველად რომ გამოუქვეყნებდნენ პოეტს თარგმანებს და ეს რაკალი პოლ ვერლენის თორმეტი ლექსით გაიხსენებოდა, ამ პუბლიკაციას გაუმართლებლად მიიჩნევა. ჯერ ერთი, ეს გახლდათ დაუსათურებელი და დაუსრულებელი თარგმანები, მთავარი კი ისაა, რომ ამ თარგმანთა მოტივებზე გალაკტიონს დაენერა სრულიად ორიგინალური ლექსები და, რაკილა ისინი ამ ლირიკულ ნაწარმოებთა შთაგონების წყაროს წარ-

მოადგენდნენ, შემდგენლებს შესაბამის ვარიანტებში უნდა გაეტანათ.

თორმეტტომეულის შენიშვნებში სამგზის რომ მითითებულიყო კიდევ ამგვარ მსგავსებაზე?

ეს „სიმების კვდომო“, ეს „სხვისი სის-პეტაკე უფრო აგიუბსო“ და ეს „მეოცნებე მოსვენებაზე“?

მაგრამ ვახტანგ ჯავახიძეს ეს მეტად უკმარი მოეჩვენებოდა და პოლ ვერლენის გამოძახილად მონიშნულ ლექსებს ჩამო-ჰყვებოდა:

„თბილისის ზეცა მონამა“, „მთაწმინ-დის იქით“, „უცნობი ქუჩის დასასრულთან“, „მეტეხი იდგა რუხი, პიტალო“, „როგორც კი დილა გათენდება“, „მღელვარება“, „გრძობა, რომელიც დაკარგულია“, „ჰაერი“, „დაუმეგობრდა“, „ან კვილი-ისთვის ირევიან“, „ვით აფეთქება“ და „როგორც სიზმარი“.

ასე შეიქმნებოდა თხუთმეტი ლექსი ათის მოტივებზე. ბოლო ორის კვალი ჯერ-ჯერობით არა ჩანდა.

რასაკვირველია, თემა — გალაკტიონი და ვერლენი — იმხელაა, საგანგებო კვლევას მოითხოვს, მოსალოდნელია, რომ მონოგრაფიულადაც.

თუმც, მსჯელობის გეზს ნუ ავცდებით. ვერლენის ლირიკიდან „ჩამავალი მზე-ები“ განსაკუთრებით მომხიბლავდა.

ეს ხომ ის სახეა, რომელიც არაერთხელ გამეორებოდა გალაკტიონის ლირიკაშიც და ყოველთვის იშვიათი, გაუხუნარი შთამ-ბეჭდაობით.

და კიდევ: მისი მეორე კრებულის — „თავის ქალა არტიკული ყვავილებით“ — ოთხ ეპი-გრაფს შორის ერთ-ერთი ვერლენისაა რომ იყო, ეს სტრიქონი — „მელანქოლია ჩა-მავალ მზეთა“ — სწორედ ამ ლექსიდან ამოეწერა გალაკტიონს, ახლა მეც რომ ჩავფლულიყავი მის მელოდიაში და ძალდაუტანებლად ვუსადაგებდი ქართულ ვერსიას, რომელიც დიდი სწორებისა და დახვეწის შემდეგ ასეთ სახეს შეიძენდა.

და კიდევ: მისი მეორე კრებულის — „თავის ქალა არტიკული ყვავილებით“ — ოთხ ეპი-გრაფს შორის ერთ-ერთი ვერლენისაა რომ იყო, ეს სტრიქონი — „მელანქოლია ჩა-მავალ მზეთა“ — სწორედ ამ ლექსიდან ამოეწერა გალაკტიონს, ახლა მეც რომ ჩავფლულიყავი მის მელოდიაში და ძალდაუტანებლად ვუსადაგებდი ქართულ ვერსიას, რომელიც დიდი სწორებისა და დახვეწის შემდეგ ასეთ სახეს შეიძენდა.

ჩამავალი მზეები

მინდვრად გადაღვარულა მკრთალად გამოთენების,

თეთრის — მელანქოლია, ჩამავალი მზეების, ჩამავალი მზეების, და გულის აგონიას არწევს მელანქოლია გალობად აღზევების.

როგორც მოჩვენებათა სილაჟაჟით მფარავი, ნაპირები ებადა მზეებს ჩასამალავი, უსასრულოებათა მენამული წრეების ჩასვლა მოჩვენებათა ჩამავალი მზეების.

ეს ჩემი სტუდენტობისას მოხდებოდა, როდესაც ერთდროულად ვიყავი გატაცე-ბული ლინგვისტიკითა და პოეზიით და, ერთი მხრივ, ვიკვლევდი ბიბლიურ სტილ-ისტიკასა და ძველი ებრაელის ენობრივ საქცევებს (პარონომასია იქნებოდა თუ თანმიმდევრობის ვავ-ი), და მეორე მხრივ, არაბულიდან ვთარგმნიდი ომარ იბნ აბუ რაბიას სატრფიალო ლირიკას, ინგლი-სურიდან კი პერსი ბიში შელის, ტომას მურის, უოლტ უიტმენის, ჯეიმზ ჯოისისა თუ იუსტან ჰიუოდენის ლექსებს.

მამას რომ ნავაკითხებდი, ყველაზე მეტად მომინონებდა რაბიასა და უიტმენის თარგმანებს.

ამჯერად კი, „ჩამავალი მზეების“ გაც-ნობისას:

— ძალიან გალაკტიონია, — გამი-ცინებდა.

— ცუდია მერე? — გამიხარდებოდა ნოდარ დუმბაძის „მზიანი ღამის“ პერსონ-აჟივით.

— აბა, როგორ გითხრა, — და გალაკ-ტიონის თორმეტტომეულის უკანასკნელი ტომის ჩანაწერებს შემახსენებდა, კიდევ ერთხელ რომ გადმოვიღებდი და ჩავხე-დავდი, 1948 წლის 19 აპრილის მაგიდის კალენდრის ფურცელზე რაც წაენერა:

— ბაირონის გივი გაჩეჩილაძის თარგ-მანები ინგლისურიდან ქართულად ნაკ-ითხულ იქნა რადიოში. მთლად ჩემი რით-მითა და ჩემი წყობით.

ძალიან არ ექაშნიკებოდა ასეთი ექს-პერიმენტი.

მარტო ეს ერთი ცდა რომ ყოფილიყო, კიდევ რა უშავდა (თუმც ხელიდან არ გაუშ-ვებდა შემთხვევას, ეს რომ აღენიშნა).

გალაკტიონის არქივიდან მოგვი-ანებით „გალაკტიონოლოგის“ წყალობით

შემოვიდოდა სალიტერატურო მიმო-ქცევაში 1949 წლის ჩანაწერიც, გამომხ-ატველი მისი დაუფარავი სიამაყისაც და ნუხილისაც ერთსა და იმავე დროს: ყვე-ლაზე უფრო ჩემს დიდ გავლენას ვგრძობ მაშინ, როდესაც რუსეთის ან ევროპის კლასიკოსების ქართულ თარგმანებს ვკითხულობო:

— ჩემი წყობა, ჩემი რითმები, ჩემი მან-ერა წერისა — მხედება, პუშკინისა ის, ჰეი-ნე, ნეკრასოვი თუ გოტიე. რუსული პოეზი-ის ანთოლოგიაში — ტიუტჩევი. ჩვენი მთარგმნელები უხვად სარგებლობენ ჩემის ლექსიკით (გაფრინდაშვილი, გრიშაშვილი, გორგაძე, ცეცხლაძე, გაჩეჩილაძე, ვარდ-ოშვილი და მრავალი სხვები).

როგორი ყურადღებით ადევნებდა თვალს და როგორ შეესწავლა მთარგმ-ნელობითი პროცესის „ლირიკული ნაკა-დი“.

პუშკინიო, ჰაინეო, ნეკრასოვიო, გო-ტიეო, ტიუტჩევიო...

ერთმანეთისაგან ასერიგად დაშორე-ბული ლირიკოსები თავიანთი პოეტიკით.

ქართულად კი ერთ წრეში მოექცეოდ-ნენ.

გალაკტიონის მომწესხველ წრეში.

უცხოელ პოეტთა შორის პუშკინსაც რომ დასახებლბდა, ხოლო მთარგმნელებ-ში პაოლო იაშვილს არ მოიხსენიებდა, „მრავალ სხვებში“, ცხადია, მასაც იგუ-ლისხმებდა. როგორც ნოდარ ტაბიძის მხა-ტვრულ-დოკუმენტური ნიგნიდან „გალაკ-ტიონი“ ირკვევა, ეს გარემოება პირდაპი-რაცაა აღნიშნული პუშკინის ლექსებისა და პოემების ქართული გამოცემის გალაკ-ტიონისეულ ცალზე. აქ ასეთი მინანქრია:

— მთარგმნელი ცოდნასა და ენერგიას არ იშურებს. მას ჩემი ლექსებიდან აქვს აღებული როგორც სალექსო ზომა, ასევე რიტმიც. ამით, რა თქმა უნდა, იგებს მთარგმნელი და ავტორიც.

ქართულად ერთ წრეში მოექცეოდნენ, გალაკტიონის მომწესხველ წრეში...

მელა ვაკლდი ჩემი ვერლენით.

არადა, შენს მიერ გადმოღებული ლი-რიკული ლექსის ნაკითხვისას თუ ისეთი შთაბეჭდილება დარჩებათ: ძალიან გალაკ-ტიონიაო, — როგორ გინდა სიხარულით არ აღივსო:

— ცუდია მერე?!

ვაჟა გიგაშვილი: „არ მიწდა და არ ვწერ“


დასასრული

უცნაური იყო, შესახვევ ქალაღზე დაბე-ჭდილი. მერე გავიცანი... საოცარი ადამი-ანია, არაჩვეულებრივად თავმდაბალი. ხანდახან ვფიქრობ, არ წყინდება წერა?.. ანა კორძაია-სამადაშვილის მოთხრობები მომწონს ძალიან, არჩილ ქიქოძის, ბექა ქურხულის, რეზიკო თაბუკაშვილის... საერთოდ, ახალგაზრდების კითხვა მსიამ-ოვნებს. თვალშისაცემად მომრავლდნენ მწერალი ქალები — ეკა ტოგონიძე, რუსა ამირეჯიბი, ნინო წიკლაური... საინტერე-სოდ წერს ნესტან კვინიკაძე. „საბას“ ჟი-ურიში ვიყავი, მისი „ისპაჰანის ბულბულე-ბი“ რომ ნავიკითხე. ძლიერი კონკურენტი ჰყავდა — გელა ჩქვანავა და ნესტანმა ვერ გაიმარჯვა. ასეთ დროს სულ მწყდება ხოლმე გული — ხომ შეიძლება ერთ ნომი-ნაციაში ორი ჯილდო ვასცენ?! ბევრი საინ-ტერესო ტექსტი რჩება აღუნიშნავი. მახ-სენდება ლაშა ბულაძის „ბოლო ზარი“, რომელიც იმავე წელს აკა მორჩილაძის „სანატე ესპერანსა“-სთან ერთად იყო წარდ-გენილი. ასეთ ბუმბერაზ რომანთან რა უნდა გექნა? არადა, ისიც იმსახურებდა აღნიშვნას. სხვანაირი მურტალი მოთხ-რობაა, საშინლად ამხელს თაობას, ახალ-გაზრდების გაკრეტივებას, თანაც პირდა-პირ გეუბნება სათქმელს. ტყვიასავით ხედება კაცს ეს ნიგნი მუბლში. ერთი სი-ტყვიით, ბევრი საინტერესო ავტორია, უბრალოდ უნდა დაინახო. ეს კიდევ ცალკე პრობლემაა.

მახსოვს, ლაშა თაბუკაშვილმა აღმა-ნახი „სათავე“ გამოსცა, სადაც პირველად იბეჭდებოდნენ ახალბედა ავტორები. სწორედ აქ გამოჩნდნენ 80-იანი წლების დასაწყისში კოტე ჯანდიერი, ქეთი ნი-ყარაძე, ზურაბ სამადაშვილი, ზაალ სა-მადაშვილი, ირაკლი ჩარკვიანი და ლაშა იმედაშვილი. პირველი ოთხი თავიდანვე ჩამოყალიბებული მწერალი იყო — თავიან-თი სამყარო და სტილი ჰქონდათ. დანარ-ჩენი ორი — ნაკლებად, მაგრამ აქაც წერის მაღალი კულტურა ჩანდა. მოკლედ, გამ-ოვიდა აღმანახი და კაციშვილს სიტყვა არ უთქვამს მწერალთა კავშირიდან. მაშინ დავწერე კიდევ, როგორ შეიძლება ასეთი რამ არ შეამჩნიო-მეთქი? როგორ შეიძლე-ბა უკვე შემდგარმა მწერალმა, ლამის კლასიკოსმა, ნიჭიერი ახალგაზრდის გამოჩენა არ შეაფასო? არ გიხარია, გწყ-ინს თუ რა ხდება?! ჩემთვის ასეთი რამ გაუგებარია. ნიჭიერი ავტორის კითხვა ერთი სიამოვნებაა. საბედნიეროდ, მათი რიცხვი არცთუ მცირეა, რაც იმას ნიშნავს, რომ პროცესი გრძელდება.

— **თქვენი თაობა ნიგნთან უფრო ახ-ლოს იყო. დღეს ვითარება შეცვლილია. ცხოვრების ტემპი აჩქარდა და ადამი-ანებს კითხვისთვის სულ უფრო ნაკლები დრო რჩებათ. თუ გიფიქრიათ, რა ადგილი უჭირავს ნიგნს თანამედროვე საქარ-თველოში?**

— ჩემი თაობისთვის კითხვა ჩვეუ-ლებრივი მოვლენა გახლდათ. კარგი ნიგნი



რომ გამოვიდოდა, იყო ერთი ამბავი. როგორ შეიძლებოდა, არ ნაგეკითხა?! ახლა ეგრე აღარ არის, ნიგნს ბევრი მეტო-ქე გამოუჩნდა. ამიტომ მიკვირს, როცა ნა-კითხ ახალგაზრდებს ვხვდები, უმეტესო-ბა ხომ ნიგნთან მწყრაღადაა. ცხვირწინ რომ დაუდო, ვერ შეამჩნევს. ყველაფრის მიუხედავად, მიხარია, ლიტერატურის მი-მართ ინტერესი რომ არსებობს.

— **ბოლო წლებში მკითხველის ერთგ-ვარი დიფერენციაცია მოხდა: თუ კითხ-ულობენ, სიღრმისულად და მრავალ-მხრივად, თუ არადა — საერთოდ**



არაფერი იცინა.
— გეთანხმები, მკვეთრი კონტრასტი გაჩნდა. სხვათა შორის, ამერიკის საზოგა-დოებაა ასეთი. მასა თითქმის არაფერს კითხულობს, მაგრამ გარკვეული წრე მა-ღალინტელექტუალურია. ისეთი ავტორე-ბი იცინა, ჩვენამდე კარგა ხანს რომ ვერ მოაღწევს. არ ვიცი, ეს ყველაფერი სადამ-დე მიგვიყვანს. სტიქიური პროცესია, რომელსაც ვერაფრით შეაჩერებ.

ესაუბრა ნანა კობაიძე

ლიტერატურული გაზეთი
გამოდის საქართველოს კულტურისა და ძეგლთა დაცვის სამინისტროს ფინანსური მხარდაჭერით
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ჟურნალისტიკები ხათუნა ალხაზიშვილი, ნანა კობაიძე, თამარ ჟურული
ტელ.: 2292196; მობ. ტელ.: (577)742277; (599)269852; e-mail: litgazeti@yahoo.com